




ԶՄԻԱԾԻՆ

1979

ԺԱ



Լ Ձ
ՏԱՐԻ




ԷԶՄԻԱԾԻՆ



ՊԱՇՏՈՆԱԿԱՆ
ԱՄՍԱԳԻՐ
ՀԱՅՐԱՊԵՏԱԿԱՆ
ԱԹՈՌՈՒՅ
Ս. ԷԶՄԻԱԾՆԻ

Դրոշմակերպ


1979



ՀՐԱՄԱՆԱԻ

Տ. Տ. ՎԱԶԳԵՆԻ ԱՌԱՋՆՈՅ

ՎԵՀԱՓԱՌ ԵՒ ՍՐԲԱՋՆԱԳՈՅՆ ԿԱԹՈՂԻԿՈՍԻ
ԱՄԵՆԱՅՆ ՀԱՅՈՑ



ՎԵՀԱՓԱՌ ՀԱՅՐԱՊԵՏԻ ՔԱՐՈՋԸ ՄԱՅՐ ՏԱՃԱՐՈՒՄ
(14 հոկտեմբերի, կիրակի)

«Յանուն Հօր և Որդոյ և Հոգւոյն սրբոյ: Ամէն»:

«Հոգին է կենդանարար» (Հովհ. Զ 64), «Զհոգին մի շիջուցանէք» (Ա
Թեոսղ. Ե 19):

Սիրելի հավատացյալ ժողովուրդ, այս խորիմաստ խոսքերը մեր Տիրոջ՝
Հիսուս Քրիստոսի պատգամներն են՝ ուղղյալ համայն մարդկության՝ երեկ,
այսօր և հավիտյան:

«Զհոգին մի շիջուցանէք», «Հոգին է կենդանարար»:

Այս պատգամները եղած են առաջնորդող ոգի, լուսատու ջահ ման մեր
ժողովուրդի համար, մանավանդ այն պահից, երբ քրիստոնեւոյնունը մոտք
գործեց Հայաստանում: Հայ ժողովուրդը այդ օրվանից իր սիրտը բացեց
Քրիստոսի Ավետարանին, Քրիստոսի լույսին և այդ լույսով ապրեց դարեր
շարունակ, մինչև այսօր: Այդպես է, որ հայ ժողովուրդը պայծառակերպվեց
ու փառավորեց իր հոգին, իր հոգեկան ուժերը:

Հոգին, սիրելի հավատացյալներ, մարդկային հոգեկան աշխարհը, տիե-
զերական անարշագործութեան գագաթնակետն է հանդիսանում: Ահա այդ
բարձունքին հասավ, այդ գիտակցութեան հասավ մեր ժողովուրդը քրիստոնե-
յա դառնալով: Իսկ հայ հոգու, հայ ոգեկանութեան օրրանը և զանձատունը
հանդիսացավ Հայաստանյայց առաքելական եկեղեցին /հայ ժողովուրդի հա-
մար: Մեր մայր եկեղեցին, մեր ազգային եկեղեցին ի սկզբանե առաջնորդող
ջահը հանդիսացած է մեր ազգին, կրոնական դաստիարակութեան իմաս-
տով, բարոյական-հասարակական, մշակութային ու ման հայրենասիրա-
կան-քաղաքական իմաստով: Մեր պատմութեան վերջին մոտ երկու հազար
տարիների ընթացքում ինչ որ ստեղծված է մեր ժողովուրդի կողմից իբրև
չորժեք՝ լեզու, գրականութուն, արվեստներ, այսինքն ազգային մշակույթը

իր բոլոր հրաշապատում ձևերով, նաև մեր ժողովուրդի բարոյական նկարագիրն ու ճշմարտության, արդարության և ազատության զգացմունքները, մեր ժողովուրդի ինքնությունն ապրելու հերոսական տենչը,—այս բոլորը շաղխված են Քրիստոսի Ավետարանի լույսով:

Հայաստանյայց եկեղեցին իրապես ազգային եկեղեցի է, որովհետև իր ամբողջ սրտով ու հոգով, իր առաքելության բոլոր թելերով կապված է անբաժան կերպով հայ ժողովուրդի մշտական հոգեկան ապրումների, ձգտումների, երազանքների հետ: Գրեթե միշտ հայ ժողովուրդի հանուն ազատության մղված պայքարներում մեր եկեղեցին առաջնորդողի դեր կատարած է և կողքին կանգնած հայ իշխաններին և ժողովուրդի բոլոր ազատատենչ մարտիկներին, որոնք մարտնչած են դարերի ընթացքում «վասն Յիսուսի և վասն հայրենեաց», Ավարայրից սկսած մինչև Սարդարապատի հերոսամարտը:

Ահա թե ինչ է նշանակում հայ ժողովուրդի համար, հայոց պատմության համար Հայաստանյայց առաքելական սուրբ եկեղեցին: Մենք հպարտությամբ կարող ենք աշխարհի առաջ վկայել, որ մեր մայր եկեղեցին, Քրիստոսի պատգամի համաձայն, հոգու լույսը վառ պահեց մեր ազգի ողջ կյանքի և պատմության ընթացքում:

Մեր եկեղեցին այսօր էլ իր պատմական առաքելությունը շարունակում է և պետք է շարունակի թե՛ մեր մայր երկրում, մեր վերածնված Մայր Հայաստանում, թե՛ արտասահմանում, որտեղ ապրում են մեր ժողովուրդի գավակների հոծ բազմություններ՝ տարբեր երկիրների մեջ սփռված:

Այսօր էլ, հետևաբար, ուղիղ գծով Հայաստանյայց եկեղեցին գտնվում է իր ճշմարիտ, հարազատ, եկեղեցաշեն, ազգաբնակարան և ազգապահպան առաքելության ճանապարհի վրա: Այս ճանապարհի վրա երբեմն թե՛ անցյալում և մե՛ր օրերում դժվարություններ են տեսնվել ինչ-ինչ արտաքին կամ ներքին պատճառների հետևանքով: Այսպես է, որ վերջին այս քսան և ավելի տարիների ընթացքում մեր եկեղեցին նման դժվարությանց առջև կանգնեց հատկապես 1956 թվականից այս կողմ: Որոշ անհասկացողություններ առաջ եկան հատկապես Մայր Աթոռ ս. Էջմիածնի և Անթիսիասում հաստատված Մեծի Տանն Կիլիկիո Կաթողիկոսական Աթոռի միջև: Սակայն մենք բոլորս այստեղ թե արտասահմանում, մենք կասեինք ողջ հայությունը միշտ լավատես մնաց և հուսաց ու կամեցավ, որ այդ դժվարությունները և անհասկացողությունները վերջ գտնեն և վերահաստատվի միությունը, ամբողջական եղբայրական միությունը Հայաստանյայց եկեղեցվո նվիրապետական կառույցի մեջ:

Մայր Աթոռ ս. Էջմիածինը իբրև ընդհանրական Հայրապետություն և գլուխ Հայաստանյայց եկեղեցվո միշտ մնաց աղոթող և գործող այդ բարի, շինարար նպատակի կենսագործման ի խնդիր: Եվ ահավասիկ, սիրելի հավատացյալներ, Մենք երջանիկ ենք ձեզի այսօր հայտնի դարձնելու, թե Մեր հրավերով, նույն բարի մտադրություններով և զգացումներով առաջնորդված Մայր Աթոռ ժամանեց պատվիրակությունը Մեծի Տանն Կիլիկիո Կաթողիկոսության սրանից մի տասը օրեր առաջ: Այստեղ, մեզ մոտ, Մայր Աթոռում, տեղի ունեցան խորհրդակցություններ, բանակցություններ մեր երկու Աթոռների պատվիրակությունների միջև: Նրանք իրենց աշխատանքը վերջացրին արդեն բարի արդյունքներով: Երկու պատվիրակությունները եղբայրական փոխըմբռնման և սիրո մթնոլորտի մեջ հաստատեցին մի քանի հիմնական սկզբունքներ, որոնց վրա պիտի հաստատվի և իրագործվի

մեր եկեղեցվո միությունը և համերաշխ գործակցությունը Մայր Աթոռի և Կիլիկյան Աթոռի միջև: Մնում է այժմ, որ հետագա մեր հանդիպումներով և միջոցառումներով երկու Աթոռների զահակացիների կողմից կյանքի կոչվեն այդ սկզբունքները և վերանա տազնապալի կացությունը մեր եկեղեցու ծոցից, որի համար թե՛ մենք և թե՛ Անթիլիասի մեր եղբայրները հոգեպես տառապում էինք:

Այսպիսով կատարվեց առաջին և հուսադրիչ նախաքայլը: Մենք հավատում ենք, թե պիտի հաջորդեն համապատասխան կարգադրություններ, որպեսզի հասնենք մեր բոլորիս բաղձանքների և սպասումների իրականացման, այսինքն վերականգնումը օրինականության, ներքին միության, խաղաղ գործակցության մեր Աթոռների միջև:

Բացի այդ մենք սպասում ենք, որ միության իրագործումով առավել սերտ և ջերմ հարաբերություններ ստեղծվեն հայրենիքի և սփյուռքի միջև: Այդ կապերը արդեն հաստատված են, ինչպես գիտեք: Արտասահմանի ողջ հայության հայացքը ուղղված է դեպի վերածնված Մայր Հայաստան: Բոլոր հայերը գիտակցում են, որ հայ ժողովուրդը ունի իր մայր երկիրը, իր պետությունը, ամենայն հայոց Մայր Հայաստանը, որը գրավակալն է և իրավ պատվանդանը հայ ժողովուրդի կյանքի տևականության, հայ ժողովուրդի կյանքի զարգացման, հայ ժողովուրդի առավել պայծառ ապագայի կենսագործման:

Այս ազգային գիտակցությունը, Մեր կարծիքով, առավել պիտի ամրապնդվի մեր երկու Աթոռների համերաշխ ու շինարար գործակցությամբ: Բայց ոչ միայն այսքան: Կարծում ենք, որ միության կարևորագույն մեկ արդյունքը պետք է լինի նաև այն, որ մեր բոլոր նվիրապետական Աթոռները միասին, ձեռք-ձեռքի տված, մեր բովանդակ եկեղեցին իր բոլոր ուժերը լարած նվիրվի արտասահմանի հայության ինքնության պահպանության և պաշտպանության սուրբ գործին:

Մենք երբեք չենք կարող մոռանալ այն տխուր ճակատագիրը, որ մեզ բաժին ընկավ պատմության ընթացքում հարյուրամյակներ շարունակ: Չենք կարող մոռանալ մանավանդ այն ահավոր ողբերգությունը, որ տեղի ունեցավ 1915—1916 թվականներին Արևմտյան Հայաստանում, ներառյալ Կիլիկյան Հայաստանը, երբ մեր ողջ ժողովուրդը բնաջնջվեց այնտեղ: Միայն հրաշքի համագոր պայմանների մեջ է, որ հայ ժողովուրդը կարողացավ գտնել իր փրկության ճանապարհը՝ վերականգնումովը հայ պետականության և զարգացումովը մեր օրերի հայրենական իրականության, որի ակամատեսն ենք բոլորս:

Հստակ գիտակցությունը ունենալով մեր անցյալ ողբերգությունների և ճանապարհորդությունների, մենք բոլորս առավել պատասխանատվության զգացմունքով, առավել գիտակցությամբ, առավել հերոսական ճիգերով պետք է աշխատենք փրկել, պահպանել ու զորացնել այն, ինչ որ մեզ մնաց:

Նախ մեր վերածնված հայրենիքը, բայց նաև սփյուռքի հայությունը՝ մոտ երկու միլիոն մեր եղբայրները և քույրերը, որոնք տաքեր-տաքեր երկրներում երբեմն դժվարին պայմանների մեջ են գտնվում, իբրև ազգային փոքրամասնություններ և կրոնական համայնքներ: Մեր եկեղեցվո առաքելության ժամը վաղուց է հնչած այս տեսակետից: Այդ գիտակցությամբ մանավանդ մենք պետք է առաջնորդվենք մեր եկեղեցվո ներքին միությունը վերահաստատելու մեր ճանապարհի վրա:

Իրոք որ երբեմն արտասահմանի պայմաններում մեր եկեղեցին ու ժո-

ղովուրդը դժվար կացությանց են մատնվում այս կամ այն չափով, այս կամ այն ձևով: Այս պահին մենք պետք է հիշենք այստեղ ալն ծանր կացությունը, որ ստեղծվեց անցյալ տարի հոկտեմբերին և այս տարի սեպտեմբերին հատկապես Բելրութում, Էլբանանում, մեր հավատակից հայ եղբայրների և քույրերի համար, Մեծի Տանն Կիլիկիո Կաթողիկոսության համար, հոջ լիբանանահայության համար:

Դուք այդ բոլորին տեղյակ եք: Մենք, իբրև եկեղեցվո հովվապետ, մենք բոլոր հալաստանցիներս, իբրև հայ ժողովուրդի զավակներ, չենք կարող անտարբեր մնալ, երբ մեր դավանակից եղբայրները և քույրերը տագնապալի կացությանց են ենթարկվում, ինչպես այդ պատահեց Լիբանանում: Մենք այս առիթը օգտագործում ենք, որպեսզի մի անգամ ևս մեր եղբայրական ողջունը ողարկենք Մեծի Տանն Կիլիկիո Վեհափառ Հայրապետներին՝ Խորեն Ա կաթողիկոսին ու աթոռակից Գարեգին Բ-ին և բոլոր հայ հավատացյալներին, որ ի Լիբանան: Նաև մեր աղոթքը ջերմագին, որ շուտով վերահաստատվի խաղաղ և շինարար կյանքը Լիբանանի ափերում՝ մահմեդական և քրիստոնեյա բոլոր համայնքների միջև՝ համերաշխության և եղբայրական արդար գործակցության պայմաններում, որպեսզի այդ սբանչելի երկիրը՝ Լիբանանը, վերագտնե իր երբեմնի երջանկությունը: Մենք զգում ենք խորապես, որ լամեն հարված, որ ուղղված կլինի Լիբանանի հայ եկեղեցուն ու համայնքին, դա հարված է նաև մեզ բոլորիս համար, Մայր Աթոռ ս. Էջմիածնի և Հայաստանի բոլոր Մեր հավատացյալ զավակների համար:

Այս մաղթանքներով, այս իղձերով Մենք կուգենայինք հիշել մարգարեական խոսքերը մեր նահատակ բանաստեղծ Դանիել Վարուժանի, որ իր ծանոթ գործերից մեկում իր խոսքը ուղղում է հայ ժողովուրդին.

«Մենք զավակներդ օգոստափառ, պիտի կերտենք մոր արշալույս»:

Նոր արշալույս մեր ազգի, մեր հայրենիքի, մեր եկեղեցու համար: Նոր արշալույս կերտելու հավատքով, կամեցողությամբ, տեսիլքով հառաջ ընթանանք վառ պահելով հոգին մեր ազգի, որովհետև մեր հոգեկան ուժերով է, որ պիտի մնանք կենդանի, պայծառ և պիտի կարողանանք իբրև ազգություն և եկեղեցի մեր առաքելությունը շարունակել այս արևին տակ, մեր եղբայր ժողովուրդների կողքին:

Այդ արշալույսը, այդ լուսաբացը սկսված է արդեն մեր հայրենի պետության վերածնունդով ու ծաղկումով, որը պետք է շարունակվի և իր լրումին հասնի: Այդ լրումին հասնելու ճանապարհի վրա՝ միությունը և սերտ գործակցությունը անհրաժեշտ է մեր նվիրապետական Աթոռների միջև: Անհրաժեշտ է, որ Հայաստանցաց եկեղեցին հավատարիմ մնա իր դարավոր առաքելության և կատարի իր սրբաբանությունը ամբողջապես Աստուծո, ազգի և պատմության առջև:

Վերջացնելով Մեր խոսքը մաղթում ենք Մեծի Տանն Կիլիկիո կաթողիկոսական Աթոռին՝ անասանություն, նրա երկու զահակալներին՝ քաջառողջություն, համբերության ոգի և արիություն, իսկ եղբայրական Լիբանանին և արաբ ազնիվ ազգին՝ խաղաղություն, խաղաղություն և խաղաղություն:

«Շնորհք և սէր Տեառն մերոյ Յիսուսի Քրիստոսի եղիցին ընդ ձեզ և ընդ ամենեւեւանդ: Ամէն»:





ՎԵՀԱՓԱՌ ՀԱՅՐԱՊԵՏԻ ԿՈՆԴԱԿՆԵՐ
ԵԳԻՊՏՈՍԻ ՀԱՅՈՑ ԹԵՄԻ ԱՌԱՋՆՈՐԴ Տ. ԶԱՎԵՆ
ԵՊԻՍԿՈՊՈՍ ՉԻՆՉԻՆՅԱՆԻՆ ԱՐԺՈՒԹՅԱՆ ՊԱՏԻՎ
ՇՆՈՐՀԵԼՈՒ ԱՌԹԻՎ

ԳԵՐԱՇՆՈՐՀ Տ. ԶԱԽԷՆ ԵՊԻՍԿՈՊՈՍ ՉԻՆՉԻՆՅԱՆԻՆ,
ԲԱՐԵՆՆԱՄ ԱՌԱՋՆՈՐԴԻՆ ՀԱՅՈՑ ԵԳԻՊՏՈՍԻ
ՈՂՋՈՅՆ ՀԱՅՐԱԿԱՆ ԵՒ ՕՐՀՆՈՒԹԻՒՆ ՀԱՅՐԱՊԵՏԱԿԱՆ

ԳԱՀԻՐԷ

Փառք կու տամք Աստուծոյ Ամենակալին որ Իր սուրբ հովանիին տակ ապահով ու պայծառ կը պահպանէ մեր սուրբ եկեղեցին՝ իր եկեղեցիներով ու հաւատացեալ ժողովուրդով, ի Հայաստան և ի սփիւռս աշխարհի:

Այս մխիթարական իրականութիւնը կը պարտինք ման մեր եկեղեցւոյ սպասաւորներուն, որոնք կանգնած կը մնան իրենց մուկական կոչումին բարձրութեան վրայ՝ իբրև հոգևոր մշակներ և ժողովուրդի առաջնորդներ:

Մեր օրերու այդ մուկեալներու շարքին՝ մեր աւագ հոգևորականներէն մին է Ձերդ Սրբազնութիւնը, իբրև բարեխնամ առաջնորդը եգիպտահայոց պատմական թեմին, իբրև բարի և քաջ հովիւր ժողովրդեան, իբրև անձանձ-րոյթ աղօթողը ու գործողը ի շինութիւն մեր զաւակներու հոգևոր կեանքին:

Ընդառաջելով Գահիրէի և Աղեքսանդրիոյ թեմական ժողովներու միա-տեղ կատարուած միջնորդութեան, իբրև Հայրապետը Ձեր, սրտանց կ'ող-ջունենք ու կը գնահատենք անբասիր ծառայութեան Ձեր երկարամեայ բե-ղուն վաստակը և Ձեզ կը շնորհենք ԱՐԺՈՒԹՅԱՆ պատիւ, աղօթքով ջեր-մագին որ Տէրը Ձեզի պարգևէ կեանքի ու աշխատանքի երկար, շատ եր-կար տարիներ, որպէսզի նոր մերշնչումներով ու մշտանորոգ եռանդով շա-

րունակէք Ձեր առաքելութիւնը, յառաել շինութիւն ու պայծառութիւն մեր սուրբ եկեղեցւոյ և ի մխիթարութիւն մեր հաւատացեալ ժողովուրդին:


«Եւ դուք իբրև զվէմս կենդանիս շինիք տաճար հոգևոր, յանարատ քահանայութիւն, մատուցանել զհոգևոր պատարագս հաճոյս Աստուծոյ, ի ձեռն Յիսուսի Քրիստոսի» (Ա. Պետրոս Բ 5). ամէն:


Հայրապետական սիրով և օրհնութեամբ՝

Գալստի Դ

ԾԱՅՐԱԳՈՅՆ ՊԱՏՐԻԱՐԷ ԵՒ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Տուա կոնդակս ի 26 հոկտեմբերի
1979 փրկչական ամի,
և ի տումարիս հայոց ՌԽԻԸ
ի մայրավանս սրբոյ Էջմիածնի
ՀՄՐ. 988





ՎԵՀԱՓԱՌ ՀԱՅՐԱՊԵՏԻ ՕՐՀՆՈՒԹՅԱՆ ԿՈՆԴԱԿԸ
ՓԱՐԻՋԻ «ԴՊՐՈՑԱՍԵՐ ՏԻԿՆԱՆՑ ՎԱՐԺԱՐԱՆ»-Ի
ՏՆՕՐԵՆՈՒԹՅԱՆԸ, ԽՆԱՄԱԿԱԼ ՄԱՐՄՆԻՆ,
ԴԱՍԱԽՈՍԱԿԱՆ ԿԱԶՄԻՆ, ՊԱՇՏՈՆԵՆՈՒԹՅԱՆԸ ԵՎ
ԱՇԱԿԵՐՏՈՒԹՅԱՆԸ

«ԴՊՐՈՑԱՍԵՐ ՏԻԿՆԱՆՑ ՎԱՐԺԱՐԱՆ»-Ի ՏՆՕՐԵՆՈՒԹՅԱՆ,
ԽՆԱՄԱԿԱԼ ՄԱՐՄՆԻՆ ԵՒ ԴԱՍԱԽՈՍԱԿԱՆ ԿԱԶՄԻՆ,
ՊԱՇՏՈՆԵՆՈՒԹՅԱՆ ԵՒ ԱՇԱԿԵՐՏՈՒԹՅԱՆ
ՄԱՅՐ ԱԹՈՌ ՍՈՒՐԲ ԷԶՄԻԱՇՆԷՆ
ՈՂԶՈՐՅՆ ՀԱՅՐԱԿԱՆ ԵՒ ՕՐՀՆՈՒԹԻՒՆ ՀԱՅՐԱՊԵՏԱԿԱՆ

ՓԱՐԻՋ

Մեր ժողովուրդի նորագույն պատմության հորիզոնին վրայ, իր արժանատի տեղը ունի «Դպրոցաւեր տիկնանց վարժարան»-ը, հիմնուած Կ. Պոլսոյ մէջ 1879 փրկչական թուականին:

Հարիւր տարիներ առաջ Վոսիորի գեղածիծաղ ափերուն, արևմտահայոց հոգևոր մշակութային զարթոնքի օրերուն էր, երբ ազգային վերածնունդի տեսիլքը ունեցող առաքինազարդ հայուհիներու նախաձեռնութեամբ, օրհորդներ Նուրիկ Սիմոնեան, Թագուհի Պալթազարեան և Արմաիր Արամեան, կեանքի կոչուեցաւ «Դպրոցասիրաց» աղջկանց վարժարանը՝ նպատակ ունենալով դաստիարակներ պատրաստել գաւառի կրթական հաստատութիւններու համար և այսպիսով հոգևոր լոյս ու գիտութիւն տարածել արևմրտահայոց աշխարհի տարածքի վրայ:

Օռտով «Դպրոցաւեր»-ը դարձաւ համազգային նշանակութիւն ունեցող հաստատութիւն և նախախնամական դեր կատարեց համայն հայութեան ազգային վերածնունդի խանդավառ այդ օրերուն:

Բայց աւաղ, 1915-ի հայասպան մարիկը չխնայեց նաև «Դպրոցաւեր»-ին ու հնձեց տարաւ, բնաջինջ ըրաւ հարիւրաւոր վարժարաններ, հազարաւոր կրթական մշակներ, տասնեակ հազարաւոր մատաղ հայ աղջիկներ:

Աստուած սակայն բոլորովին չլքեց մեր ժողովուրդը և կարճ ժամանակ անց հայոց մթագնած երկնակամարի վրայ նոր լոյս ծագեցաւ՝ նոր զարթոնքի, նոր վերածնունդի ի Հայաստան և ի ափիոս աշխարհի: Այսպէս է որ «Դպրոցաւեր»-ի տեսլապաշտ հիմնադիրներու ոգին կրող, տնօրէնութիւն

տիկին Մուրատ Ակիլինէ Պոյաճեանի հերոսական ջանքերով, վարժարանը 1922-ին փոխադրուեցաւ Ֆրանսա և հաստատուեցաւ Փարիզ 1928 թուականին:

Այդ օրէն ահա «Դպրոցասէր»-ը կը շարունակէ իր պատմական առաքելութիւնը, նուիրում հայ դպրութեան ու ազգային դաստիարակութեան ազնի գործին, զնահատում ու սիրում բոլորի կողմէ:

«Դպրոցասէր»-ը նոր պայմաններու մէջ, բնականաբար չէր կրնար ունենալ նախկին իր ընդարձակ ցանցը կրթական հաստատութիւններու, սակայն ան յաղթահարելով բազում դժուարութիւններ, յաջողեցաւ լոյս քաղաքին մէջ վառ պահել ջահը իր լուսաբաշխ հիմնադիրներուն, ջահը հայ հասարակութեան, հայ հոգիին:

Այսօր, «Դպրոցասէր տիկնանց վարժարան»-ի հարիւր տարիներու կեանքին ու գործունէութեան սեմին Մենք՝ Հայրապետ Հայոց, Մեր հայեացքը դէպի երկինք, կ'աղօթենք Փրկչին մեր Յիսուսի Իջման սուրբ Սեղանի առջև, որ Տէրը Իր պահապան ու օգնական աջը միշտ հաստատ պահէ վատակաշատ այս կրթական հաստատութեան վրայ, նոր ուժ ու եռանդ պարգևէ Վարժարանի արդի բարեջան տնօրէնուհի վարիչին, Խնամակալ Մարմին աւճնուէր անդամներուն և անխոնջ կրթական մշակներուն, որպէսզի շարունակեն իրենց կրթանուէր աշխատանքը:

Այս հանդիսատր առիթով, Մեր խօսքը և կոչը կը կամենանք ուղղել նաև համայն հայութեան որ ի Ֆրանսա և յերոպա, որպէսզի բոլորը նեցուկ կանգնին բարոյապէս և նիւթապէս «Դպրոցասէր տիկնանց վարժարան»-ին ի Լը Ռէնի, որպէսզի ան հետզհետէ առանել արդիւնատուութեամբ ի կատար ածէ իր հոգեշէն ու հայապահպան առաքելութիւնը հայ ափիոքի ծոցին մէջ:

Օրհնութիւն «Դպրոցասէր տիկնանց վարժարան»-ի անմոռաց հիմնադիրներուն:

Օրհնութիւն «Դպրոցասէր տիկնանց վարժարան»-ի մեծ վաստակին և անոր արդի առաքելութեան:

Օրհնութիւն «Դպրոցասէր տիկնանց վարժարան»-ի Խնամակալ Մարմնին ու բարեկամներուն, ուսուցչական կազմին, պաշտօնէութեան և աշակերտութեան:

«Այլ Աստուած չոսոյ լի արասցէ զձեզ ամենայն խնդրութեամբ և խաղաղութեամբ, առաւելով ձեզ յոսով՝ զօրութեամբ Հոգւոյն սրբոյ» (Հոով. ԺԵ 13). ամէն:

Կարպէ Թ

ԾԱՅՐԱԳՈՅՆ ՊԱՏՐԻԱՐԺ ԵՒ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Տոսա կոնգակս ի 5 նոյտեմբերի
1979 փրկչական ամի,
և ի տունարիս հայոց (ՌեիԸ
ի մայրավանս սրբոյ Էջմիածնի
ՀՄՐ. 983

Փ Ա Ռ Ք Մ Ե Օ Ա Օ



ՎԵՀԱՓԱՌԻ ՀԱՅՐԱՊԵՏԻ ԿՈՆԴԱԿԸ
ԱԿԱՆԱՎՈՐ ՆԿԱՐԻՉ ԳԱՌՁՈՒԻՆ
(ԳԱՌՆԻԿ ԶՈՒԼՈՒՄՅԱՆ)
«Ս. ՍԱՀԱԿ—Ս. ՄԵՍՐՈՊ» ԾՔԱՆԾԱՆՈՎ
ՊԱՐԳԵՎԱՏՐԵԼՈՒ ԱՌԹԻՎ

ՄԵԾԱՏԱՂԱՆԴ ՆԿԱՐԻՉ ԳԱՌՆԻԿ ԶՈՒԼՈՒՄՅԱՆ-ԳԱՌՁՈՒԻՆ,
ՀԱՐԱՋԱՏ ՈՐԴԻՈՅ ՄԱՅՐ ԱԹՈՌՈՅ ՍՐԲՈՅ ԷԶՄԻԱԾՆԻ
ՈՂՋՈՐՅՆ ՀԱՅՐԱԿԱՆ ԵՒ ՕՐՀՆՈՒԹԻՒՆ ՀԱՅՐԱՊԵՏԱԿԱՆ

ՓԱՐԻՉ

Աստուած՝ պարգևատում բարեաց, Իր լոյս շնորհները միշտ առատօրէն բաշխած է մեր հիմաւորց ազգի զաւակներէն շատերուն, պատմութեան ընթացքին: Այդպէս է որ մեր ժողովուրդը նոյնիսկ իր գոյութեան փոթորկալոյզ ժամանակներուն, իր ծոցէն ծնունդ տուած է հանճարադրոշմ անհատականութիւններու, որոնք իրենց ստեղծարար իրագործումներով հարստացուած են համամարդկային արժէքներու մեծ գանձարանը:

Դուք, վարպետ, մեր ժողովուրդի ստեղծագործած արժէքներու երկնակամարի վրայ բարձրացուցիք փայլուն աստղ մը ևս թոյլք առած ասպնջական Ֆրանսայէն:

Զեր սնգուգական և կարչական արուեստը արգասիքն է հայկական ու ֆրանսական մտածումի և զգայութեանց ստեղծարար ուժերու միատեղ ծաղկումին, նոր, ինքնատիպ գոյներու, լոյսերու և շարժումներու ներդաշնանորումներով: Եւ բազում տարիներէ ի վեր Զեր գործերը յաճախ կը զարդարեն

ցուցահանդեսներու սրահները, գեղարուեստական հիացումի յուզում բաշխելով Ֆրանսայի և շատ այլ երկիրներու մեծ ուսումններու արուեստի երկըրպագուներուն:

Ձեր արուեստը, Ձեր բազմերանգ տաղանդը, Ձեր պայծառ անձնատրոթինը մեծապէս գնահատուած են մասն հայոց հայրենիքի, Մայր Հայաստանի մէջ, ուր բոլորը հպարտ են ու խանդավառ Ձեզմով, Ձեր վաստակով, Ձեր համբաւով:

Մենք՝ Հայրապետ Հայոց, քաղցրօրէն գնահատելով համաշխարհային ճանաչման հասած Ձեր արուեստը, այլև սիրով ընդառաջելով միջնորդութեանը Արևմտեան Երոպայի հայրապետական պատուիրակ և Փարիզի հայոց առաջնորդ գերաշնորհ տ. Սերովբէ արքեպիսկոպոսի, այսու Մեր կոնդակով Ձեզի կը շնորհենք «Սուրբ Սահակ—սուրբ Մեսրոպ» շքանշանը, մաղթելով որ զայն կրէք Ձեր ազնիւ կուրծքին վրայ երկար, շատ երկար տարիներ՝ մշտատև քաջաոռոյշութեամբ, անպատ ստեղծարար ներշնչումներով և ընտանեկան երջանկութեամբ:

«Ողջ լերուք զօրացեալ սուրբ Հոգով և յաւետ օրհնեալ ի Տեառնէ և ի Մէնջ». ամէն:

Կալ Չֆե Ռ

ԾԱՅՐԱԳՈՅՆ ՊԱՏՐԻԱՐԷ ԵՒ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Տուա կոնդակս յ-9 հոկտեմբերի
1979 փրկչական ամի,
և ի տոմարիս հայոց ՌՆԻԸ
ի մայրավանս սրբոյ Էջմիածնի
ՀՄՐ. 984





ՎԵՀԱՓԱՌ ՀԱՅՐԱՊԵՏԻ ԳԱՀԱԿԱԼՈՒԹՅԱՆ 24-ՐԴ ՏԱՐԵԴԱՐՁԻ ՀԱՆԴԻՍՈՒԹՅՈՒՆԸ ՄԱՅՐ ԱԹՈՌՈՒՄ

Սեպտեմբերի 30-ին, կիրակի օրը, Մայր Աթոռում, ավանդական հանդիսությամբ ու խանդավառ մթնոլորտում, նշվեց Ամենայն Հայոց Հայրապետ Ս. Տ. Վազգեն Ա կաթողիկոսի գահակալության 24-րդ տարեդարձը:

24 տարիներ առաջ, 1955 թվականի հոկտեմբերի 2-ին, ս. Գրիգոր Լուսավորչի պատմական Աթոռի վրա բազմեց Հայոց նորընտիր Հայրապետը՝ խորը հավատով, հոգևոր-եկեղեցական, ազգային-հայրենասիրական առաքելության պայծառ գիտակցությամբ:

Աստվածառաք Հայրապետը գահակալության տարիներին Իր Աջը տարածեց բովանդակ հայության վրա ի Հայաստան և ի սփյուռս աշխարհի և Իր առաքելությունը կատարեց անմագորդ, անփրկելի ու բոլորակալ սիրով դեպի Մայր Աթոռ ս. Էջմիածինը, դեպի հայ եկեղեցին, դեպի հայ ժողովուրդն ու հայրենիքը:

Անցնող 24 տարիների ընթացքում Հայոց Հայրապետը Իր բարձր անձնավորությունը նույնացրեց գրոց հիշատակության արժանի իրագործումներով, ինչպես նաև Մայր Աթոռի և Հայոց վերածնված աշխարհի երազանքների հետ:

Հայոց Հայրապետի ոգեշնչող անձնավորությունից ճատագայթող լույսը շերմացրեց

բովանդակ հայության սիրտը և այն անբակտելի կերպով կապեց Մայր Աթոռի, հայ եկեղեցու և Հայոց Մայր երկրի հետ:

Ս. Տ. Վազգեն Ա Ամենայն Հայոց Հայրապետը, Իր ոտքերն ամրորեն դրած հայրենի հողի վրա, անցյալի մեր տեղապաշտ ու վատապաշտ մեծ հայրապետների օրինակով ծաղկեցրեց Մայր Աթոռ ս. Էջմիածինը: Միաժամանակ նա Իր մեծ ու բարի սրտով հառավ սփյուռքին՝ հովվապետական Իր բազում այցելությունների առիթով, ամեն տեղ, համայնքից համայնք, թեմերից թեմ, Իր հետ տանելով անձամբ ս. Էջմիածնի պատգամն ու օրհնությունը, ինչպես նաև վերածնված Հայոց աշխարհի կենարար շունչն ու Արարատյան աշխարհի հայրենական քաղցրություններն և ազգային վերածնության ոգեշնչող ավետիսը:

Հայոց Հայրապետի գահակալության անցնող 24 տարիների բեղուն շրջանը ընդգրկեց հոգևոր-եկեղեցական, ազգային-հայրենասիրական, վերակառուցողական-շինարարական, միջեկեղեցական ու խաղաղասիրական բազում բնագավառներ:

Սեպտեմբերի 30, կիրակի: Տոն էր Մայր Աթոռում և բոլոր հայկական եկեղեցիներում ու թեմերում, օրը՝ պայծառ ու արևալին, բոլորի տրամադրությունը՝ բարձր ու հանդիսավոր:

Այս ուրախ առիթով, մասնակցելու համար զանակալության հանդիսություններին, Մայր Աթոռ էին ժամանել Արևմտյան Եվրոպայի հայրապետական պատվիրակ և Ֆրանսիայի հայոց թեմի առաջնորդ տ. Սերոբյե արքեպ. Մանուկյանը, ԱՄՆ-ի արևելյան թեմի առաջնորդ տ. Թորգոմ արքեպ. Մանուկյանը, ԱՄՆ-ի արևմտյան թեմի առաջնորդ տ. Վաչե արքեպ. Հովսեփյանը, Անգլիայի հայոց հայրապետական պատվիրակ և հոգևոր առաջնորդ տ. Ներսես եպս. Պողոսյանը, Երուսաղեմի հայոց պատրիարքարանի դիվանապետ և ժառանգավորաց վարժարանի ու ընծայարանի վերատեսուչ տ. Ծաֆե արքեպ. Աճեմյանը և Իրաքի հայոց թեմի առաջնորդական տեղապահ տ. Ավագ վրդ. Ասատուրյանը:

Գահակալական հանդիսություններին մասնակցում էին Գերագույն հոգևոր խորհրդի անդամները, մայր հայրենիքի, ներքին թեմերի առաջնորդ արքայանքները, տ. Սիոն արքեպ. Մանուկյանը, Մայր Աթոռի դիվանապետ տ. Արսեն եպս. Բերբերյանը, Մայր Աթոռի միաբանությունը, մայրավանքի պաշտոններության ղեկավար աշխատողներ:

Ժամը 11-ին Վեհափառ Հայրապետը Վեհարանում, զգեստավորված, եկեղեցական թափորով ու զանգերի ավետավոր հնչյունների ներքո, առաջնորդվեց Մայր տաճար՝ մատուցելու օրվա սուրբ պատարագը:

Տաճարի աջակողմյան և ձախակողմյան դասերում տեղ էին գրավել պաշտոնական անձնակազմի անդամներ, Հայկական ՍՍՀ Միևիստրների խորհրդին առընթեր հալ եկեղեցու գործերի խորհրդի նախագահի տեղակալ Անդրանիկ Հարությունյանը, Գերագույն հոգևոր խորհրդի անդամներ, սփյուռքահայ բազում ուխտավորներ, որոնց թվում՝ ամերիկահայ ուխտավորների, ինչպես նաև Արևմտյան Գերմանիայից ժամանած այցելուների մեծ խմբեր:

Սուրբ սեղանին սպասարկում էին եպիսկոպոսներ, վարդապետներ և սարկավագների դասը:

Ա. պատարագի երգեցողությունը կատարում էր Մայր տաճարի երգչախումբը՝ վաստակավոր արտիստ Խորեն Մելիսանեջյանի ջնորհալի ղեկավարությամբ:

Մայր տաճարը լիքն էր աղոթավոր հավատացյալների բազմությամբ: «Հայր մեր»-ից առաջ պատարագի Վեհափառ Հայրապետը քարոզեց «Երկինք պատմեն զփառս Աստուծոյ» (Մաղմ. ԺԸ 2) բնաբանով:

ՎԵՀԱՓԱՐ ՀԱՅՐԱՊԵՏԻ ՔԱՐՈԶԸ ՄԱՅՐ ՏԱՃԱՐՈՒՄ

(30 սեպտեմբերի 1979 թ.)

«Յանուն Հօր և Որդւոյ և Հոգւոյն սրբոյ, Ամեն»:

«Երկինք պատմեն զփառս Աստուծոյ»:

«Երկինքը պատմում է մեզ Աստուծո փառքի մասին»:

Այս իմաստուն խոսքերը արտասանել է Դավիթ արք. սաղմոսերգուն՝ Հին Կտակարանի մեծ հեղինակներից մեկը, սաղմոսների հեղինակը, մեզանից շատ դարեր առաջ, մոտավորապես երեք հազար տարիներ առաջ:

Ահավասիկ այդ հեռավոր ժամանակներին ընտրյալ մարդիկ, աստվածայինով ներշնչված մարդիկ, ինչպիսի՝ մտածումի և զգացումի բարձունքի են հասել, որ հիացում է պատճառում նաև մեզ այսօր:

Ո՛վ մեզանից այսօր էլ, իր հաջաքը բարձրացնելիս լինի դեպի երկինք, դեպի արևազարդ երկինքը ցերեկվա ընթացքում, կամ դեպի աստղերով զարդարված երկինքը գիշերվա ընթացքում, չի՞ լցվում հիացմունքով և իր հոգու մեջ չի՞ տալիս մեծ հարցումը, թե ո՞վ է տեղծել այս հիասքանչ տիեզերքը, արևով, յուսնով, աստղերով բազում, անհամար, նրանց շարժումներով, նրանց՝ մեզ պարզապես յուշտվ և ջերմությամբ: Բնական կերպով և անհրաժեշտորեն այդ հարցը մեր հոգու մեջ շարժվում է, և մենք սաղմոսերգուի նման չենք հարող չբացականչել՝ «Երկինք պատմեն զփառս Աստուծոյ»:

Սիրելի հավատացյալներ,

Դավիթ սաղմոսերգուն և իր ժամանակի մարդիկ, երեք հազար տարի մեզանից առաջ, երկինք ստելով հասկանում էին այն պատկերը, որ արարգ աչքով մենք էլ տեսնում ենք այսօր: Նույնիսկ մինչև մեզանից մի քանի հարյուր տարիներ առաջ մարդիկ գաղափար իսկ չունեին, թե ավելի այն կողմ, ավելի հեռուները, անսահմանության մեջ, յարածվում է տիեզերքը: Եվ կարելի է ասել, թե հազիվ տասը-քսան տարի է, որ շոշափելիորեն հայտնաբերվեց, թե երկինքը այն չէ միայն, ինչ որ տեսնում ենք պարզ աչքերով. այն տիեզերքը ունի անսահման, անծարածիր խորություն, հազարավոր արեգակներով և արեգակնալիմ համակարգերով:

Ուրեմն, եթե երեք հազար տարիներ առաջ մարդիկ հիացել են աստղազարդ երկրների պատկերի առաջ, մենք ինչքա՞ն ուռավել հիացումով պետք է անդրադառնանք համայն տիեզերքի այս հիասքանչ,

կատարյալ և անսահման, անծայրածիր տարածության իրողության:

Եվ հետևաբար ինչքան առավել համոզումով կարող ենք բացակայել այսօր՝ «Երկինք պատմեն զփառս Աստուծոյ»: Որովհետև իրոք համայն տիեզերքը և մեր աշխարհը իր անասելի կատարելություններով, ներդաշնակություններով, գեղեցկություններով Աստուծո փառքի մասին են պատմում մեզ:

Ահա ամենախոր ակունքը մեր կրոնական հավատքի: Որովհետև այս ամենը հնարավոր չէ, որ լիներ արդյունքը պատահականության, որ լիներ աննպատակ և անիմաստ:

Այս պահին, սիրելի հավատացյալներ, Մեր մտածումը ավելի առաջ է գնում՝ կեղծումնալու մեր աշխարհի վրա, որ իր բազում բնական գեղեցկություններով, իր բուսական և կենդանական զարմանահրաշ հարստություններով, կատարելություններով մուցնալ՝ս Աստուծո փառքի մասին են խոսում: Մակայն այդ բոլորից վեր կա մի ուրիշ իրականություն մեր այս աշխարհի վրա, աստվածային մեկ ուրիշ ստեղծագործություն, որը համայն արարչագործության զագաթնակետն է: Դա ինքը մարդն է: Մարդը՝ իր հոգու ամբողջ տիեզերքով, իր ստեղծած բազում իրագործումներով պատմության ընթացքին: Մարդը անկասկած կարող ենք նկատել Աստուծո արարչագործության գերագույն հրաշալիքը:

Աստվածային ստեղծագործության զագաթնակետը, այո՛, մարդն է՝ իր ճանաչության կարողությամբ, մարդը՝ իր ողջ ոգեկանությամբ, իր մտքի թռիչքներով, իր հոգու հույզերով ու տեսիլքներով, մարդը իր կամքի հզոր դրսևորումներով, իր շինարար, ստեղծարար իրագործումներով:

Ոմանք կարծում են, թե՛ հակասություն կամ հակադարստություն կա գիտության և հավատքի միջև: Մենք չենք հավատում դրան, որովհետև գիտությունը ինքը ուրիշ բան չէ, եթե ոչ մարդկային մտքի թռիչքը, կարողությունը՝ հայտնաբերելու բնության օրենքները և կիրառելու դրանք մարդկային կյանքի բարօրության համար: Իսկ նույնական բնությունը իր բոլոր օրինաչափություններով անբաժան մասն է կազմում աստվածային արարչագործության և հետևաբար մեր օրերի գիտության հայտնաբերումներով՝ առավել պայծառանում է փառքը Աստուծո:

Հարց տանք՝ ինչպե՛ս է արտահայտվում մարդկային ոգեկանությունը նրա կյանքի պատմության ընթացքին: Մարդկային ոգեկանության գերագույն արտահայտությունն է կրոնական զգացմունքի թռիչքը, որով

մարդը որոնում է և գիտակցում և գտնում՝ հեղինակը տիեզերական արարչագործության, այսինքն՝ Աստուծո:

Ոգեկանություն ասելով պետք է հասկանա՞նք այն բոլոր ստեղծագործությունները, որոնք պատմության ընթացքում ժողովուրդները, օժտված, ներշնչված մարդիկ, հորինել են և հարստացրել մարդկային մշակույթի գանձարանը՝ գիր, գրականություն, ճարտարապետություն, քանդակագործություն, նկարչություն, երաժշտություն և մյուս բոլոր արվեստները: Նաև մարդուն հատուկ մեկ ուրիշ ոգեկան արժեք, գուցե առավել գերազանց, այդ նրա հոգևոր-բարոյական գիտակցությունն է, այսինքն գիտակցումը բարվոյն, արդարության, ազատության, մարդասիրության և խաղաղության: Այս զգացումները մանավանդ հանդիսանում են մարդկային կյանքի և պատմության փառապսակը:

Սիրելի հավատացյալներ, այս բոլորի մասին խորհրդածելով Մեր հաջաքը այժմ ուղղում ենք դեպի մարդկության այն հատվածը, որ կոչվում է հայ ժողովուրդ, որ մեր սեփական ազգն է: Մենք արդար հպարտությամբ կարող ենք ասել, որ հայ ժողովուրդը տակավին շատ դարեր առաջ առաջիններից եղավ աշխարհի վրա, որ դարձավ ոգեկան արժեքներ ստեղծող ժողովուրդ՝ իր աստվածամաչությամբ, իր բարոյական բարձր ըմբռնումներով և իր ստեղծագործություններով կյանքի բոլոր բնագավառների մեջ: Եվ այդ բոլորի սկզբնաղբյուրը հանդիսացավ լույսը Քրիստոսի: Այն պահից, երբ հայ ժողովուրդը իր սիրտը բացեց Քրիստոսի Ավետարանին, բռնկվեց նրա հոգու մեջ կրակը ոգեկանության, ստեղծարար ոգեկանության: Այդպես մեր ազգը մոտ երկու հազար տարիներից ի վեր աշխարհի առաջադեմ ազգերի հետ միասին իր նպաստն է բերում մարդկային ոգեկանության հառաջընթացի ճանապարհի վրա:

Մեր ժողովուրդը անցյալում թեև շատ անգամներ տառապել է ու հանդիպել բազում փորձությունների և հաճախ նահատակվել մուցնիսկ, սակայն նա միշտ բարձր է պահել ոգեկանության դրոշը և ամենադաժան ժամանակաշրջաններում իսկ նա մի տեսակ իր վրեժն է լուծել ստեղծագործելով, մագաղաթների ու քարերի վրա թողնելով իր հոգու պատկերը: Այսօր, փառք Աստուծո, անցել են այդ տխուր ժամանակները, և հայ ժողովուրդը, թե՛ Հայաստանում և թե՛ մասամբ արտասահմանի տարածքի վրա, շարունակում է ոչ միայն իր ֆիզիկական գոյությունը, իր տնտեսական գոյավիճակը, այլ նաև շարունակում է ըն-

թանալ ոգեկանության ճանապարհով, և ուրի հառաջատարը, հայ ժողովուրդի ոգեկանության հառաջատարը, հանդիսացել է դարեր շարունակ Հայաստանաց առաքելական սուրբ եկեղեցին:

Այդ գիտակցությամբ է, որ Մենք այս վերջին քսանչորս տարիների ընթացքում Մեր գահակալության, այստեղ աշխատում ենք, երազում ենք ու ձգտում՝ ընթանալ այն լուսավոր ճանապարհով, որով ընթացել են մեր նախնիք: Եվ Աստուծո օգնությամբ և Մեր գործակիցների օժանդակությամբ, նաև մեր հայրենի պետության բարյացակամության, ահավասիկ քսան և չորս տարիներ է Վեր Մենք փորձում ենք կատարել Մեր պարտականությունը:

Այսօր, Մեր գահակալության քսանհինգերորդ տարեդարձի սեմին, հոգեկան մխիթարությամբ պետք է ասենք ու վկայությունը բերենք, որ Մեր աշխատանքը տվեց բավարար արդյունքներ, և կերպարանափոխվեց կարևոր չափով մեր ժողովրդի հոգևոր, բարոյական կյանքի պատկերը այս վերջին քսան և ավելի տարիների ընթացքում և՛ այստեղ՝ Հայաստանի տարածքի վրա, ներքին մեր թեմերում, և՛ թե արտաահանում:

Մենք աղոթում ենք այս պահին, որպեսզի, ինչպես մեր աղոթքներից մեկում ասվում է, տա Աստված Մեզ ևս մի քիչ ժամանակ, որպեսզի կարողանանք կյանքի կոչել Մեր ապագայի ծրագրերը՝ ի մխիթարություն հաճախ մեր ժողովրդի և ի բարօրություն և հառաջդիմություն մեր վերածնունդի մայր հայրենիքի:

Օրհնություն՝ աստվածային հայոց հինավուրց մեր ազգին, օրհնություն՝ աստվածային մեր վերածնված մայր երկրին, առնանալ հայոց Մայր Հայաստանին, օրհնություն՝ աստվածային մեր սուրբ եկեղեցուն, Մայր Աթոռ սուրբ Էջմիածնին, մեր նվիրապետական Աթոռներին, մեր հաճախ հոգեվոր դասուն և հաճախ հավատացյալ ժողովուրդին այժմ և հավիտյան:

«Ծնողք» և սեր և խաղաղություն Տեսում մերոյ Յիսուսի Քրիստոսի եղիցին ընդ ձեզ և ընդ ամենեսեանսդ: Ամեն:

Քարոզից հետո, Նորին Սրբության նախագահությամբ ատյանում կատարվում է Հայրապետական մաղթանք:

Ա. պատարագի ավարտին երկուդած բարեպաշտությամբ սիյուրբահայ ուխտա-

վորներից շատերը սուրբ Հաղորդություն են ստանում Հայոց Հայրապետի ձեռքից: Ժամը 15-ին Վեհարանի սեղանատանը ճաշկերույթ է տրվում Հայոց Հայրապետի գահակալության 24-րդ տարեդարձի առթիվ:

Ճաշկերույթին ներկա են լինում տ. Սիոն, տ. Սերովբե, տ. Կոմիտաս, տ. Թորգոմ, տ. Վաչե, տ. Ծաֆե արքեպիսկոպոսները, տ. Արսեն, տ. Ներսես եպիսկոպոսները, տ. Ավագ, տ. Գրիգորիս, տ. Մասիս, տ. Անուշավան (Անթիլիաի միաբան) վարդապետները, տ. Եզնիկ քհն. Պետրոսյանը, Գերագույն հոգևոր խորհրդի անդամները, Ա. Հատիսյանը, Պ. Ծաֆազյանը, Գ. Քեհյայանը, Երևանի ս. Սարգիս եկեղեցու թեմական եկեղեցական վարչության ատենապետ Վալտեր Արամյանը, Բաքվի եկեղեցական խորհրդի նախագահ Հրանտ Գեվորգյանը և ուրիշներ:

Ճաշկերույթին ներկա էր նաև Հայկական ՍՍՀ Միմիստրների խորհրդին առընթեր հայ եկեղեցու գործերի խորհրդի նախագահի տեղակալ Անդրանիկ Հասրաթյանը:

Հրավիրյալների թվում էին ուխտավորաբար Մայր Աթոռում գտնվող տեր և տիկին Արամ Բրազիլյանը՝ Մայամիից, տեր և տիկին Բյուզանդ Փիրանյանը՝ Նյու Յորքից, տեր և տիկին Մելանտոն Ապանյանը՝ Անվերսից (Բելգիա):

Ընդունելության ժամանակ Հայոց Հայրապետի գահակալության տարեդարձը ողջունեցին և Նորին Սուրբ Օծությանը շնորհավորեցին Մայր Աթոռի պալատության և նրա գահակալի կենսաց արևշատության սրտագին բարեմաղթություններով տ. Սիոն, տ. Թորգոմ, տ. Ծաֆե արքեպիսկոպոսները, Վալտեր Արամյանը և տ. Անուշավան վարդապետ Դանիելյանը:

Իր պատասխան խոսքում Հայոց Հայրապետը ջերմ շնորհակալություն հայտնեց բոլոր ներկաներին և մանավանդ ողջունի խոսք արտասանողներին, իր գահակալության 24-րդ տարեդարձի առթիվ արտահայտված բարեմաղթությունների համար:

Ընդունելության խանդավառությունը ավելացրին տ. Մասիս վարդապետը և տ. Կոմիտաս արքեպիսկոպոսը՝ իրենց հայրենասիրական երգերով և դաշնամուրային նվագով:

Ճաշկերույթն ավարտվեց ջերմ մթնոլորտում՝ խմբովին արտասանված Տերմնական աղոթքով:




ՀԱՂՈՐԴԱԳՐՈՒԹԻՒՆ

ԱՄԵՆԱՅՆ ՀԱՅՈՑ ԿԱԹՈՂԻԿՈՍՈՒԹԵԱՆ ԵՒ ՄԵԾԻ ՏԱՆՆ
ԿԻԼԻԿԻՈՅ ԿԱԹՈՂԻԿՈՍՈՒԹԵԱՆ
ՆԵՐԿԱՅԱՑՈՒՑԻՉՆԵՐՈՒ ՄԻՋԵՒԻ ԿԱՅԱՑԱԾ ԺՈՂՈՎԻՆ

Հոկտեմբերի 4-էն 10-ը ժողով կալացաւ Ամենայն Հայոց և Մեծի Տանն Կիլիկիոյ կաթողիկոսներու ներկայացուցիչներուն միջև Մայր Աթոռ սուրբ Էջմիածնի Վեհաքանանի մէջ: Ժողովին նպատակը եղաւ բանակցութիւններ վարել վերացնելու համար նուիրապետական երկու Աթոռներու միջև 1956-էն առդին ստեղծուած տարակարծութիւնները և վերահաստատելու Հայց. առաքելական եկեղեցւոյ ամբողջական միութիւնը.

Մայր Աթոռը ներկայացուցին՝

- Գերշ. տ. Սերովբէ արք. Մանուկեան
- Գերշ. տ. Կոմիտաս արք. Տէր-Ստեփանեան
- Գերշ. տ. Թորգոմ արք. Մանուկեան
- Գերշ. տ. Ծաֆէ արք. Աճէմեան
- Գերշ. տ. Վաչէ արք. Յովսէփեան



Մեծի Տանն Կիլիկիոյ Կաթողիկոսութիւնը ներկայացուցին՝

Գերշ. տ. Արտաւազդ արք. Թրթոնեան

Գերշ. տ. Տաթև եպս. Սարգիսեան

Գերշ. տ. Մեսրոպ եպս. Աշնեան

Տիար Վահէ Աէթեան

Տիար Վարդգէս Տէր-Կարապետեան:

Ժողովի նիստերը փոխանիոյն վարեցին երկու ատենապետներ՝ գերշ. տ. Սերովբէ արք. Մանուկեան և տ. Արտաւազդ արք. Թրթոնեան: Ատենապարտութիւնը կատարեցին՝ գերշ. տ. Թորգոմ արք. Մանուկեան և պրն. Վարդգէս Տէր-Կարապետեան:

Ժողովը ունեցաւ 5 նիստեր, որոնց ընթացքին քննարկուեցան Մայր Աթոռի կողմէ առաջարկուած հինգ կէտերը:

1. Ամենայն Հայոց Կաթողիկոսութեան ընդհանրական հանգամանքը.

2. Կիլիկիոյ Կաթողիկոսութեան կցուած թեմերու իրաւական վիճակը.

3. Կիլիկիոյ Կաթողիկոսութեան կանոնագրէն թիւ 32 և 33 յօդուածներու վերացումը.

4. Եկեղեցիներու համաշխարհային խորհուրդին և նման կազմակերպութիւններու միակ պատուիրակութեամբ մը ներկայանալու հարցը.

5. Եկեղեցականներու նկատմամբ առնուած պատժական միջոցառումներու ճանաչումը բոլոր թեմերէն ներս:

Եղբայրական ջերմ մթնոլորտի մէջ և Հայց. եկեղեցւոյ միութիւնը իրապէս վերահաստատելու փափաքէն առաջնորդուած ժողովս խմբագրեց բանաձևեր այն հարցերու մասին, որոնց շուրջ դրական արդիւնքներ արձանագրուեցան:

1. Ժողովականները ճամբաներ և լուծումներ փնտրեցին, որոնք կրնան վերացնել թիւ հասկացողութիւնները իւրաքանչիւր Կաթողիկոսի հանգամանքի և իշխանութիւններուն վերաբերեալ, յայտարարելով Ամենայն Հայոց Կաթողիկոսի ընդհանրական Հովուապետի հանգամանքը Հայց. սուրբեկական եկեղեցւոյ:

2. Ժողովը նոյն ոգիով իր գոհունակութիւնը յայտնեց թիւ 32 և 33 յօդուածներու վերացումի մասին Կիլիկիոյ Կաթողիկոսութեան կանոնագրութեան, հաւատալով, որ այդ վերացումը ճամբայ կը յարդարէ թեմերու հարցի լուծումին:

3. Վերոյիշեալ թեմերու առնչութեամբ ժողովս կ'ընդունի վերադարձի սկզբունքը 1957 թուականէն առաջ գոյութիւն ունեցող իրաւաւիճակին, Վերահաստ Հայրապետներուն թողլով այդ ուղղութեամբ առնուելիք քայլերը:

4. Ժողովը չյաջողեցաւ համաձայնիլ Եկեղեցիներու համաշխարհային խորհուրդին միակ պատգամաւորութեամբ ներկայանալու հարցին շուրջ և այս հարցի վերստին քննարկումը թողուց յառաջիկայ ժողովին:

5. Ժողովը միաձայնութեամբ ընդունեց եկեղեցականներու նկատմամբ

առնուած պատժական և կարգազրկման որոշումներու փոխադարձ յարգումին սկզբունքը եկեղեցւոյ բոլոր իշխանութիւններուն կողմէ:

Հայց. եկեղեցւոյ ներքին միութիւնը վերջնականապէս հաստատուելով, ժողովս ցանկալի կը գտնէ, որ Հայց. եկեղեցւոյ բարեկարգութիւնները կատարուին բոլոր նուիրապետական Աթոռներու մասնակցութեամբ:

Ժողովս որոշեց իր աշխատանքներուն արդիւնքը ներկայացնել Ամենայն Հայոց և Մեծի Տանն Կիլիկիոյ Կաթողիկոսներուն, տնօրինելու համար պարտն ու պատշաճը:

Ամենայն Հայոց Կաթողիկոսութեան ներկայացուցիչները ընդունեցին առաջարկը յաջորդ ժողովը գումարելու Մեծի Տանն Կիլիկիոյ Կաթողիկոսութեան հրաւերով: Յաջորդ ժողովին թուական կը նախատեսուի 1980-ի մարտ ամիսը:

Ժողովականները իրենց կատարած աշխատանքը նկատեցին դրական կարևոր նախաքայլ մը և յոյս յայտնեցին, որ ապագային կայանալիք ժողովներով և փոխանակուելիք նամակներով համաձայնութիւն գոյանայ բոլոր հարցերու շուրջ, յիրագործումն մեր եկեղեցւոյ միութեան և հայ ժողովուրդի միասնականութեան:

ԴԻԻԱՆ ՅԱՆՁՆԱԽՈՒՄԱԲԵՐՈՒ ԺՈՂՈՎԻՆ

Ս. Էջմիածին,

12 հոկտեմբեր 1979 թ.





ՄԵԾԻ ՏԱՆՆ ԿԻԼԻԿԻՈ ԿԱԹՈՂԻԿՈՍՈՒԹՅԱՆ ՊԱՏՎԻՐԱԿՈՒԹՅՈՒՆԸ Ս. ԷԶՄԻԱԾՆՈՒՄ


Ամենայն Հայոց Վեհափառ Հայրապետի հրավերով հոկտեմբերի 3-ին, չորեքշաբթի օրը, երեկոյան ուշ ժամին, Մալր Աթոռ ժամանեց Անթիլիասից պատվիրակությունը Կիլիկյան Աթոռին՝ Մալր Աթոռի պատվիրակության հետ բանակցություններ վարելու և վերացնելու նպատակով 1956 թվականից առ ալսօր սփյուռքի հայ եկեղեցու ծոցում հառաջ եկած տարակարծությունները և վերահաստատելու հայ եկեղեցու ամբողջական միությունն ու ներքին խաղաղությունը:

Երևանի օդանավակայանում, հանուն Ամենայն Հայոց Հայրապետի, Անթիլիասի պատվիրակությանը ողջունեցին և բարի գալուստ մաղթեցին տ. Հուսիկ և տ. Արսեն սրբազանները:

Մեծի Տանն Կիլիկիո Աթոռի պատվիրակության կազմում էին տ. Արտավազդ արքեպ. Թրթոյանը՝ պատվիրակության նախագահ, տ. Տաթև եպս. Սարգիսյանը, տ. Մեսրոպ եպս. Աշնյանը, պարոնաչք Վահե Սեթյանը և Վարդգես Տեր-Կարապետյանը:

Պատվիրակությունը Մալր Աթոռում իր նեցության օրերին մնաց մայրավանքի նորակառույց վանատուն-հյուրանոցում:

Հոկտեմբերի 4-ին, հինգշաբթի օրը, առավոտյան ժամը 11-ին, Անթիլիասից ժամանած պատվիրակությունը Վեհափառում այցելեց Ամենայն Հայոց Վեհափառ Հայրապետին՝ Նրան հանձնելու Կիլիկյան Աթոռի երկու գա-



ՎԵՆԱԲԱՆՈՒ ՀԱՅՐԱՊԵՏԸ ԵՐԶԱՊԵՏՎԱՆԵՐ ՄԱՅՐ ԱԹՈՒԻ ԵՎ ՄԵՏԻ ՏԱՆՆ ԿԻԼԻԿԻԱՅԻ ԱԹՈՒԻ ՊԱՏՎՐԱԿՈՒԹՅԱՆ ԱՆԴԱՄՆԵՐՈՎ
(1979, հոկտ. 8)



ՄԻ ՊԱՀ ՀԱՅԿԱՊԱՏՄԱՆԻՆ ՊԱՏԱՊԱԳԻՑ

հակալների՝ Ն. Ս. Օծություն S. S. Խորեն Ա կաթողիկոսի և Ն. Ս. Օծություն S. S. Գարեգին Բ աթոռակից կաթողիկոսի պաշտոնական նամակն ու հաղորդելու նրանց եղբայրական ողջույնները:

Հայոց Հայրապետը բարի գալուստի խոսքով ողջունեց Կիլիկյան Աթոռի հարգարժան պատվիրակությանը և հաջողություն մաղթեց նրանց առաքելության:

Մի քանի րոպե հետո Հայոց Հայրապետը ընդունեց նաև Մայր Աթոռի պատվիրակության անդամներին, որի կազմում էին տ. Սերովքե արքեպ. Մանուկյանը՝ նախագահ, տ. Կոմիտաս արքեպ. Տեր-Ստեփանյանը, տ. Թորգոմ արքեպ. Մանուկյանը, տ. Ծահե արքեպ. Ամենյանը և տ. Վաչե արքեպ. Հովսեփյանը:

Հայոց Հայրապետը Տանն Կիլիկիո պատվիրակության անդամներին ներկայացրեց Մայր Աթոռի պատվիրակության անդամներին և հաջողություն մաղթեց երկու պատվիրակությունների աշխատանքներին:

Այնուհետև երկու պատվիրակությունները առանձնացան Վեհարանի երկրորդ հարկում նախատեսված ժողովասրահում, ուր գումարվեցին միասնաբեր:

Ժողովի դիվանի ատենապետներ ընտրվեցին տ. Սերովքե արքեպ. Մանուկյանն ու տ. Արտավազդ արքեպ. Թրթոյանը, որոնք փոխմիփոխ ղեկավարեցին ժողովները, իսկ ատենադպիրներ՝ տ. Թորգոմ արքեպ. Մանուկյանն ու պրն. Վարդգես Տեր-Կարապետյանը:

Ժողովը հինգ միասնաբեր գումարեց հոկտեմբերի 4—10 օրերին, որոնց ընթացքում քննարկվեցին Մայր Աթոռի կողմից առաջադրված հետևյալ հինգ կետերը.

1. Ամենայն Հայոց Կաթողիկոսության ընդհանրական հանգամանքը.
2. Կիլիկիո Կաթողիկոսության կցված թեմերու իրավական վիճակը.
3. Կիլիկիո Կաթողիկոսության կանոնագրեն թիվ 32 և 33 հոդվածներու վերացումը.
4. Եկեղեցիներու համաշխարհային խորհուրդին և նման կազմակերպություններու միակ պատվիրակությամբ մը ներկայանալու հարց.
5. Եկեղեցականներու գլխատմամբ առնված պատժական միջոցառումներու ճանաչումը բոլոր թեմերեն ներս:

Ժողովի ավարտին, հոկտեմբերի 12-ին, ուրբաթ օրը, պատվիրակությունների կողմից ընդունվեց հատուկ հաղորդագրություն, որը տպագրվել է «Էջմիածին» ամսագրի սույն համարում, էջ 17:

Մայր Աթոռում գտնված օրերին Կիլիկյան Աթոռի պատվիրակությունը ներկա եղավ ս. պատարագների և եկեղեցական հանդիսությունների, այցելեց Մայր տաճար ու Հին Վեհարանի պատկերասրահ, Վաղարշապատի պատմական եկեղեցիներն ու վանքերը, ապա ս. Գեղարդ, Սանահին ու Հաղբատ վանքերը, Սարդարապատի թանգարան և Երևանում տեսարժան վայրեր: Պատվիրակությունը Երևանում ներկա եղավ նաև մի քանի թատերական ներկայացումների:

Կիլիկյան Աթոռի պատվիրակության եկեղեցական անդամներ տ. Տաթև և տ. Մեսրոպ սրբազանները ս. պատարագ մատուցեցին Մայր տաճարում և Օշականի ս. Մեսրոպ Մաշտոց եկեղեցում ու Բանին կենաց քարոզության միջոցառումներին հավատացյալներին:

Հոկտեմբերի 16-ին, երեքշաբթի օրը, ժամը 14.30-ին, ի պատիվ Մայր Աթոռի և Տանն Կիլիկիո Աթոռի պատվիրակությունների, Վեհարանի սե-

դաճատանը տրվեց հրաժեշտի ճաշկերույթ՝ մասնակցությամբ ավելի քան 25 հրավիրյալների:

Ծաշկերույթի ընթացքում տ. Սիոն և տ. Ծաֆե սրբազանները իրենց ելույթներում նշեցին Մայր Աթոռի և Կիլիկյան Աթոռի պատվիրակությունների միջև կայացած հանդիպումների և բանակցությունների հուսադրիչ արդյունքը և իդձ հայտնեցին, որ մոտիկ ապագայում կյանքի կոչվեն ժողովում ընդունված և արձանագրված սկզբունքները՝ ի հաստատումն հայ եկեղեցու ամբողջական միության և ներքին խաղաղության, ի մխիթարություն հայ հավատացյալ ժողովրդի:

Հանուն Կիլիկյան Աթոռի պատվիրակության տ. Արտավազդ արքեպիսկոպոսը, խոսք առնելով, հանուն իր պատվիրակության, շնորհակալություն հայտնեց Հայոց Հայրապետին՝ իրենց ընձայված եղբայրական հյուրասիրության, ուշադրության և իրենց վայելած բարիքների համար, և սրտագին բարեմաղթություններ կատարեց Ասենայն Հայոց Հայրապետի արևշատության, Մայր Աթոռի պայծառության, հայոց մայր հայրենիքի բարգավաճման և հայ ժողովրդի բարօրության համար: «Մեր Աթոռը,—շեշտեց ճառախոս սրբազանը,—ինքնավախճան հաստատություն մը չէ: Անհկա կա ու կմնա ու կգործե հավերժական մի և անբաժան հայ եկեղեցվո համար»:

Ծաշկերույթի վերջում խոսք առնելով, Հայոց Հայրապետը շեշտեց, որ այդ օրվա սեղանը «սիրո սեղան է՝ տրված երկու պատվիրակություններու պատվին՝ անոնց կատարած աստվածահաճո և ազգաշեն գործի համար: Մեր ցանկությունն է, որ մեր նվիրապետական երկու Աթոռներու միջև զարգանան եղբայրական հարաբերություններ՝ օրինականության, միության և շինարար գործակցության պայմանների մեջ»:

Ապա Հայոց Հայրապետը խնդրեց Կիլիկյան Աթոռի պատվիրակությանը, եղբայրական սիրո Իր ողջույնները հաղորդել Տ. Տ. Խորեն Ա կաթողիկոսին և Տ. Տ. Գարեգին Բ աթոռակից կաթողիկոսին և Իր սրտից բխած բարեմաղթությունները նրանց առողջության և Կիլիկյան Աթոռի պայծառության համար: Աստված իր տուրք Աջը,—ասաց Հայոց Հայրապետը,—անպակաս ընե մեր նվիրապետական Աթոռներուն, անոնց զահակալներուն և մեր ամբողջ եկեղեցիի և ժողովուրդի վրայեն:

Պատվիրակությունների պատվին տրված ճաշկերույթը ավարտվեց ջերմ մթնոլորտում:

Հոկտեմբերի 17-ին, չորեքշաբթի օրը, Մեծի Տանն Կիլիկիո Աթոռի պատվիրակությունը հրաժեշտ տվեց Մայր Աթոռին և Հայոց Հայրապետին և լավագույն տպավորություններով վերադարձավ Անթիլիաս:

Հանուն Հայոց Հայրապետի Մայր Աթոռի հյուրերին Երևանի օդանավակայանում ճանապարհեցին տ. Հուսիկ և տ. Արսեն սրբազանները:



ՀԱՂՈՐԴԱԳՐՈՒԹՅՈՒՆ

Ադրբեջանի հայոց թեմի առաջնորդ տ. Հուսիկ արքեպիսկոպոս Սանթուրյանի, Բաքվի հայոց ա. Գրիգոր Լուսավորիչ եկեղեցու թեմական խորհրդի հրավերով սեպտեմբերի 15-ին, շաբաթ օրը, Հայոց Հայրապետը հովվապետական այցելությամբ մեկնեց Բաքու:

Այս առիթով Հայոց Հայրապետին ողջեցում էին վրահայոց թեմի առաջնորդ տ. Գևորգ եպիսկոպոս Սերայդարյանը, տ. Անանիա վրդ. Արաբաջյանը, Վաչագան Ավետիքյան և Խաչիկ Խարազյան սարկավագները:

Բաքվի օդանավակայանում Հայոց Հայրապետին հանդիսավորապես դիմավորեցին թեմակալ առաջնորդ սրբազանը, ա. Գրիգոր Լուսավորիչ եկեղեցու հոգևոր հովիվ տ. Վարդան արքեպ. Դիլանյանը, թեմական և եկեղեցական խորհրդի անդամները, քույր եկեղեցիների ներկայացուցիչները և հավատացյալների բազմությունը:

Օդանավակայանում Հայոց Հայրապետի ժամանումը ողջունեցին նաև Ադրբեջանական ՍՍՀ Միմիստրների Խորհրդին առընթեր կրոնական գործերի լիազոր տիար Աբդուլլա Ախադովը և տեղակալ Սիմեոն Խլեպովյը:

Վեհափառ Հայրապետը հանդիսավորապես առաջնորդվեց ա. Գրիգոր Լուսավորիչ եկեղեցի, ուր մուտք գործեց «Հրաշափառ»-ով:

Առաջնորդ տ. Հուսիկ արքեպիսկոպոսը, հանուն թեմական խորհրդի և Բաքվի հայ հավատացյալ ժողովրդի, ողջունեց Հայոց Հայրապետի օրհնաբեր ժամանումը Բաքու և խնդրեց Նորին Սրբությանը տալու Իր օրհնությունը ներկա հավատացյալներին:

Եկեղեցական արարողությունից հետո Հայոց Հայրապետը առաջնորդվեց Բաքվի «Մոսկվա» հյուրանոց, ուր Նրան հատկացվել էր մասնավոր հարկաբաժին:

Սեպտեմբերի 16-ին, կիրակի օրը, Վեհափառ Հայրապետը Բաքվի ա. Գրիգոր Լուսավորիչ եկեղեցում մատուցեց հանդիսավոր սուրբ պատարագ և քարոզեց՝ բաշխելով Իր հայրապետական օրհնությունները:

Ս. պատարագին ներկա էին բազմահազար հայ հավատացյալներ:

Ս. պատարագի ավարտից հետո, ժամը 17-ին, Նորին Սրբությունը ռուս պրավոսլավ եկեղեցու հրավերով այցելություն է տալիս Բաքվի ա. Ծմնդյան ռուսաց եկեղեցուն, ուր աղ ու հացով դիմավորվում է քահանայից դասի և

հազարավոր ոռու և հայ հավատացյալների կողմից: Ռուսաց եկեղեցում ի պատիվ Վեհափառ Հայրապետի տրվում է հոգևոր համերգ:

Նույն օրը, երեկոյան ժամը 20-ին, «Մոսկվա» հյուրանոցի ճաշարահում, ի պատիվ Վեհափառ Հայրապետի, Ադրբեջանի հայոց թեմը տվեց պաշտոնական ճաշկերույթ, որին հրավիրվել էին քույր եկեղեցիների, ինչպես նաև Բաքվի կրոնական այլ դավանանքի ներկայացուցիչներ:

Ընդունելությանը հրավիրվել էին նաև կրոնական գործերի լիազոր տիար Աբդուլլա Ախադովը և տեղակալ տիար Սիմեոն Խլեպովոյը:

Սեպտեմբերի 17-ին, ժամը 12-ին, Հայոց Հայրապետը այցելություն տվեց Ադրբեջանական ՍՍՀ Միևհատրների խորհրդի նախագահի տեղակալ տիար Ք. Ա. Հուսեյնովին: Հայոց Հայրապետի և նախագահի մեծահարգ տեղակալի միջև տեղի ունեցավ բարեկամական ջերմ զրույց:

Նույն օրը, ժամը 15-ին, Հայոց Հայրապետը այցելություն տվեց կրոնական գործերի լիազոր տիար Աբդուլլա Ախադովին: Հայոց Հայրապետի և հարգելի պրն. լիազորի միջև ջերմ մթնոլորտում տեղի ունեցավ հետաքրքիր զրույց:

Սեպտեմբերի 17-ին, ժամը 18-ին, Հայոց Հայրապետը այցելություն տվեց Ադրբեջանի Շեյխ Ուլ Իսլամ Հաջի Միր Քեզեն Ֆիր Իբրահիմովին: Երկու կրոնապետների միջև տեղի ունեցավ շահեկան զրույց բարեկամական մթնոլորտում:


Սեպտեմբերի 18-ին, չորեքշաբթի օրը, Վեհափառ Հայրապետը, հրաժեշտ առնելով, Մայր Աթոռ Վերադարձավ լավագույն տպավորություններով:

Հայոց Հայրապետի հովվապետական սույն այցելությունը Բաքվի հայոց թեմին հանդիսացավ հոգևոր մխիթարության և ուրախության սրբազան առիթ Բաքվի հայության համար, ինչպես նաև՝ մի նոր ներդրում ադրբեջանցի և հայ եղբայրական ժողովուրդների բարեկամության ամրապնդման ճանապարհին:


ԴԻՎԱՆ ՄԱՅՐ ԱԹՈՐԻ

Ս. Էջմիածին,
24 սեպտեմբեր 1979 թ.






ԱՆՔԱՆԻ ՀԱՅՈՑ Ս. ԳՐԻԳՈՐ ԼՈՒՍԱՎՈՐԻԻՉ ԵԿԵՂԵՑՈՒՄ. ՄԻ ՊԱՀ ՊԱՏԱՐԱՆԻՑ



ԱՆՐԱԿՈՎԱԿԱՐ ԷՎ ԱԳՐԵՏԱՆԻ ԺԵՋԻՆ ՈՒՆ ԻՍԼԱՄԻ ԳԻՄԱՎՈՐ ԱԹՐՈՒԱՆԻՍԻ ՄԶԿԻԹԻ ԱՌԱՋ



ՀՈՎՎԱՊԵՏԱԿԱՆ ԱՅՑԵԼՈՒԹՅՈՒՆ ԱԴՐԲԵՋԱՆԻ ՀԱՅՈՑ ՏԻՐԱԽՆԱՄ ԹԵՄԻՆ

ԺԱՄԱՆՈՒՄ ԲԱՔՈՒ

Ադրբեջանի հայոց առաջնորդ տ. Հուսիկ արքեպիսկոպոս Սանթուրյանի, Բաքվի հայոց ս. Գրիգոր Լուսավորիչ եկեղեցու թեմական խորհրդի հրավերով, սեպտեմբերի 15-ին, շաբաթ օրը, Հայոց Հայրապետը հովվապետական այցելությամբ մեկնեց Բաքու:

Այս առթիվ Հայոց Հայրապետին ողջեցում էին վրահայոց թեմի առաջնորդ տ. Գևորգ եպս. Սերալդարյանը, տ. Անանիա վրդ. Արաքաջյանը, Վաչագան Ավետիքյան և Խաչիկ Խարազյան սարկավագները:

Վեհափառ Հայրապետին Երևանի օդանավակայան ճանապարհելու էին եկել Մայր Աթոռ ս. Էջմիածնի միաբանները՝ գլխավորությամբ տ. Սիոմ արքեպ, Մանուկյանի, ուխտավորաբար Մայր Աթոռում գտնվող Անթիլիասի Մեծի Տանն Կիլիկիայի Աթոռի միաբան տ. Ղևոնդ արքեպ. Չեպեյանի և տ. Արիս եպս. Ծիրվանյանի:

Նորին Սուրբ Օծությանը քարի ճանապարհ մաղթելու էր եկել Հայկական ՍՍՀ Միահատրների խորհրդին առընթեր հայ եկեղեցու գործերի խորհրդի նախագահ տիար Ռուբեն Պարսամյանը, տեղակալ տիար Անդրանիկ Հասրաթյանի հետ:

Տեղական ժամանակով ժամը 10-ին օդային հսկան ուղղություն է վերցնում դեպի եղբայրական Ադրբեջանի մայրաքաղաք Բաքու:

Մեկ ժամ անց Բաքվի օդանավակայանում Հայոց Հայրապետը դիմավորվում է թեմակալ առաջնորդ տ. Հուսիկ արքեպիսկոպոս Սանթուրյանի, ս. Գրիգոր Լուսավորիչ եկեղեցու հոգևոր հովիվ տ. Վարդան արքեպ Դիլանյանի, նույն եկեղեցու գործադիր մարմնի նախագահ տիար Հրանտ Պետրոսյանի, թեմական ու ծխական խորհրդի անդամների և հայ հավատացյալների խումբ բազմության կողմից:

Բաքվի օդանավակայանում են նաև ռուս պրավոսլավ եկեղեցու ներկայացուցիչները՝ գլխավորությամբ Ստավրոպոլի և Բաքվի ռուսաց թեմի առաջնորդ տ. Անտոնի եպիսկոպոսի ներկայացուցիչ տ. Վիկտոր քահանայի:

Նորին Սուրբ Օծությանը բարի գալուստ մատթելու էին եկել նաև Աղբյուր-բեջանական ՍՍՀ Միհաստրների խորհրդին ստընթեր կրոնական գործերի լիազոր տիար Աբդուլլա Ախստովը և տեղակալ Սիմեոն Խլեբովոյը:

ԲԱՔՎԻ ՀԱՅՈՑ Ս. ԳՐԻԳՈՐ ԼՈՒՍԱՎՈՐԻՉ ԵԿԵՂԵՑՈՒՄ

Օղանավակայանից մեքենաների շարապույնը ուղղվում է Բաքվի հայոց ս. Գրիգոր Լուսավորիչ եկեղեցի, ուր Հայոց Հայրապետը մուտք է գործում «Հրաշափառ»-ով:

Վերջերս սույն եկեղեցին, Վեհափառ Հայրապետի կարգադրությամբ, թեմակալ առաջնորդի և եկեղեցական գործադիր մարմնի ջանքերով լիովին ենթարկվեց վերանորոգության: Եկեղեցու ներքին պատերն ու հատակը մարմարապատվել են՝ ստանալով բարեկարգ տեսք, որը արժանացավ Հայոց Հայրապետի մասնավոր ուշադրությանն ու գնահատանքին:

Եկեղեցում տ. Հուսիկ արքեպիսկոպոսը թեմական խորհրդի և Աղբյուր-բեջանի հայ հավատացյալ ժողովրդի անունից ողջունում է Ամենայն հայոց կաթողիկոսի օրհնաբեր ժամանումը եղբայրական Ադրբեջանի մայրաքաղաք Բեռլինյալ ճառով:

«Վեհափառ Տեր,

Թույլ տվեք հանուն Ադրբեջանի հայոց թեմական և եկեղեցական խորհուրդների, հոգևոր դասի և հայ հավատացյալ ժողովրդի սրտանց բարի գալուստ ասել Ձերդ Սրբությանը, մեր թեմին քերած Ձեր շնորհաբեր այցելության համար:

Ադրբեջանի հայոց թեմը, չորրորդ անգամ լինելով, ողջունում է Վեհափառությանդ Ադրբեջանի եղբայրական հողում, որտեղ ապրում են հարյուր հազարավոր Ձեր հավատավոր զավակները:

Իբրև թեմակալ առաջնորդ Ադրբեջանի հայոց թեմի, չափազանց երջանիկ եմ զգում ինձ, որ Վեհափառությանդ երեք օրհնաբեր այցելությունները տեղի են ունեցել իմ առաջնորդության տարիներին:

Վեհափառ Տեր,

Որդիական խոնարհությամբ պիտի խնդրեի, որպեսզի տայիք եկեղեցում ներկա հավատացյալներին Ձեր հայրապետական օրհնությունները, որոնք երկար ամիսներ կարոտով և անձկագին սպասում էին այս բախտավոր պահին: Ձերդ Սրբության այս այցելությամբ Ձեր հոտի քրիստոնեական հավատքը առավել պիտի զորանա և գոտեպնդվի, առավել պիտի ամրանա ու սերտանա նրա սերը դեպի Մայր Աթոռ ս. Էջմիածինը, նրա հավատարմությունը և նվիրվածությունը դեպի աստվածարյալ Հայրապետը:

Բարի եկաք, Վեհափառ Տեր, օրհնեցեք մեզ»:

Վեհափառ Հայրապետը սիրով ընդառաջում է առաջնորդ սրբազանի ցանկությանը և իր օրհնության հետ միասին տալիս հայրապետական իր պատգամը:

ՎԵՀԱՓԱՐԻ ՀԱՅՐԱՊԵՏԻ ՔԱՐՈԶԸ ԲԱՔՎԻ Ս. ԳՐԻԳՈՐ ԼՈՒՍԱՎՈՐԻՉ ՀԱՅՈՑ ԵԿԵՂԵՑՈՒՄ

(15 սեպտեմբերի 1979 թ.)

Գալիս ենք եղբայրական Հայաստանից, հայ ժողովրդի հավատքի կենտրոն ս. Էջմիածնից, Մայր Աթոռից, բերում ենք ձեզ հայրական սիրո ողջուն ու Աստուծո օրհնությունը:

Մենք շատ երջանիկ ենք, որ չորրորդ անգամ լինելով, իբրև Հայոց Հայրապետ, այցելում ենք Բաքու քաղաքը, այցելում ենք Ադրբեջանի մեր եկեղեցիները, հանդիպում մեր ժողովրդին, մեր եկեղեցու զավակներին, որպեսզի նրանք իբրև հայ ազգի հարազատ զավակներ վերանորոգեն իրենց կրոնական զգացմունքները և մնան միշտ հավատարիմ իրենց առաքելական Մայր եկեղեցուն, Հայաստանյայց եկեղեցուն:

Մենք բերում ենք նաև ողջույն և օրհնություն այս բարի երկրին, այս եղբայրական երկրին՝ Ադրբեջանին, և նրա համայն բնակչությանը՝ մաղթանքով բարի, որ Աստված միշտ խաղաղության, միշտ ասպահովության, միշտ հառաջդիմության մեջ պահի-պահպանի եղբայրական ադրբեջանցան այս հայրենիքը, որտեղ ադրբեջանցի ազնիվ ժողովրդի կողքին ապրում են նաև մեր խազգի զավակները՝ հաշտ, համերաշխ ու խաղաղ:

Այս առիթով մենք կամենում ենք մեր ջերմ գոհումակությունը և շնորհակալությունը հայտնել այն շատ սիրալիկ ընդունելության համար, որ կատարեցին Մեր ժամանումի առիթով ադրբեջանյան պետության բարձրաստիճան ներկայացուցիչները, որոնք ինչպես նախորդ անգամներին՝ գրկաբաց ընդունեցին Մեզ իբրև Հայաստանից եկած եղբայրների:

Բերում ենք նաև ողջույն և օրհնություն ռուս պրավոսլավ քույր եկեղեցու ներկայացուցիչներին, որոնք այսօր և՛ օղակայանում, և՛ ահավասիկ այստեղ Մեր կողքին են կանգնած՝ միասին աղոթելու: Մենք ռուս ժողովրդի հետ եղբայր ժողովուրդներ ենք և՛ ռուս պրավոսլավ եկեղեցու հետ քույր եկեղեցիներ՝ սբանչելի եղբայրական հաճաքերություններով մեր միջև:

Բերում ենք նաև ողջույն և օրհնություն ս. Գրիգոր Լուսավորիչ եկեղեցու առաջնորդ Սրբազանին, մեր սիրեցյալ գործակցին, հոգևոր հովվին ու նաև այս եկեղեցու վարչության, որ այս վերջին տարիներին շնորհակալ գործ կատարեց, շինարար աշխատանք կատարեց և ավելի գեղեցկացրեց այս աղոթքի Տունը, այս սուրբ եկեղեցին: Շնորհավորում ենք բոլորին և մաղթում, որ Աստված նրանց ուժ, եռանդ պարգևի, որպեսզի նրանք նույն եկեղեցաշեն ոգով շարունակեն իրենց գործունեությունը:

Սիրելի հավատացյալներ, սիրելի ժողովուրդ, դուք այսքան մեծ թվով հավաքվել եք այս երեկո այստեղ: Սիրով դիտում ենք ձեր քաղցր դեմքերը և գոհ ենք, որ վերստին հանդիպեցինք ձեզ հետ տաալ տարիներ հետո...

Վստահ ենք, որ լավագույն հիշողություններով պիտի վերադառնանք Հայաստան, ս. Էջմիածին և երբեք պիտի չմոռանանք ձեզ, սիրելի հոգևոր զավակներ Մեր: Միշտ պետք է մնանք աղոթող ձեր բոլորի քաջառողջության, արևշատության և ձեր բոլոր բարի, ազնիվ գործերի հաջողության համար: Ուրախ ենք նաև, որ Մեր այցելության առիթով, մեկ անգամ ևս ավելի պիտի ջերմանան եղբայրական զգացմունքները, որ կան արդեն իսկ այս երկրում հայերի, ադրբեջանցիների, ռուսների և մյուս ազգային փոքրամասնությունների միջև: Մենք իբրև հայ եկեղեցու ղեկավար, պարտք ենք համարում ամեն անգամ ուր որ գնանք, խոսել ժողովուրդների բարեկամության և աշխարհի խաղաղության մասին:

Մենք հոգեպես մխիթարված ենք, որ մեր երկիրը, սովետական երկիրը աշխարհի վրա բաժր է պահում ժողովուրդների եղբայրության դրոշմ: Մենք իբրև քրիստոնյաներ երջանիկ ենք, որ մեր պետությունն էլ սիրո և խաղաղության առաջապահ ամենամեծ ուժն է այսօր ամբողջ աշխարհի վրա: Մենք որպես քրիստոնյաներ սրտանց խղոթում ենք, լաշխատում, գոր-

ծում և պայքարում հանուն խաղաղության, հանուն ժողովուրդների եղբայրության:

Հավարտ Վեհափառ Հայրապետի քարոզի եկեղեցու երգչախումբը կատարում է «Ամեն հայի սրտից քիսած» հուզիչ մաղթանքը:

Եկեղեցական արարողության ավարտից հետո Նորին Սուրբ Օծությունը և Իր շքախմբի անդամները առաջնորդվում են մայրաքաղաքի «Մոսկվա» առաջնակարգ հյուրանոց, ուր Հայոց Հայրապետին հատկացվել էր առանձին մի հարկաբաժին:

ԱՅՑ ԲԱՔՎԻ 26 ԿՈՄԻՍԱՐՆԵՐԻ ՀՈՒՇԱՐՁԱՆ

Քիչ հանգիստ առնելուց հետո, Նորին Սուրբ Օծությունը, ընկերակցությամբ տ. Հուսիկ արքեպիսկոպոսի, տ. Գևորգ եպիսկոպոսի, տ. Անանիա և տ. Վարդան վարդապետների ու հայ և ալյազգի հավատացյալների, այցելում է Բաքվի 26 կոմիսարների հուշարձան՝ Իր հարգանքի տուրքը մատուցելու Անդրկովկասում հեղափոխության հաղթանակի համար զոհված մարտիկների անմահ հիշատակին:

Այս հուզիչ առիթով Վեհափառ Հայրապետը, ի ներկայության Ադրբեջանական ՍՍՀ Միմիստրների խորհրդին առընթեր կրոնական գործերի լիազոր Աբդուլլա Ախադովի, հետևյալ մակագրությամբ մի ծաղկեպսակ է դնում Բաքվի կոմունարների հուշարձանին.

«Բաքվի 26 կոմունարներին՝ Ամենայն Հայոց Տ. Տ. Վազգեն Ա Կաթողիկոսից»:

ՀԱՅՐԱՊԵՏԱԿԱՆ ՀԱՆԴԻՍԱՎՈՐ Ս. ՊԱՏԱՐԱԳ ԵՎ ՔԱՐՈՁ

Սեպտեմբերի 16-ին, կիրակի օրը (Վերափոխման 4-րդ կիրակի), առավոտյան ժամը 11-ին, Նորին Սուրբ Օծությունը շքախմբով առաջնորդվում է ս. Գրիգոր Լուսավորիչ եկեղեցի՝ մատուցելու օրվա հանդիսավոր ս. պատարագը և Բանին կենաց քարոզությամբ մխիթարելու հավատացյալներին:

Եկեղեցին լի էր հայ, ռուս և ալյազգի հավատացյալներով: Այստեղ են մահ և ռուս պրավոսլավ եկեղեցու ներկայացուցիչները: Բոլորը երկյուղածությամբ հետևում են սրբազան արարողությանը:

«Հայր մեր»-ից առաջ քարոզում է Վեհափառ Հայրապետը՝ «Ցանել ի մեզ, ՏԷ՛ր ամենակալ, զհաւատ, զյոյս, զսէր և զամենայն գործս առաքինութեան» աղոթքի բնաբանով:

Միրելի ժողովուրդ, այս աղոթքը մեր ամենաքաղցր, ամենաբովանդակալից մաղթանքներից մեկն է՝ «ՏԷ՛ր Աստված, ավելացրու, շատացրու մեր հավատքը, մեր հույսը, մեր սերը և մեր առաքինի գործերը»:

Հավատքը մարդկային կյանքի, մեր կյանքի հիմնական ուժն է: Մեր նախնիք դարեր շարունակ միշտ հավատացել են Աստուծո գոյության, Աստուծո գործության, Աստուծո ողորմության:

Մենք այսօր ապրում ենք առաջադեմ ժամանակներ, գիտության և տեխնիկայի ժամանակներ: Այս բոլորը մենք հարգում ենք և ընդունում իբրև մարդկության հարկավոր արժեքներ, ճշմարտություններ և մենք իրագործում ենք: Սակայն այս բոլորից վեր, և այս բոլորով հանդերձ, մենք մնում ենք անշարժ մեր նախնաց ուխտի վրա, այսինքն մնում ենք հավատարիմ Աստուծո: Իբրև մարդկային էակներ, ինչքան էլ զարգացած լինենք, ինչքան էլ գիտություն ամբարան լինենք, տեսնելով այս հիասքանչ աշխարհը, ուր

մենք ապրում ենք, այս երկրագունդը իր բազում հրաշալիքներով և ամբողջ տիեզերքը անհուն ու ներդաշնակ, հանգում ենք այն եզրակացության, որ չէին կարող այս բոլորը պատահականության ստրկունք լինել: Մեր մարդկային միտքը չի կարող ըմբռնել, որ դրանք աննպատակ և պատահական իրողություններ են: Մենք չենք կարող ըմբռնել, որ այս բոլորը գերախույն մի հեղինակ, մի ստեղծարար ուժ չունենան: Մեր նախնյաց այս հավատքի վեմի վրա կանգնած, մենք հավատում ենք Աստուծո գոյության, Աստուծո արարչագործության և Աստուծո փրկարար նախախնամության: Ահա, սիրելի ժողովուրդ, մեր խղոթքի առաջին մտածումը:

Աղոթքի երկրորդ մտածումը, երկրորդ պատգամն է, որ մենք ամուր պահենք մեր սրտերի մեջ հույսը հավիտենական կյանքի: Մեր, քրիստոնեական հավատքի, ամենահուզիչ, ամենամխթաբիչ պատգամներից մեկն է, որ մենք հավատանք հավիտենական կյանքին: Մենք գիտենք, թե երկրային մեր կյանքը, այս կյանքը, որ ապրում ենք, անցողական է, գիտենք, թե մենք բոլորս մահկանացուներ ենք, ապրում ենք, պիտի ապրենք, բայց մեկ օր էլ մեր աչքերը պիտի փակենք և անցնենք դեպի հավիտենականություն, դեպի կյանքի մյուս ափը, որ մեզ խոստացված է Աստծուց, մեր Տեր Հիսուս Քրիստոսից: Մեր Տերը Հիսուս Քրիստոս Իր սուրբ Ավետարանով բացել է մեր առաջ ճանապարհը մեր հոգիների փրկության, մեր անմահության, մեր հավիտենականության, հավիտենական լույսի, խաղաղության և արդարության աշխարհի մեջ: Ահա մեր քրիստոնեական մեծ հույսը:

Աղոթքում նշված է նաև սիրո գաղափարը՝ «Յանել ի մեզ, Տեր ամենակալ, զհաստ, զյոյս և զսեր»:

Հիրավի Քրիստոսի Ավետարանը սիրո և խաղաղության գիրք է: Սեր և խաղաղություն մարդկանց միջև. ահա քրիստոնեական վարդապետության հիմնական գաղափարներից մեկը: Սեր ասելով պիտի հասկանանք մարդասիրություն, սեր դեպի մեր նմանները, սեր դեպի մեր հարազատները, նաև սեր՝ ոչ միայն դեպի մեր հարազատները, այլ նաև դեպի տարբեր ազգի, տարբեր կրոնների պատկանողները: Ահա քրիստոնեական տիեզերական սիրո ոգին: Տիեզերական սիրո գաղափարի վրա խարսխված է նաև մեր օրերի խաղաղության գաղափարը: Եվ մեր եկեղեցին ու քրիստոնեական բոլոր եկեղեցիները, ինչպես նաև մահմեդական հավատքի մեր եղբայրները, բոլորն էլ մեր օրերին ջանում, աղոթում և պայքարում են հանուն մարդկային սիրո, եղբայրության ամրապնդման և հանուն աշխարհի խաղաղության:

Մենք աղոթում ենք, որ աշխարհի խաղաղությունը և եղբայրությունը ազգերի մեա անասան, ու մենք փառք տանք Աստուծո, որ այսօր վայելում ենք մենք Հայաստանում, դուք՝ Ադրբեջանում, բարիքները խաղաղ ու համերաշխ կյանքի:

Մայր Աթոռ ս. Էջմիածնից և Մեր հայրական սիրո ողջույնը բոլորիդ անխտիր...

Իր քարոզի վերջում Նորին Սուրբ Օծությունը գոհունակությամբ հիշում է Ադրբեջանի թեմակալ առաջնորդ տ. Հուսիկ արքեպիսկոպոսի անձնվեր և հոգևոր ծառայությունը, որպես «ծրաջան և կարգապահ» հոգևորականի:

Ապա Վեհափառ Հայրապետը, որպես Իր գնահատանքի ապացույց, առաջնորդ սրբազան հորը նվիրում է Տիրամոր սրբանկարը:

Որպես հայրապետական մասնավոր գնահատանքի նշան, Բաքվի հայոց եկեղեցում երկար տարիներ իր տքնաջան աշխատանքի համար, եկե-

դեցու հոգևոր հովիվ տ. Վարդան արեղա Դիլանյանը բացառաբար ստանում է վարդապետական մի լանջախաչ:

Այս առթիվ Հայոց Հայրապետը Բաքվի ա. Գրիգոր Լուսավորիչ հայոց եկեղեցուն նվիրում է երկու ոսկեզօծ գեղեցիկ աշտանակներ:

*
* *

ԱՅՑԵԼՈՒԹՅՈՒՆՆԵՐ

Նույն օրը, երեկոյան ժամը 17-ին, ընդունելով ռուս պրավոսլավ եկեղեցու հրավերը, Նորին Սրբությունը Իր շքախմբով այցելում է Բաքվի ա. Երրորդություն ռուսական եկեղեցի: Եկեղեցու մուտքի առջև, հազարավոր ռուս և հայ հավատացյալների ներկայությամբ, ռուս հոգևորականաց դասը՝ գլխավորությամբ եկեղեցու հովիվ տ. Վիկտոր քահանայի, աղ ու հացով դիմավորում է Հայոց Հայրապետին:

Տեղի է ունենում կարճ եկեղեցական արարողություն, որի ավարտից հետո տ. Վիկտոր քահանան հանուն Ռուսաց Նորին Սրբություն Ս. Պիմեն Պատրիարքի և տեղի ռուս հավատացյալների, ողջունում է Վեհափառ Հայրապետի ներկայությունը ռուսական ա. Երրորդություն եկեղեցում ու խընդրում Նրա հայրապետական օրհնությունները ներկա հավատացյալ ժողովըրդին:

Այս առթիվ, որպես ճիշատակ, ռուս հավատացյալ ժողովրդի անունից Հայոց կաթողիկոսին է հանձնվում գեղեցիկ մի ուղեգորգ:

Իր պատասխան խոսքում Ս. Ս. Վազգեն Ա կաթողիկոսը նախ և առաջ շեշտում է դարավոր այն բարեկամությունը, որ 11-րդ դարից սկսյալ գոյություն ունեւ հայերի և ռուսների միջև: Ապա Նորին Սրբությունը ի մասնավորի կանգ է առնում Իր և ռուս եկեղեցու հովվապետների՝ Ալեքսի և Պիմեն Պատրիարքների միջև եղող անկեղծ, եղբայրական բարեկամության վրա: Ծեշտելով Ադրբեջանի հողի վրա ապրող հայ և ռուս ժողովուրդների համատեղ, խաղաղ կյանքը, նրանց եղբայրական ու բարեկամական հարաբերությունները, Վեհափառ Հայրապետը մատթում է, որ այդ բարեկամությունը ոչ միայն չիսամբի, այլև տարիների, դարերի ընթացքում է՛լ ավելի սերտ և ամուր դառնա:

Որպես պատասխան նվեր Ս. Ս. Վազգեն Ա կաթողիկոսը ռուս եկեղեցուն է նվիրում հայկական ձեռագրերից քաղված մի սրբանկար, որն ընդունվում է մեծ երկյուղածությամբ և երախտագիտությամբ:

ԸՆԴՈՒՆԵԼՈՒԹՅՈՒՆ Ի ՊԱՏԻՎ ՀԱՅՈՑ ՀԱՅՐԱՊԵՏԻ

Երեկոյան ժամը 20-ին, «Մոսկվա» հյուրանոցի շքեղ ճաշասրահում, ի պատիվ Վեհափառ Հայրապետի, Ադրբեջանի հայոց թեմի կողմից տրվում է պաշտոնական ճաշկերույթ, որին հրավիրվել էին բազմաթիվ հայ հավատացյալներ, թեմական և ծխական խորհուրդների անդամներ, քույր եկեղեցիների և կրոնական այլ դավանանքի ներկայացուցիչներ:

Ընդունելությանը հրավիրվել էին նաև Ադրբեջանական ՍՍՀ Միևիստըրների խորհրդին առընթեր կրոնական գործերի լիազոր տիար Արդուլա Ախադովը և տեղակալ տիար Սիմեոն Խլեբովոյը:

Պաշտոնական ճաշկերույթը բացվում է Վեհափառ Հայրապետի աղոթքով:

Ծաշկերույթի բացումը կատարում է տ. Հուսիկ արքեպ. Սանթրուրյանը և ողջունում Հայոց Հայրապետի օրհնաբեր գալուստը Ադրբեջանի հայոց տիրախնամ թեմ: Ծեշտելու համար Վեհափառ Հայրապետի այս՝ թվով չորրորդ գալուստի կարևորությունը Բաքու, սրբազան հայրը մեկ առ մեկ թվում է բոլոր այն կրոնական համայնքների ներկայացուցիչների անունները, ովքեր իրենց ներկայությամբ պատվել են Նորին Սրբության գալուստը:

Այնուհետև տ. Հուսիկ արքեպիսկոպոսը խոսում է Վեհափառ Հայրապետի անձնավորության մասին, ընդգծելով այն, որ Ս. Ս. Վազգեն Ա. կաթողիկոսը այսօր հայտնի է աշխարհին որպես մեծանուն մի անձնավորություն, ոչ միայն շնորհիվ Իր հոգևորական բարձր աստիճանի, այլև Իր հայրենասիրական, խաղաղության համար մղվող Իր գործունեության: Սրբազան հայրը հիշում է այս առթիվ ՍՍՀՄ կառավարության այն բարձր պարգևը՝ «Ժողովուրդների բարեկամության» շքանշանը, որին Նորին Սրբությունը արժանացավ անցյալ տարի՝ Իր յոթանասունամյակի կապակցությամբ:

Սրբազան հոր ելույթից հետո խոսք են առնում Բաքվի կրոնական հարանվանության և դավանությունների ներկայացուցիչները, այդ թվում Անդրկովկասի մահմեդականների հոգևոր առաջնորդ Ծեյխ Ուլ Իսլամ Հաջի Միր Քեզեհ Ֆիր Իբրահիմովը, ուս պրավոսլավ եկեղեցու անունից՝ տ. Վիկտոր քահանա, մկրտչական եկեղեցու պրեսբիտեր Նիկոլայ Կրոպիչը, հրեական համայնքի ռաբբի Խանկա Բենիամինովը, մալական համայնքի հովիվ Իվան Նովոսելովը, ադվենտիստական համայնքի վերապատվելի Իվան Ժիտնիկովը և ուրիշներ:

Իրենց ելույթներում բոլոր ճառախոսներն էլ միահամուռ կերպով ընդգծեցին այն մեծ համակրությունը, որ այսօր ի սկիզբն աշխարհի վայելում է խաղաղասեր, խաղաղության, եղբայրության և ժողովուրդների միջև ջերմ բարեկամության մեծ պաշտպան ազգիս Վեհափառ կաթողիկոսը:

Այս խոսք է առնում Ադրբեջանական ՍՍՀ Միևիատրների խորհրդին առընթեր կրոնական գործերի լիազոր Աբդուլլա Ախադովը, որը Հայոց Հայրապետին ողջունում է հետևյալ ճառով.

«Նորին Սուրբ Օծությունը հանդիսանում է ժամանակակից հոգևոր մեծագույն առաջնորդներից մեկը: Ուստի այսօր այս սեղանի շուրջ ամեն մի խոսք նվիրված է Նորին Սրբությանը: Եվ ես քաջ իմանալով այն մասին, որ Նորին Սրբությունը շատ է սիրում մարդկանց միջև եղող բարեկամությունը, ցանկանում եմ խնդրել ձեզ, որպեսզի բաժակ բարձրացնենք հանուն մարդկանց միջև բարեկամության:

Մեր երկրում ժողովուրդների միջև բարեկամությունը շատ բարձր է գնահատվում: Այդ բարեկամությունը հանդիսանում է մեր հասարակության հիմնական սյուներից մեկը, որը մեզ համար անչափ թանկ է: Այդ բարեկամությունը լավագույնս է դրսևորում իրեն նաև մեր միջև եղող կրոնական հարաբերություններում: Նորին Սուրբ Օծություն Ամենայն Հայոց կաթողիկոսի գալուստը Բաքու բարեկամության մի լավ ապացույց է: Այստեղ, այս սեղանի շուրջ այսօր հավաքվել են մալական, մկրտչական, հրեական, մահմեդական, ուս պրավոսլավ և հայ համայնքների ներկայացուցիչները: Դա պարզորոշ կերպով ցույց է տալիս, որ մեր երկրում հաղթականորեն քայլող բարեկամությունը իր բարերար ազդեցությունն է թողել նաև կրոնական կյանքի վրա:

Մեր հանրապետություններում բոլոր կրոնական համայնքները բարեկամ են միմյանց: Եվ այդ բարեկամությունը սրտովն է մեր թանկագին Հյուրի՝ Նորին Սուրբ Օծություն Տ. Տ. Վազգեն Ա կաթողիկոսի:

Ես առաջարկում եմ բաժակ բարձրացնել այդ մեծ մարդկային զգացմունքի համար: Այդ զգացումը զարդարում է մեր կյանքը:

Երկար տարիների կյանք Ձեզ, Ձերո՛ր Սրբություն, և հաճախակի այցելություններ Ադրբեջան:

Վերջում, պատասխան և շնորհակալական խոսքով հանդես է գալիս Վեհափառ Հայրապետը:

ՎԵՀԱՓԱՌ ՀԱՅՐԱՊԵՏԻ ԽՈՍՔԸ ՃԱՇԿԵՐՈՒՑԹԻՆ


Մենք գոհություն պետք է տանք Աստուծո, որ գտնվում ենք ձեր մեջ, այս ջերմ մթնոլորտում: Հիշում ենք սաղմոսերգուի խոսքը. «Ջի՛ բարի, կամ զի՛ վայելուչ զի բնական եղբարք ի մասին»: Այսպիսի մթնոլորտ է ստեղծված այժմ այստեղ: Ընդհանրապես բոլորին, ովքեր իրենց ներկայությամբ պատվեցին Մեզ: Ընդհանրապես նախ այն իմաստուն խոսքերի համար, որ արտասանեց քիչ առաջ Ադրբեջանի Մինիստրների խորհրդին առընթեր կրոնական գործերի խորհրդի լիազոր մեծահարգ տիար Աբդուլլա Ախադովը: Ընդհանրապես մեր սիրեցյալ եղբոր՝ Շեյխ Ուլ Իսլամի շատ քաղցր խոսքերի համար, ինչպես նաև իր հրավերի համար, որ վաղը այցելենք իր կենտրոնատեղին: Սիրով պիտի գանք ձեզ մոտ վաղը: Ընդհանրապես մեր բոլոր հոգևոր եղբայրների խոսքերի համար, որ լսեցինք այստեղ: Թող Աստված ամրացնի, զորացնի և ծաղկեցնի մեր եղբայրությունը:

Այս սեղանը սիրո և եղբայրության սեղան է: Եվ երբ խոսում ենք սիրո և եղբայրության մասին, Մեր մտածումը ավելի ընդարձակվում և տարածվում է մեր ամբողջ երկրի, սովետական աշխարհի վրա:


Այդ զգացումը Մենք առավել ունեցանք երեկ, երբ մեծահարգ Ախադովի ընկերակցությամբ այցելեցինք 26 կոմունարների հուշարձան: Նրանք գոհվեցին ոչ միայն հեղափոխական մեծ գաղափարի համար, այլ նաև եղբայրության գաղափարի համար: Եվ իսկապես, այնտեղ գոհվածների մեջ կան և՛ ադրբեջանցիներ, և՛ ռուսներ, և՛ վրացիներ, և՛ հայեր:

26 կոմունարների այս հուշարձանը մարմնավորում է սովետական եղբայրության, համերաշխության գաղափարը, որը մեզ համար շատ թանկ է, հատկապես մեզ՝ փոքր ժողովուրդներին համար:

26 կոմունարների մահվան շրջանի, ինչպես նաև երկրորդ համաշխարհային պատերազմի իրադարձությունները, մեկ անգամ ևս զորեղ կերպով մեր գիտակցության մեջ ամրապնդում են, մեր՝ կովկասյան և ընդհանրապես սովետական ժողովուրդների բարեկամության պատգամը: Ահա թե ինչու համար Մենք կրկին անգամ ընդգծում ենք մտածումը, որ սովետական ժողովուրդների եղբայրությունը հատկապես թանկագին է կովկասյան փոքր ժողովուրդների համար: Մեր երջանկությունը միայն այս ճանապարհով է, որ կարող է զարգանալ: Եվ եթե մեզանից ոմանք երբեմն մոռանան այս ճշմարտությունները, նրանք պետք է այցելեն Բաքու և խոնարհվեն 26 կոմունարների հիշատակի առաջ: Մենք իբրև հոգևորականներ մեր պարտքն ենք համարում աղոթել, որպեսզի միշտ հզոր, անբաժան և ամբողջական



ԲԱՔԱԿԻ 28 ԿՈՄՄՈՆԱԼՈՂՆԵՐԻ ՀՈՒՇԱՆՈՋՄԱՆԻ ԱՌՈՒՋ



ՀԱՅՈՑ ՀԱՅՐԱՊԵՏԸ ԾԱՂԿԵՊԱՆԿ Է ԶԵՏԵՂՈՒՄ ԲԱՔՎԻ 26 ԿՈՄԻՏԱՐՆԵՐԻ ՀՈՒՇԱԲԱՆՈՒՆ

պահպանվի սովետական ժողովուրդների եղբայրությունը՝ ռուս ժողովրդի գլխավորությամբ:

Ադրթել աշխարհի խաղաղության և բոլոր ժողովուրդների բարեկամության համար՝ դա Մեր և բոլորիս սրբազան պարտքն է:

Մաղթում ենք ձեզ բոլորիդ Աստուծո օրհնությունը, ուժ և եռանդ, որպեսզի ամեն մեկդ շարունակի իր կյանքում և իր աշխատանքի մեջ արձանագրել նորանոր հաջողություններ:

Կեցցե սովետական ժողովուրդների բարեկամությունը:

Կեցցե Ադրթեջանը:

Ծաշկերույթի ընթացքին գեղարվեստական ճոխ ծրագրով հանդես է գալիս Բաքվի ս. Գրիգոր Լուսավորիչ եկեղեցու քառաձայն երգչախումբը՝ խմբավար Լևոն Բաբայանի գլխավորությամբ:

Պաշտոնական ճաշկերույթը ավարտվում է Վեհափառ Հայրապետի «Պահպանիչ»-ով:

ԱՅՑԵԼՈՒԹՅՈՒՆ ԱՂԻՐԵԶԱՆԱԿԱՆ ՍՍՀ ՄԻՆԻՍՏՐՆԵՐԻ ԽՈՐՀՈՒՐԴ (Սեպտեմբերի 17-ին, երկուշաբթի)

Այսօր, կեսօրվա ժամը 12-ին, Նորին Սուրբ Օծությունը, ուղեկցությամբ տ. Հուսիկ արքեպիսկոպոսի, տ. Գևորգ եպիսկոպոսի և թարգման տ. Անանիա վարդապետի և ընկերակցությամբ Ադրթեջանական ՍՍՀ Միմիստրների խորհրդին առընթեր կրոնական գործերի լիազոր Արդուլյա Ախադովի, պաշտոնական այցելություն է տալիս Ադրթեջանական ՍՍՀ Միմիստրների խորհրդի նախագահի տեղակալ մեծահարգ տիար Քեման Ասադի Հուսեինովին:

Հայոց Հայրապետի և մեծարգո նախագահի տեղակալի միջև տեղի է ունենում ջերմ զրույց, որի ընթացքում Հայոց Հայրապետը գոհունակությամբ խոսում է Ադրթեջանում ապրող հայ և տեղացի ժողովուրդների բարեկամության մասին, ինչպես նաև Իր՝ Ամենայն Հայոց կաթողիկոսի հոգևոր առաքելության մասին՝ հոգը տանելու եղբայրական Ադրթեջանում ապրող Իր հոտի հոգևոր կարիքների: Ապա Նորին Սուրբ Օծությունը արտահայտում է Իր բարի ցանկությունները և մաղթանքները՝ ուղղված ադրթեջանցի ժողովրդին և մեծարգո նախագահի տեղակալին անձնապես:

Իր պատասխան խոսքում մեծահարգ Ք. Ա. Հուսեինովը Հայոց Հայրապետին ծանոթացնում է եղբայրական Ադրթեջանի հանրապետության վերջին տարիների ընթացքում ձեռք բերած մշակութային, տնտեսական նվաճումների հետ: Ապա գնահատանքի խոսքով և ուրախությամբ արտահայտում է իր գոհունակությունը, որ Հայոց Հայրապետը այցի է եկել Ադրթեջան եղբայրական Հայաստանից:

Ընդունելությունն անցնում է ջերմ, բարեկամական մթնոլորտում:

ԿՐԿԻՆ ԱՅՑԵԼՈՒԹՅՈՒՆՆԵՐ

Մեկ ժամ անց, կեսօրվա ժամը 13-ին, Վեհափառ Հայրապետը պատասխան այցելություն է տալիս Անդրկովկասի մահմեդականների հոգևոր առաջնորդ Օելյա Ուլ Հաջի Միր Քեզեմ Ֆիր Իբրահիմովին, ուր ընդունվում է մեծ ջերմությամբ և խանդավառությամբ:

Օելյա Ուլ Հաջի Իբրահիմովը Նորին Սրբությանը ծանոթացնում է այն բարենորոգությունների հետ, որ վերջերս կատարվել են իր կենտրոնատե-

դիում, որոնց շինարարական աշխատանքներում իր եղբայրական օգնությունն է ցույց տվել նաև Բաքվի հայոց եկեղեցին: Այս առիթով Վեհափառ Հայրապետը արտահայտում է իր անսահման գոհունակությունը:

Այս երկու կրոնապետերի միջև տեղի է ունենում բարեկամական զրույց, որի վերջում կատարվում է նվերների փոխանակություն:

Երեկոյան ժամը 20-ին «Մոսկվա» հյուրանոցի ճաշարանում Ս. Տ. Վազգեն Ա. կաթողիկոսը ընտանեկան նեղ շրջանակում հուզիչ հանդիպում է ունենում Ադրբեջանի հայոց թեմական և ծխական խորհուրդների, Բաքվի հայոց ս. Գրիգոր Լուսավորիչ եկեղեցու երգչախմբի անդամների հետ, որոնք Նորին Սրբության օծյալ ձեռքից, որպես գնահատանքի նշան, աջահամբույրով ստանում են զանազան նվերներ: Այս Վեհափառ Հայրապետը տալիս է իր հայրական պատգամները՝ որ նրանք անշահորեն և նվիրված կերպով ծառայեն հայոց եկեղեցուն՝ նրա բարգավաճման, ծաղկման և փառքի համար:

ԱՅՑԵԼՈՒԹՅՈՒՆ ԱԴՐԲԵՋԱՆԱԿԱՆ ՍՍՀ ՄԻՆԻՍՏՐՆԵՐԻ ԽՈՐՀՐԴԻՆ
ԱՌԸՆԹԵՐ ԿՐՈՆԱԿԱՆ ԳՈՐԾԵՐԻ ԼԻԱԶՈՐ ՏԻԱՐ ԱԲԴՈՒԼԼԱ
ԱՆՍԱԴՈՎԻՆ

Հաջորդ օրը, սեպտեմբերի 18-ին, երեքշաբթի, կեսօրվա ժամը 15-ին, Ս. Տ. Վազգեն Ա. կաթողիկոսը իր վերջին պաշտոնական այցելությունն է տալիս Ադրբեջանական ՍՍՀ Մինիստրների խորհրդին առընթեր կրոնական գործերի լիազոր տիար Աբդուլլա Ախադովին՝ իր պաշտոնատեղիում: Նորին Սրբությունը իր շնորհակալություններն է հայտնում հարգելի լիազորին Ադրբեջանում գտնվելու օրերին իրեն ցույց տրված ջերմ ընդունելությունների համար՝ մաղթելով քաջատոկչություն մեծարգո Ախադովին և իր աշխատակիցներին:

Իր պատասխան խոսքում տիար Ախադովը հայտնում է իր պատրաստակամությունը՝ բոլոր հարցերում օգնություն և օժանդակություն ցուցաբերելու Ադրբեջանի հայ եկեղեցական համայնքներին, առաջնորդ սրբազան հորը և հոգևոր հովվին: Իր խոսքի վերջում տիար Աբդուլլա Ախադովը Հայոց Հայրապետին խնդրում է, որպես հարգանքի նշան, ընդունել Լինչի «Հայաստան» հնատիպ գրքի երկհատորյակը ռուսերեն լեզվով, որը Վեհափառ Հայրապետի կողմից ընդունվում է մեծ գոհունակությամբ:


ՎԵՐԱԴԱՐՁ ՄԱՅՐ ԱԹՈՐ

Սեպտեմբերի 19-ին, չորեքշաբթի օրը, Ս. Տ. Վազգեն Ա. կաթողիկոսը, հրաժեշտ առնելով Բաքվից, անմոռաց տպավորություններով վերադարձավ Մայր Աթոռ:

Նորին Սուրբ Օծություն Ս. Տ. Վազգեն Ա. կաթողիկոսի հովվապետական սույն այցելությունը Ադրբեջանի հայ համայնքին մի նոր ներդրում հանդիսացավ Ադրբեջանի հանրապետության մեջ բնակվող հայ և ալլազգի ժողովուրդների բարեկամության ամրապնդման գործում, ինչպես նաև՝ հոգեկան մեծ մխիթարություն Ադրբեջանի հայ հավատացյալների համար:

«Յիշեալ զմեզ, Տէր, ընդ հաճոյս ժողովրդեան քոյ, եւ այց արա մեզ ի փրկութեան քում» (Սաղմոս ԾԵ 4):

ԱՆԱՆԻԱ ՎԱՐԴԱՊԵՏ ԱՐԱԲԱԶՅԱՆ



**ՍՈՒՐԲ ՊԱՏԱՐԱԳ, ՔԱՐՈՋ ԵՎ ՀԱՆԴԻՍՈՒԹՅՈՒՆ,
Ս. ՀՈՒՓՄԻՄԵ ՎԱՆՔՈՒՄ**

Վեհափառ Հայրապետի գահակալության 24-րդ տարեդարձի ուրախ առիթով, հոկտեմբերի 7-ին, ս. Հռիփսիմե տաճարում և վանքում կատարվեցին հանդիսություններ:

Այս տարի ս. Հռիփսիմյանց կույսերի սրբազան մասունքների նորագույն հայտնաբերումը, ինչպես արդար կերպով հաստատում է Հայոց Հայրապետը, «հանդիսանում է հայրենի սրբազան հողի վրա ոչ միայն ս. Հռիփսիմյանց կույսերի նահատակության պայծառ ապացույցը, այլ նաև նյութական վկայությունը հայոց քրիստոնեական հավատքի վավերականության»:

Ուստի մեկ անգամ ևս Հռիփսիմյանց կույսերի նահատակության պանծացման և նրանց երբեք չխամրող հիշատակի ոգեկոչման առթիվ Հայոց Հայրապետի քարեհաճ կարգադրությամբ սույն թվականի հոկտեմբերի 7-ին, կիրակի օրը, ժամը 11-ին, ս. Հռիփսիմե վանքի տաճարում մատուցվում է հանդիսավոր ս. պատարագ:

Օրվա պատարագիչն էր ուխտավորաբար Մայր Աթոռում գտնվող Գերագույն հոգևոր խորհրդի անդամ, Երուսաղեմի հայոց պատրիարքարանի դիվանապետ և տեղի Ժառանգավորաց վարժարանի և ընծայարանի տեսուչ տ. Ծաֆե արքեպիսկոպոս Աճեմյանը:

Ժամը 12-ին Հայոց հայրապետը եկեղեցական թափոռով մուտք է գործում տա-

ճար: Եկեղեցին լի էր աղոթասեր ժողովրդի հոծ քաղմությամբ:

Եկեղեցու երկու դասերում տեղ էին գրավել տ. Սիոն, տ. Սերովքե, տ. Թորգոմ, տ. Վաչե արքեպիսկոպոսները և տ. Արսեն, տ. Գևորգ, տ. Արիս եպիսկոպոսներն ու Ավագ վարդապետ Ասատուրյանը:

Սուրբ պատարագին ներկա էին նաև Տանն Կիլիկիո Կաթողիկոսության պատվիրակության անդամները, այդ թվում տ. Արտավազդ արքեպ. Թրթոյանը, տ. Տաթև եպս. Սարգիսյանը, տ. Մեսրոպ եպս. Աջնյանը և պարոնայք Վահե Սեթյանն ու Վարդգես Տեր-Կարապետյանը:

Սուրբ պատարագի երգեցողությունը կատարում էր ս. Հռիփսիմե տաճարի նորակազմ քառամայն երգչախումբը՝ ղեկավարությամբ Մայր Աթոռի երիտասարդ միաբան տ. Կոմիտաս արքեպ. Հովնանյանի:

«Հայր մեր»-ից առաջ պատարագիչ Ծաֆե սրբազանը հավոր պատշաճի խոսում է հետևյալ քարոզը.

**Տ. ԾԱՀԵ ԱՐՔԵՊԻՍԿՈՊՈՍԻ ՔԱՐՈՋԸ
Ս. ՀՈՒՓՄԻՄԵ ՏԱՃԱՐՈՒՄ
(7 հոկտեմբերի 1979 թ.)**

«Յանուն Հօր և Որդոյ և Հոգւոյն սրբոյ, ամէն»:

«Որք զանձինս իրեանց տաճար մաքրեցին, Հոգւոյ Քում սրբոյ»:

«Անոնք իրենց անձերը մաքուր տաճարներ ըրին Քու սուրբ Հոգիիդ»:

Այսպէս, այս քառերով կխոսի շարակաճագիրը, հայ հոգևոր երգի ներշնչյալ հեղինակը, այն կույսերու մասին, որոնց նախատակությունը հետևեցաւ հոփսիսմէ կույսի նախատակության:

Այսօր կեցած ս. Հոփսիսմէի անունը կրող հրաշալի այս տաճարին մէջ, կեցած մեր եկեղեցւոյ Մեծ Վեհապետին և Ամենայն Հայոց կաթողիկոսին դիմաց, կուգենք անգամ մը ևս ոգեկոչել այն մեծ նախատակությունը, որ իբրև առաջին լույս, իջաւ դէպի Հայաստան աշխարհ, բանալու համար լույսի ճամփան, որով Գրիգոր Լուսավորիչ պիտի քրիստոնեացներ ամբողջ ազգ մը:

Հոփսիսմէն մեր հիշողության մէջ գեղեցիկ այն կինն է, որ փախած Հոռոմի ճոխութենէն և անոր պալատներու հրապույրէն, փախած ոսկիէն ու արծաթէն, ու մարդուն նկիրած բոլոր հարստություններէն, եկած էր Հայոց աշխարհ, Վաղարշապատ մայրաքաղաքին մոտ, ճիշտ այստեղ, ուր կեցած ենք այսօր, իր ընկերոհիներին հետ, իր կյանքը նկիրելու համար միայն ու միայն աղոթքի և սրբակեցության: Սակայն մինչև այստեղ հալածեց զինք Հոռոմեական թագավորին սերը և ուզեց գրավել զայն Աստուծոյ սերէն, տանելու համար մարդկային սիրոյ գգվանքներուն:

Ու կրնէ մեր պատմությունը, թէ սուրբ կույսը երկարորեն դիմադրեց և բնաւ չուզեց երկնային գանձերը փոխել երկրային գանձերով, այլ նախընտրեց նախատակությունը, չարշարանքը և սուրին մահը ու իր այդ դիմադրության մէջ անգամ մը ևս սրբազան և ինքզինքը ըրաւ տաճար Աստուծոյ հոգիին:

Այսօրվան մարդոց շատերուն համար և մեծամասնության համար, թերևս անհասկընալի թվի, թէ ինչպէս կան մեծ հոգիներ, որոնք իրենց մարմինը կհաջողին պարպել մարդկային բոլոր ցանկություններէն և իրենց հոգին ընել գանձարանը երկնային արծանիքներու, այն աստիճան արհամարհելով մարդկային բոլոր հրապույրները և հարստությունները, որ իրենց սրբությունը պահելու համար կրնան նախատակվիլ:

Մեզի շատերու համար անձանոթներ են այլևս այն մեծ սուրբերը, այցված երկնային լույսերէն, որոնք չեն տեսներ այլևս իրենց աչքերով ուրիշ բան, քան Աստուծոյ փառքը և Անոր նկիրվելու ամբողջական սերը:

Մեզի շատերու համար մոռացության տրված է այլևս, թէ այդ սուրբերուն և այդ

նախատակներուն աճյուններուն վրա է, որ հիմնված է մեր եկեղեցին: Որովհետև մեր եկեղեցին մեր հայոյ հոգիին համար քարեդէն շինվածք ըլլալէ առաջ, մեր նախատակներու և հերոսներու տապալանները ամփոփող քարե կալիքներ են կրթված մեր երկրի աչքերէն և արմատ նետած մեր հոգին մէջ, իբրև հիմքը մեր հավատքին և փաստը Աստուծոյ հանդէպ մեր անասկարկ սիրուն:

Սիրելի հավատացյալներ, այսօր սուրբ պատարագը կմատուցանենք Հոփսիսմէի այս տաճարին մէջ, որովհետև անգամ մը ևս, մեր եկեղեցւոյ պատմության մէջ, կրացւի լուսավոր էջ մը, որովհետև այստեղ, անգամ մը ևս կհայտնվին աճյունները այն սուրբերուն, Հոփսիսմէանց կույսերուն, որոնք իբրև սերմ նետված էին մեր երկրի խորքերում՝ ծաղկելու համար իբրև հավատք, ծաղկելու համար իբրև եկեղեցի, ծաղկելու համար իբրև սեր աստվածային:

Այստեղ, ի հայրապետության Վազգեն Ա կաթողիկոսի, Տերը անգամ մը ևս իր մատը ողողեց դէպի Արարատյան դաշտ՝ ցույց տալու համար, թէ հոն կհանգչին աճյունները և մասունքները անոնց, որոնք եղան առաջին տաճարները սուրբ Հոգիին Հայաստան աշխարհին մէջ: Եվ Աստված մեր հայրերուն անգամ մը ևս կուզէ հիշեցնել մեզի, թէ մենք ժողովուրդ մըն ենք, որ գիտեն նախատակվիլ այն գաղափարներուն և այն հավատքին համար, որ միակ երաշխիքն է մեր գոյության:

Հայուն ապրելու տենչը և այդ ապրումին համար մեռնելու իր կամեցողությունը կգատեն զինք ոչ միայն իր ինքնությամբը, այլ զայն պահելու և զայն իրագործելու իր կամքով և խորհուրդով:

Մեր նախատակները, սիրելի հավատացյալներ, չեն մեռած՝ մեռած ըլլալու համար, այլ միայն իրագործելու գաղափարը մեր եկեղեցիին: Ինչ որ հայ եկեղեցին ցարդ կատարած է և կկատարէ, պահանջքն է իր հոգիին, վասնզի Ավետարանը մագաղաթ և գիր ըլլալէ առաջ մեր կուրծքերուն տակ հայ սիրտ է: Մեր տաճարները քարեդէն կառուցներ ալ ըլլալէ առաջ մեր սուրբերու և հերոսներու վկայարաններ են: Առանց մեր եկեղեցւոյ այդ զգայության հագիլ թէ հայ ենք մենք:

Մեծ երազի մը իրագործումն է հայ եկեղեցին: Լուսավորչի առաքելական հոգիին հաղթանակը, Խորվիրապի արհամիրքներէն չվախցող, տարիներով պայծառ այդ տեսիլքին հաղթանակը, որ գիտցաւ երկրորդ անգամ Աստվածորդին իջեցնել մեր աշխարհ, միասին հորինելու համար մեր հոգեկան և մարմնավոր շենքը:



Մի ղաչ Ս. Հովհաննէս Վանփոխի պատարագը ընթերցելու ժամանակ
(1978, հոկտ. 7)



ՄԻ ՊԱՀ Ս. ՀՈՒՓՍԻՄԵ ՎԱՆՔՈՒՄ ԿԱՏԱՐՎՈՂ ՈՒԽՏԻ ԵՎ ԱՂՈԹՅԻ ԱՐԱՐՈՂՈՒԹՅՈՒՆԻՑ
(1979, հոկտ. 7)

Հայ եկեղեցին հայուն տրված մեծագույն ժառանգությունն է, որ իր մեջ գիտցալ ամփոփել նահատակներու աճյուններեն ծնող լույսերը իբրև գիր և գրականություն, իբրև ճարտարապետություն և կոթող, բայց մանավանդ իբրև հայ հոգիի դիմադրության երկար և դարավոր պատմություն:

Հայ եկեղեցին երաշխավորությունն է տրված մեզի, որ մենք կշարունակենք ըլլալ ժողովուրդը Աստուծո, և Աստված չէ լքած առաջին քրիստոնյա հայ ժողովուրդը և ազգը:

Այսօր կրնենք այս բաները, որովհետև Հոփսիսիմյանց աճյուններու հայտնությունը կզուգադիպի քսանչորրորդ տարեդարձին, մեր Հայոց և մեր եկեղեցիի սիրեցյալ Հայրապետի գահակալության: Այն Հայրապետին, որ գյուղացիին և բանվորին, գիտնականին և մտավորականներուն հետ Իր օրը խառնեց գիշերվան, հայրենիքի վերականգնումին հետ՝ իրականացնելու համար վերելքը հայ եկեղեցիին: Ան դրոշակակիրը եղալ հայրենիքի կանչին, որպեսզի մեր ժողովուրդին սիրտը կապված պահե հայ հողին և աչքերը սևեռած պահե հայուն մեծ տեսիլքներուն:

Հայր ամենեցուն: Ան Իր սրտի անվերջանալի սահմաններուն մեջ առավ ամբողջ հայությունը, հայրենիքի և արտասահմանի, առանց խտրության՝ Իր սիրտ ջերմությամբ շաղկապելու զանոնք և անոնց մեջ ամրապնդելու զգացումը մեր ժողովուրդի միասնականության: Տառապեցալ Ան, և չհասկըցվեցալ Իր կոչը՝ տեսնելու հայերն ամբողջ եղբայրացած, ոչ միայն փորձանքի և դժվարության օրերուն, այլ մանավանդ հաջողության և ազգային կյանքը վերականգնելու իրենց ճամփուն վրա:

Քսանչորս տարիներ Ան ապրեցալ հայրենիքի փառավոր առաջխաղացքը ապահովված խաղաղությամբ և անդորրությամբ, որուն մեջ կապրի այսօրվան Հայաստանը, և գիտցալ առաջնորդել Իր հոտը հավատքի ամրության և ինքնության՝ իր իսկ ինքնության հավատարմությամբ:

Եվ այսօր, երբ հայուն հողը կբանա իր ծոցը աշխարհի լույսին՝ վեր բերելու համար քրիստոնեության արշալույսին նահատակված Հոփսիսիմյանց կույսերու ոսկորները, չենք կրնար փառք չտալ հայուն այն Աստուծուն, որ անգամ մը ևս կըսե մեզի, թե պետք է որ ինչպես անցյալին, այնպես ալ ներկային մեր առաջնորդներուն մեջ տեսնենք տաճարները այն սուրբ Հոգիին, որ առաջնորդեց մեր եկեղեցին և գիտցալ մեր նահատակությունները վերածել մեծ հաղթանակներու:

Այսօր նահատակվող կույսերու ոսկորնե-

րուն հայտնությունը թող ըլլա կոչ մը բոլորիս՝ միանալու և բոլորվելու մեր Հայրապետին շուրջ, Անոր ծաղկյալ մականին ներքև՝ միասին երթալու և միասին իրագործելու այն բոլոր տեսիլքները, որ այսօրվան մեր կյանքին նպատակներն են:

Միայն ու միայն Մայր Աթոռ ս. Էջմիածնի և անոր գահակալով անձնավորված մեր միության և մեր ուժերուն միացումին մեջ պետք է տեսնենք Ամենայն Հայոց Հայրապետության մեծ առաքելությունը և կոչումը:

Նայինք մեր Հայրապետին և մաղթենք ի սրտե, որ երկար ու երկար տարիներ շնորհե Զինք մեզի հայուն Աստվածը՝ իբրև հովվապետ բարի, իբրև կաթողիկոս Ամենայն Հայոց, իբրև խորհրդանիշ և իբրև առաջնորդող մեր այն բոլոր իղձերուն և երազներուն, որոնց տաճանապով կտոչորի մեր հոգեկանությունը միշտ: Եվ որ, սակայն, առանց մեր ուժին, առանց մեր կամքին, առանց մեր նեցուկին դժվար թե կարենա իրագործել իրեն համար այդքան սիրելի հայ ժողովուրդի միությունը:

Այդ զգացումներով և այդ մեծ երազով ի սրտե կբերենք մեր սիրեցյալ Հայրապետին որդիական մեր հարգանքը, անսակարկ մեր սերը և մեր աղոթքը առ Աստված, որ միշտ կանգուն և բարգավաճ մնա մեր հայրենիքը, որ միշտ խաղաղ և անվտանգ շարունակե ան իր կյանքը, որ միշտ իր հրապույրին քաջե մեր հայրենասեր ժողովուրդը, և այնտեղ միշտ շարունակեն դողմանքել Մայր տաճարի զանգերը ու անոր արձագանքեն՝ մեր վերականգնած և վերանորոգած մյուս եկեղեցիին զանգակները՝ ի փառս Աստուծո, ի պայծառություն մեր ժողովուրդին, ի շինություն մեր ազգին և ի վերակենդանություն մեր նահատակներուն, որոնց ոսկորներուն ձայնովը կօրհնենք զանուն Ամենասուրբ Երրորդության այժմ և հավիտյան: Ամեն:

Հավարտ ս. պատարագի եկեղեցական թափորը՝ Վեհափառ Հայրապետի գլխավորությամբ, նահատակ կույսերին ձոնված «Ամենք մոխրեալք» շարականի երգեցողությամբ, ուղղվում է դեպի տաճարի արեւվելյան կողմում ամփոփված Հոփսիսիմյանց կույսերի տապանները և այն շրջապատելով՝ սկսում է «Գոհաբանական աղոթք»-ի արարողությունը:


«Յառակաց», «Յեսայեայ մարգարէ» և «Պօղոսի առաքելոյն ի Հռոմայեցոց թղթոյն» ընթերցվածներից հետո կարդացվում են Մատթեոսի Ավետարանից մի քանի համապատասխան համարներ:



Այնուհետև խմբովին երգվում է «Ի սրբոյն Գրիգորէ Լուսաւորչէն մերմէ աւագեալ

վասն Հոփիսիմեանցն...» «Աստուած մեծ, հզօր և փառաւորեալ» քարոզը, որին հաջորդում է «Գոհանամք զՔէն» աղոթքը: «Յիշատակ Քրիստոսի» ս. Հոփիսիմեանց հիշատակին նվիրված Մանկունք շարակաւնի երգեցողությունից հետո կարդացվում է «Քրիստոս Աստուած մեր» մաղթանքը:

Սարկավագի «Սուրբ ճգնաւորօքն աղաչեցութ» քարոզին հետևում է «Պատկիչ սրբոց» աղոթքը:

«Գոհաբանական աղոթք»-ի արարողությունը ավարտվում է Վեհափառ Հայրապետի «Պահպանիչ»-ով և խմբովին երգված Տերունական «Հայր մեր»-ով:





ՀՈԳԵՎՈՐ ԾԵՄԱՐԱՆԻ ՎԵՐԱԲԱՑՈՒՄԸ

Մայր Աթոռ ս. Էջմիածնի հոգևոր ճեմարանում նվիրական և գեղեցիկ ավանդույթ է դարձել, որ ամեն տարի, աշնանամուտին, հոգևոր ճեմարանի ուսումնական ճոր տարեջրյանը իր դռները բաց է անում Ամենայն Հայոց Հայրապետի նախագահությամբ կատարվող բացման հանդեսով:

Սույն թվականի սեպտեմբերի 14-ին, Ամենայն Հայոց Հայրապետի նախագահությամբ, հոգևոր ճեմարանի հանդիսությանը դահլիճում տեղի է ունենում 35-րդ տարեջրյանի՝ 1979—1980 ուսումնական տարվա բացման հանդիսությունը:

Հանդիսության նախագահական սեղանին, Հայոց Հայրապետի կողքին, տեղ էին գրավել Գերագույն հոգևոր խորհրդի անդամները: Սիոն արքեպ. Մանուկյանը, ուխտավորաբար Մայր Աթոռում գտնվող Անթիլիասի Մեծի Տանն Կիլիկիո Աթոռի միաբանության անդամ տ. Ղևոնդ արքեպ. Չեպեյանը, տ. Արիս եպս. Ծիրվանյանը և հոգևոր ճեմարանի ճորընտիր տեսուչ, Մայր Աթոռի երիտասարդ միաբան տ. Գրիգորիս վրդ. Բունիաթյանը:

Հանդիսությանը հրավիրված էին նաև Մայր Աթոռի միաբանությունը, մայրավանքի պաշտոնեությունը, հոգևոր ճեմարանի դասախոսական կազմը և այլ հյուրեր:

Հանդիսությունը սկսվում է Վեհափառ Հայրապետի «Հայր մեր»-ով, որից հետո հանդիսականները հոտնկալա ունկնդրում են Հայկական ՍՍՀ պետական հիմնի նվագը:

Այնուհետև հոգևոր ճեմարանի դասախոս տ. Անանիա վրդ. Արաբաջյանը Ավետա-

րանից ընթերցում է «Մերմնացանի առակը» (Մատթ. ԺԳ 4—9):

Ավետարանի ընթերցումից հետո հոգևոր ճեմարանի Գ լսարանի ուսանող Հայկ Չիլինգարյանը Նարեկից կարդում է ս. Հոգուն ուղղված աղոթք-աղերսը (Բան ԼԴ):

Հանդիսության բացման խոսքից առաջ հոգևոր ճեմարանի երգեցիկ խումբը, ղեկավարությամբ ճեմարանի երաժշտության դասախոս տ. Կոմիտաս արքեպ. Հովնանյանի, կատարում է «Ճեմարանի քայլերգ», «Աշակերտք Քրիստոսի», «Որք զարդարեցին», «Էջ Միածինն ի Հօրե» և «Հայրապետական մատթանք» խմբերգերը:

Ապա հոգևոր ճեմարանի տեսուչ տ. Գրիգորիս վրդ. Բունիաթյանը հանդիսությունը բաց է անում տեսչի իր առաջնել հետևյալ զեկույցով:

«Աստուծո ողորմությամբ ս. Էջմիածնի հոգևոր ճեմարանը բացում է այսօր իր դռները՝ սկսելու համար 1979—80 ուսումնական տարին:

Մայր Աթոռ ս. Էջմիածնին առընթեր հնուց ի վեր միշտ գործել է հոգևոր մի դպրոց՝ պատրաստելու համար հայ եկեղեցու հոգևոր անդամության նվիրյալ մշակներ:

Հոգևոր ճեմարանը շարունակում է կատարել իր այդ արքազան առաքելությունը նաև մեր օրերում՝ թևակոխելով իր ճոր պատմության վերջին շրջանի 35-րդ տարին:

Ուսումնական այս տարին սկսում ենք ճոր խանդավառությամբ և եռանդով: Նորին Սրբության բարեհաճ տնօրինությամբ և թելադրանքով տեղի ունեցան հոգևոր

ճեմարանի ուսումնադաստիարակչական ծրագրերի մի շարք փոփոխություններ:

Հոգևոր ճեմարանը, պատմական իր դերին հավատարիմ, պիտի շարունակի նույն ոգով կատարել իր առաքելությունը: Այն է՝ պատրաստել իր կոչման և հոգևոր ծառայության նվիրված գիտակից հոգևորականներ, որոնք գիտություն ամբարելուց բացի ունենան նկարագրի կայունություն, նվիրագործության ոգի, հայրենասիրություն և հավատարմություն մեր ազգային-եկեղեցական ավանդույթներին:

Եթե պատմության դժվարին շրջաններումս. Էջմիածնի հոգևոր դպրոցը պատվով է կատարել իր պարտականությունները, ապա այսօր, հայրենական վերածննդի այս խոստումնալից օրերին, ավելիով պետք է կատարի իր այդ պարտականությունները:

Հոգևոր ճեմարանի այդ իրագործումի բարձր պատիվը այսօր մեզ է վիճակված: Հարգարժան դասախոսներ, դուք այս օրերը հաստատության բազմավաստակ մըշակներն եք և տարիներ շարունակ սիրով և նվիրումով եք աշխատել նրա վերելքի համար: Հետ այսու ևս ձեզանից սպասվում է, որ դուք ներդնեք ձեր կարելին և անկարելին նույն ազնիվ նպատակի համար: Ձեր աշխատանքի արդյունքը կլինի ձեր վարձատրությունը:

Սիրելի ուսանողներ, հոգևոր ճեմարանում ձեզ տրվելու է ամեն ինչ և փոխարենը ձեզանից պահանջվելու է միայն մի բան, նախ կարգապահություն և ապա սովորել, սովորել, սովորել:

Վեհափառ Տեր,

Ընդհանրապես հայտնելով Ձերդ Սրբությանը, նախ իմ անունից այն մեծ վրստահության համար, որ ցուցաբերեցիք իմ նկատմամբ՝ ինձ հանձնելով հոգևոր ճեմարանի տեսչի դժվարին և պատասխանատու պաշտոնը, և ապա դասախոսության կոչված մյուս հոգևոր եղբայրներին անունից, խոստանում եմ, որ Աստուծո օգնականությամբ և Ձեր օրհնությամբ կաշխատենք արդարացնել մեզ շնորհված հայրապետական այդ բարձր վստահությունը:

Ձերդ Սրբություն, օրհնեցեք ս. Էջմիածնի հոգևոր ճեմարանը, ուսումնական սյսնոր տարվա սեմին, որպեսզի հունձքը լինի բարի և առատ:

Այնուհետև տեսուչ հայր սուրբը որդիական ակնածանքով հրավիրում է Վեհափառ Հայրապետին Լուսավորչի գահից օրհնելու հոգևոր ճեմարանի նվիրական հարկից ներս կատարվելիք ուսումնադաստիարակչական աշխատանքները:

Վեհափառ Հայրապետը սիրով տալիս է օրհնության իր հետևյալ խոսքը.

«Այս տարի ևս, ուսումնական տարեշրջանի սկզբնավորության, Մենք սիրով ենք եկել այստեղ, բերելու հայրապետական օրհնություն մեր հոգևոր ճեմարանին, տեսության, դասախոսական կազմին, պաշտոնության և ուսանողներին:

Ահավասիկ 24-րդ անգամն է, որ Մենք նման հանդիսությանց ներկա ենք լինում և ամեն անգամ հաճույքով ենք զալիս, նույնիսկ հուզումով և միշտ նորանոր ներշնչումներով և սպասումներով: Իրոք, ինչպես հաճախ ասված է և Մենք էլ միշտ ընդգրծում ենք, մի անգամ ևս շեշտենք, որ մեր եկեղեցու կենդանությունը, մեր եկեղեցու ապագան կախում ունի մեծ չափով այն նոր սերունդներից, որոնք դաստիարակվում են հոգևոր ճեմարանում և մյուս մեր կրոնական դպրոցներում՝ Երուսաղեմում և Ամթի-լիսում:

Մոտավոր անցյալում, մինչև առաջին համաշխարհային պատերազմ, մեր եկեղեցին այդ տեսակետից բավական բարձր մակարդակի հասած էր, և այստեղ Էջմիածնում՝ Վերոգյան ճեմարանի շրջանում, և Արմաշի վանքում և այլ հոգևոր վանական դպրանոցներում, որոնք փայլուն անձնավորություններ պատրաստեցին մեր եկեղեցու համար:

Ավա՛ղ, տակայն, հատկապես Մեծ եղեռնը և այլ վերիվայրումներ պատճառ եղան, որ այդ հոգևոր կրթության ընթացքը կանգ առնի բավական երկար տարիներ շարունակ:

Բոլոր բնագավառներում նոր սերունդներ դաստիարակելու, պատրաստելու հարցը առաջնահերթ կարևորություն ունի: Բայց գուցե առավել չափով հոգևոր ասպարեզի մեջ, եկեղեցու կյանքում:

Մենք հիշում ենք մի իմաստուն ասացվածք, Հեռավոր Արևելքի ժողովուրդների փորձից: Համաձայն այդ ասացվածքի վկայվում է. «Եթե ուզում ես մեկ տարով ապահովվել՝ մշակիր բրինձ, եթե ուզում ես տասը տարով ապահովվել՝ ծառ տնկիր, եթե ուզում ես հարյուր տարով ապահովվել՝ մարդ պատրաստիր»:

Մենք ուզում ենք, որ մեր եկեղեցին ապահովվենք ոչ թե մի տարով, ոչ թե տասը տարով, այլ առնվազն հարյուր տարով: Եվ հետևաբար առաջնահերթ կարևորություն ունի Մեզ համար մարդ պատրաստելու գործը, այսինքն մեր եկեղեցու համար ապագա հոգևոր մշակներ պատրաստելու աշխատանքը: Եվ Մենք մանավանդ ուզում ենք Մեր հոգևոր նոր սերունդները դաստիարակել երեք ուղղությամբ: Նախ՝ գիտություն պետք է ջանքերնք նրանց, այսինքն գիտելիքներ, այն ամենը, որ ավանդ-

վում է համաձայն մեր ուսումնական ծրագիրների: Երկրորդ՝ Մեր նպատակն է երիտասարդներին օժտել հոգևոր բարոյական նկարագրով և երրորդ՝ հայրենասիրական ոգով: Այս երեքն էլ հավասարապես կարեւոր են և միասին կազմում են մի ներդաշնակ ամբողջություն:

Հույս ունենք, որ մեկ հառաջիկա տարի հոգևոր ճեմարանը այս ուղղությամբ պիտի շարունակի գործել, հետզհետե առավել բարի արդյունքներով: Եվ ինչպես նշեց հոգեշնորհ տեսուչ հայր սուրբը, այս տարի Մենք որոշ նոր միջոցառումների դիմեցինք, որոշ բարեփոխումների ձեռնարկեցինք և կարծում ենք, որ այդ բոլորը պիտի նպաստեն մեր ընդհանուր գործի հառաջընթացին:

Առաջին հերթին պատասխանատու աշխատանքի կոչեցինք մեր երիտասարդ նոր ուժերին, ովանք արտասահմանից նոր վերադարձած և բավականին պատրաստված: Այսպես՝ ճեմարանի տեսչական պաշտոնը վստահեցինք տ. Գրիգորիս վրդ. Բունիաթյանին, իսկ իբրև ուսման վար՝ տ. Եզնիկ քահանա Պետրոսյանին: Նաև մի շարք երիտասարդ միաբաններ Մայր Աթոռի ստանձնեցին կրոնագիտական և եկեղեցական երաժշտության դասեր, որոնք ճեմարանի հարկի ներքև պիտի աշխատեն երկար տարիների փորձ ունեցող վաստակաշատ մեր դասախոսների կողքին:

Մենք միշտ հավատք ունեցել ենք դեպի երիտասարդությունը: Երբեմն կարծվում է, որ մարդիկ եթե ծերանան կամ սկսեն ծերանալ, երիտասարդների նկատմամբ իրենց հավատքը սրկասում է: Հաճախ ծերերը քննադատում են երիտասարդներին: Ծատ հաճախ էլ երիտասարդները ծերերին են քննադատում: Իհարկե, երբեմն սխալվում են թե՛ ծերերը և թե՛ երիտասարդները: Բոլոր դեպքերում, սակայն, այնուամենայնիվ պետք է հավատք ընծայել երիտասարդության, նույնիսկ եթե երբեմն հուսախաբություններ ենք ունենում: Դա ընդհանուր կանոնը չի խախտում: Եվ շատ կարևոր է, որ ինչպես ամեն սասպարեզներում, մեկ մեր եկեղեցական կյանքում աշխատող ուժերը թարմանան, նորերը զան, որովհետև այդպես է, որ մենք պիտի կարողանանք հետըզհետե սրբագրել մեր թերություններն ու տկարությունները և նոր հեռանկարներ բաց անել, նոր եռանդով, նոր ոգեշնչումներով, նոր լավատեսությամբ, շինարար նոր իրագործումներով:

Այս բոլորը երիտասարդությանը բնորոշ հատկանիշներ են, և Մենք աղոթում ենք, որ նոր պաշտոնների կոչված երիտասարդները այդպիսի ոգեշնչումով, այդպիսի ավ-

յունով, այդպիսի լավատեսությամբ, այդպիսի անձնագոհությամբ նվիրվեն իրենց գործին, որը սուրբ գործ է, պատվաբեր գործ, հիշատակության արժանի գործ է: Եվ որևէ զաղասիրական մարդու համար գերագույն երջանկություն է՝ իր աշխատանքի բարի արդյունքները տեսնել ու վայելել:

Մաղթում ենք, որ մեր դասախոսական կազմը, և՛ տարեցիները, և՛ երիտասարդները, վերանորոգված ուժերով, նոր խանդավառությամբ ու լավատեսությամբ աշխատանքի անցնեն, և Մենք տարվա վերջին ուրախությունը ունենանք արձանագրելու փառքում հաջողություններ:

Իսկ ուսանողներին ուղղելով Մեր խոսքը, պիտի ցանկալինք, որ նրանք լինեն մախ և առաջ աշխատասեր, բարեխղճությամբ սովորեն իրենց ավանդված դասերը, չծուլանա երբեք. երկրորդ՝ անձանձրույթ կերպով հետևեն եկեղեցական երաժշտության դասերին և եկեղեցուց ներս բոլոր հոգևոր արարողություններին: Երրորդ՝ ինչ որ քիչ առաջ էլ հիշեցինք, դա բարոյական նկարագրի հարցն է, որ Մեզ համար վճռական նշանակություն ունի: Մի հոգևորական, որ բարոյական նկարագիր չունի, մա կլինի կեղծ հոգևորական ու կձախողի իր սասպարեզի մեջ:

Բարոյական նկարագրի կերտումի համար մենք բոլորս պետք է աշխատենք հետևողական կերպով:

Իսկ դուք, սիրելի ուսանողներ, այս բոլորը լավ պետք է հասկանաք և ձեր հոգին բանաք դաստիարակչական մեր բոլոր միջոցառումներին առաջ, անկեղծությամբ, որպեսզի դուք էլ օգնեք մեզ, որպեսզի վերանան, սրբագրվեն ձեր թերությունները, և դուք դառնաք կատարյալ նկարագրով երիտասարդներ:

Եվ վերջապես Մենք ցանկանում ենք մեկ, որ դուք լինեք հայրենասեր, ինչ որ Մեր հիմնական առաքելության անբաժանելի մասը կկազմի:

Վստահ ենք, որ դուք պրոքեն իբրև հայատանցի երիտասարդներ, մեկ արտասահմանից եկողներ՝ ձեր բովանդակ հոգով կապված եք մեր ազգի բոլոր ապրումների հետ, մեր ազգի բոլոր սպասումների հետ, մեր ազգի բոլոր երազների հետ:

Ահավասիկ, այս տրամադրություններով, այս ոգով, այս լավատեսությամբ բաց ենք անում դռները հոգևոր ճեմարանի և աղոթում, որ Տերը մեզի մեա միշտ օգնական և պահպան և հաջողությամբ պսակի մեր աշխատանքները, մեր ձեռաց գործերը:

«Ծնորհք Տեառն մերոյ Յիսուսի Քրիստոսի, եղիցին ընդ ձեզ, այժմ և միշտ: Ամեն»:

Հոգևոր ճեմարանի վերաբացման հանդիսությունը ավարտվում է խմբովին երգված «Հայր մեր»-ով և Վեհափառ Հայրապետի «Պահպանիչ»-ով:

* *

Այս տարի հոգևոր ճեմարանից ներս կատարվեցին տեսչական կազմի փոփոխություններ: Հանգստյան կոչվեց ճեմարանի նախկին տեսուչ տ. Հովհաննես ավագ քհն. Մարությանը, որը շուրջ 20 տարիներ անձնվիրաբար և ձեռնհասորեն ճեմարանի հարկի տակ կատարեց կարևոր աշխատանք, որպես տեսչի պաշտոնակատար և վերջին տարիներին՝ որպես տեսուչ:

Այս տարի Վեհափառ Հայրապետի բարեհաճ կարգադրությամբ և Գերագույն հոգեվոր խորհրդի որոշումով ճեմարանի տեսուչ նշանակվեց Մայր Աթոռի երիտասարդ միաբան տ. Գրիգորիս վրդ. Բունիաթյանը, իսկ ուսմավար՝ տ. Եզնիկ քհն. Պետրոսյանը, որը նոր էր վերադարձել Աթենքից՝ համալսարանական կրթություն ստացած:

Հարկ եղավ այս տարի վերանայել ճեմարանի ուսումնադաստիարակչական ամբողջ ծրագիրը: Վեհափառ Հայրապետի հանձնարարությամբ այդ ծրագիրը վերանայվեց այս առթիվ կազմված մասնավոր ուսումնական հանձնաժողովի կողմից, որի կազմում ընդգրկվել էին տ. Գրիգորիս վրդ. Բունիաթյանը (տեսուչ), տ. Եզնիկ քհն. Պետրոսյանը (ուսմավար), տ. Հովհաննես ավագ քհն. Մարությանը (նախկին տեսուչ), տիար Արթուր Հատիսյանը և տիար Պարգև Ծախբազյանը, որպես ավագ և վաստակավոր դասախոսներ:

Հանձնաժողովը բարեխղճորեն քննության առավ իրեն հանձնարարված հոգևոր

ճեմարանի ուսումնադաստիարակչական նոր ծրագիրը, որի մեջ հավելվել էին նաև նոր առարկաներ՝ ըստ տեսչի և ուսմավարի առաջարկության:

Ուսումնական այս նոր ծրագիրը հանձնաժողովի կողմից ներկայացվեց Վեհափառ Հայրապետին և հետ քննության արժանացավ Նորին Սուրբ Օծության հավանության:

Սեպտեմբերի 8-ին, շաբաթ օրը, Վեհափառ Հայրապետը Վեհարանում բարեհաճեց ընդունել հոգևոր ճեմարանի տեսչական նոր կազմին և այս տարվա դասախոսներին:

Նորին Արքեպիսկոպոս շնորհավորեց հոգեվոր ճեմարանի տեսչական նոր կազմը, դասախոսներին, կատարեց մանկավարժական օգտակար թելադրություններ և հաջողություն մաղթեց նրանց:

Հանդիպման ժամանակ ավագ դասախոս Արթուր Հատիսյանը, հանուն դասախոսական կազմի, երախտագիտություն հայտնեց Հայոց Հայրապետին՝ ճեմարանի նկատմամբ Նրա միշտ ցուցաբերած հայրական հոգատարության համար և շնորհավորելով նոր տեսչին և ուսմավարին՝ խոստացավ զորավիգ լինել նրանց հոգևոր ճեմարանից ներս ուսումնական աշխատանքների էլ ավելի արդյունավորության համար:

Այս բոլոր միջոցառումներից հետո, սեպտեմբերի 15-ին, շաբաթ օրը, հոգևոր ճեմարանի հարկից ներս, կրկին հնչեց ավանդական առաջին զանգը՝ ազդարարելով 1979—1980 ուսումնական տարվա սկիզբը, և ճեմարանի հարկի տակ սկսվեցին դասախոսությունները:

ՎԱՍՏԱԳԱՆ ՍԱՐԿԱՎԱԳ ԱՎԵՏԻՔՅԱՆ





ԵԿԵՂԵՑԱԿԱՆ ԲԵՄ, ԼՈՒՐԵՐ

Օգոստոսի 1-ին, չորեքշաբթի.—Այսօր Վեհապատ Հայրապետը մեկնում է Կիսլովոդսկ, մոտ մեկ ամիս տեղի «Կրասնըե կամնի» առողջարանում հանգստանալու համար:

Այդ առիթով Նորին Սրբությանը ուղեկցում է Շիրակի թեմի առաջնորդ տ. Նարեկ եպս. Ծաբարյանը:

* *

Նույն օրը Իտալիայից ուխտավորաբար Մայր Աթոռ է ժամանում Միլանի հայոց հոգևոր հովիվ տ. Սարգիս քհն. Սարգիսյանը:

* *

Օգոստոսի 8-ին, ուրբաթ.—Այսօր Մայր Աթոռ է այցելում հյուրաբար Սովետական Հայաստանում գտնվող Բուլղարիայի Ժողովրդական Հանրապետության Մինիստրների խորհրդի նախագահ մեծահարգ. Ստանկո Տոդորովը՝ տիկնոջ հետ:

Հարգարժան հյուրին Վեհարանում, հանուն Վեհապատ Հայրապետի, ընդունում են

Գերագույն հոգևոր խորհրդի ատենապետ տ. Սիրոն արքեպ. Մանուկյանը, Մայր տաճարի լուսարարապետ տ. Հուսիկ արքեպ. Սանթրուրյանը և Մայր Աթոռի դիվանապետ տ. Արսեն եպս. Բերբերյանը:

Մեծահարգ. նախագահի և Մայր Աթոռի բարձրաստիճան հոգևորականների միջև տեղի է ունենում ջերմ զրույց: Այնուհետև, այցելելով Մայր տաճար, դիտելով մայրավանքի շրջափակը, հուշակոթողները և թանգարանը, հարգելի հյուրը լավագույն տպավորություններով հեռանում է Մայր Աթոռից:

* *

Օգոստոսի 5-ին, կիրակի.—Գ կիրակի գկնի Վարդավառի.

Այսօր Մայր տաճարում, Ավագ խորանի վրա, ս. պատարագ է մատուցում Լոնդոնից ուխտավորաբար Մայր Աթոռ ժամանած տ. Հայկազուն արդ. Նաջարյանը և «Հայր մեր»-ից առաջ քարոզում «Որդեակ, թողեալ լիցին քեզ մեղք քո» (Մարկ. Բ 5) բնաբանով:

Օգոստոսի 9-ին, հինգշաբթի.—Այսօր Մայր Աթոռի միաբանները մեկօրյա շնորհապատույտի են մեկնում դեպի Ամբերդ:

Օգոստոսի 12-ին, կիրակի.—Վերափոխումն ա. Աստուածածնի.

Այսօր Մայր տաճարում, Ավագ խորանի վրա, ա. պատարագ է մատուցում Վրաստանի հայոց թեմի առաջնորդ տ. Գևորգ եպս. Սերայդարյանը:

Հավարտ ա. պատարագի կատարվում է «Օրհնություն խաղողոյ»:

Օգոստոսի 18-ին, երկուշաբթի.—Յիշատակ մեռելոց.

Այսօր Մայր տաճարում, Ավագ խորանի վրա, ա. պատարագ է մատուցում տ. Արտակ քհն. Սիմոնյանը:

Հավարտ ա. պատարագի կատարվում է հոգեհանգստյան պաշտոն՝ «վասն համօրենն անցեցելոց»:

Օգոստոսի 19-ին, կիրակի.—Այսօր Մայր տաճարում, Ավագ խորանի վրա, ա. պատարագ է մատուցում տ. Արսեն եպս. Բերբերյանը և «Հայր մեր»-ից առաջ քարոզում՝ «Ծով կենցաղոյս հանապազ զիս ալեկոծէ, մորկեալ ալիք թնամիս ինձ յարուցանէ, Նախապետ բարի լեր անձին իմոյ ապաւնէ» (ապաշխարության շարական) բնաբանով:

Օգոստոսի 24-ին, ուրբաթ.—Այսօր, երեկոյան, Կիսովոդսկում շուրջ մեկ ամիս հանգստանալուց հետո, Մայր Աթոռ է վերադառնում Ամենայն Հայոց Հայրապետը:

Օգոստոսի 25-ին, շաբաթ.—Այսօր Վեհափառ Հայրապետին են այցելում Ֆրանսիայի Հայ քարեգործական ընդհանուր միության Մարսելի մասնաճյուղի երիտասարդների 20 հոգուց բաղկացած խումբը՝ ղեկավարությամբ հարեգործականի երիտասարդաց խմբի ատենապետ Ժիրայր Քեթանեանյանի:

Հայ երիտասարդներին Վեհափառում հայրաբար ընդունում է Վեհափառ Հայրա-

պետը, բաշխում Իր հայրական օրհնությունները, մաղթելով, որ նրանք ուր էլ որ լինեն, իրենց սրտերում միշտ վառ պահեն պաշտամունքը հայ եկեղեցու և սերն ու կալուստը հայրենիքի:

Այնուհետև, ժամը 14.30-ին, միաբանական սեղանատանը ֆրանսահայ երիտասարդ ուխտավորների պատվին տրվում է ողջերթի ճաշկերույթ:

Օգոստոսի 26-ին, կիրակի.—Տօն գիտի գօտոյ Սրբուհոյ Աստուածածնի:

Այսօր Մայր տաճարում, Ավագ խորանի վրա, ա. պատարագ է մատուցում ուխտավորաբար Մայր Աթոռում գտնվող Դամասկոսի հայոց թեմի առաջնորդ տ. Ոսկան Ծ. վրդ. Գալթակյանը և «Հայր մեր»-ից առաջ քարոզում «Եւ ասաց Աստուած, արասցուք մարդ ըստ պատկերի մերում եւ ըստ նմանութեան» (Ծննդ. Ա 26) բնաբանով:

Ա. պատարագին ներկա էր Վեհափառ Հայրապետը:

Նույն օրը Մայր Աթոռ և Վեհափառ Հայրապետին են այցելում Ֆրանսիայից և Հունաստանից մայր հայրենիք ժամանած հայ ուխտավորներ՝ շուրջ 100 հոգի:

Հայ ուխտավորները նախ Մայր տաճարում ներկա են գտնվում ա. պատարագի արարողությանը, այնուհետև ա. պատարագից հետո Վեհափառում ընդունվում են Վեհափառ Հայրապետի կողմից և ստանում Նրա հայրական օրհնությունները:

Օգոստոսի 29-ին, չորեքշաբթի.—Այսօր Մայր Աթոռ և Վեհափառ Հայրապետին են այցելում մոտ մեկ ամիս Կիրովականի «Հայկական Արտեկ» պիոներական ճամբարում հանգստացող սփյուռքահայ պատանիների խումբը՝ շուրջ 60 հոգի, որոնք մայր հայրենիք են եկել Ֆրանսիայից, Անգլիայից, Կանադայից, Հունաստանից, Ավստրիայից, Սիրիայից, Իրաքից և Քուվեյթից:

Պատանի հայորդիներին Վեհափառում հայրական գուրգուրանքով ընդունեց Ամենայն Հայոց Հայրապետը՝ բաշխելով նրանց հայրական Իր օրհնությունները:

Վերջում սփյուռքահայ պատանի ուխտավորները Վեհափառ Հայրապետից աջահամբույրով հուշանվերներ են ստանում:

Նույն օրը, երեկոյան ժամը 19-ին, Վեհաբանում, Վեհափառ Հայրապետի նախագահությամբ, գումարվում է Գերագույն հոգևոր խորհրդի հերթական նիստը:

Օգոստոսի 30-ին, հինգշաբթի.—Այսօր Մայր Աթոռ և Վեհափառ Հայրապետին է այցելում սփյուռքահայ ուսուցիչների մի խումբ՝ եկած 14 գաղթօջախներից, որոնք մայր հայրենիք են ժամանել Սփյուռքահայության հետ մշակութային կապի կոմիտեի կազմակերպած ամենամյա դասընթացներին մասնակցելու համար:

Սփյուռքահայ ուսուցիչներին Վեհաբանում սիրալիք ընդունում է Ամենայն Հայոց Հայրապետը և նրանց բաշխում էր հայրական օրհնություններն ու հորդորները և գնահատում նրանց շնորհակալ ծառայությունը սփյուռքի մատաղ սերնդի հայեցի դաստիարակման ազնիվ գործունեության համար:

Սեպտեմբերի 2-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում տ. Գրիգորիս վրդ. Բունիաթյանը և «Հայր մեր»-ից առաջ քարոզում «Ուրախ եղէ ես ոչք ասեին ցիս ի տուն Տեան երթիցուք մեք» (Սաղմ. ԺԻԱ. 1) բնաբանով:

Ս. պատարագին ներկա էր Վեհափառ Հայրապետը:

Սեպտեմբերի 8-ին, երկուշաբթի.—Այսօր Մայր Աթոռ և Վեհափառ Հայրապետին են այցելում Սիրիայի Հալեպ և Դամասկոս քաղաքներից մայր հայրենիք ժամանած ուխտավորների 30 հոգուց բաղկացած մի խումբ:

Սեպտեմբերի 5-ին, չորեքշաբթի.—Այսօր, երեկոյան, Բեյրութից ուխտավորաբար Մայր Աթոռ է ժամանում Անթիլիասի Մեծի Տանն Կիլիկիո միաբանության անդամ տ. Դևոնդ արքեպ. Ծեպեյանը, որպես հյուրը Մայր Աթոռի:

Սեպտեմբերի 7-ին, ուրբաթ.—Այսօր ուխտավորաբար Մայր Աթոռ է այցելում 45 հոգուց բաղկացած լիբանանահայերի մի խումբ:

Հայ ուխտավորներին Վեհաբանում հայրաբար ընդունում է Հայոց Հայրապետը և նրանց բաշխում հայրական Իր օրհնությունները:

Սեպտեմբերի 9-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում տ. Մովսիկ վրդ. Սարգսյանը:

«Հայր մեր»-ից առաջ «Փառք քեզ Աստուած, փառք քեզ, յաղագս ամենայնի Տէր փառք քեզ» մաղթանք-բնաբանով քարոզ է խոսում Վեհափառ Հայրապետը:

Նույն օրը Մայր Աթոռ և Վեհափառ Հայրապետին են այցելում լիբանանից, Եգիպտոսից, Պարսկաստանից, Ֆրանսիայից և Ամերիկայից մայր հայրենիք ժամանած շուրջ 200 հայ ուխտավորներ, որոնք Մայր տաճարում իրենց ուխտն ու աղոթքը կատարելուց հետո Վեհաբանում ընդունվում են Հայոց Հայրապետի կողմից:

Սեպտեմբերի 11-ին, երեքշաբթի.—Այսօր, ժամը 14-ին, Վեհաբանում Նորին Սրբությունը Հայկական ՍՍՀ Միևնախորհրդի խորհրդին առընթեր հայ եկեղեցու գործերի խորհրդի նախագահ տիար Ռուբեն Հովսեփի Պարսամյանին է ներկայացնում ներքին թեմերի թեմակալ առաջնորդներին, Գերագույն հոգևոր խորհրդի, Մայր Աթոռի միաբանության և մայրավանքի ղեկավար պաշտոնատեղության անդամներին:

Վեհափառ Հայրապետը այս առթիվ մի անգամ ևս ողջունում և հաջողություն է մաղթում նորընտիր հարգելի պրն. նախագահին՝ նրա հայրենակներ գործերի ճանապարհին:

Հանդիպմանը ներկա էր նաև Հայկական ՍՍՀ Միևնախորհրդի խորհրդին առընթեր հայ եկեղեցու գործերի խորհրդի նախագահի տեղակալ տիար Անդրանիկ Հասարթյանը:

Ժամը 15-ին Վեհաբանի սեղանատանը այս առթիվ տրվում է ճաշկերույթ, որի ընթացքում ողջունվի և շնորհավորության

ջերմ խոսքեր են ասում Վեհափառ Հայրապետը, տ. Միոն արքեպ. Մանուկյանը, ուխտավորաբար Մայր Աթոռում գտնվող Անթիպիասի Կիլիկյան Աթոռի միաբան տ. Ղևոնդ արքեպ. Ծեպեյանը, Մայր Աթոռին առընթեր ճարտարապետների համձնածոդովի նախագահ դոկտ., պրոֆ. Վարազդատ Հարությունյանը և «Էջմիածին» ամսագրի խմբագիր պրն. Արթուր Հատիտյանը:

Վերջում շնորհակալական պատասխան խոսքով հանդես է գալիս տիար Ռուբեն Պարսամյանը:

..

Սեպտեմբերի 14-ին, ուրբաթ.—Այսօր Մայր Աթոռ այցելեցին Վիեննայից մայր հայրենիք ժամանած մի խումբ ուխտավորներ:

Հայ ուխտավորները Վեհաբանում ընդունվեցին Հայոց Հայրապետի կողմից և աջահամբույրով ստացան Նրա հայրական օրհնությունները:

Ուխտավորներին ողեկցում էր Վիեննայի հայոց հոգևոր հովիվ տ. Մեսրոպ Ծ. վրդ. Գրիգորյանը:

..

Սեպտեմբերի 16-ին, կիրակի.—Խաչվերաց.

Այսօր Մայր տաճարում, Ավագ խորանի վրա, հանդիսավոր ա. պատարագ է մատուցում Կանադայից ուխտավորաբար Մայր Աթոռում գտնվող տ. Արիս եպս. Ծիրվանյանը և «Հայր մեր»-ից առաջ քարոզում «Զի ճառ խաչին կորուսելոցն յիմարութիւն է, ալ փրկելոցս մեզ զօրութիւն Աստուծոյ» (Ա Կորնթ. Ա. 18) բնաբանով:

..

Նույն օրը, երեկոյան ժամերգությունից հետո, կատարվում է «Թափոր խաչվերացի»:

..

Սեպտեմբերի 17-ին, երկուշաբթի.—Յիշատակ մեռելոց.

Այսօր Մայր տաճարում, Ավագ խորանի վրա, ա. պատարագ է մատուցում տ. Եղիշե բքն. Բաղրամյանը:

Հավարտ ա. պատարագի կատարվում է հոգեհանգստյան պաշտոն՝ «վասն համօրէն ննջեցելոց»:

..

Սեպտեմբերի 19-ին, երեքշաբթի.—Այսօր ուխտավորաբար Մայր Աթոռ է ժամանում Անգլիայի հայրապետական պատվիրակ և հոգևոր առաջնորդ տ. Ներսես եպս. Պողապալյանը:

..

Սեպտեմբերի 22-ին, շաբաթ.—Այսօր Մայր Աթոռ և Վեհափառ Հայրապետին է այցելում 30 հոգուց բաղկացած ֆրանսահայերի մի խումբ, որը Մայր տաճարում իր ուխտն ու աղոթքը կատարելուց հետո, Վեհաբանում աջահամբույրով ստանում է Հայոց Հայրապետի օրհնությունը:

..

Նույն օրը, երեկոյան, Իրաքից ուխտավորաբար Մայր Աթոռ է ժամանում Իրաքի հայոց թեմի առաջնորդական տեղապահ տ. Ավագ վրդ. Ասատուրյանը:

..

Սեպտեմբերի 23-ին, կիրակի.—Այսօր Մայր տաճարում, Ավագ խորանի վրա, ա. պատարագ է մատուցում տ. Ներսես եպս. Պողապալյանը և «Հայր մեր»-ից առաջ քարոզում «Եթէ զլեզուս մարդկան խօսիցիմ եւ զհրեշտակաց եւ սէր ոչ ունիցիմ, եղէ եւ իբրեւ զպղիճ, որ հնչէ կամ իբրեւ զծրնճղայս, որ ղօղանջեն (Ա Կորնթ. ԺԳ. 1) բնաբանով:

Ա. պատարագին ներկա էր Վեհափառ Հայրապետը:

..

Սեպտեմբերի 24-ին, երկուշաբթի.—Այսօր, երեկոյան ժամը 19-ին, Վեհաբանում, Վեհափառ Հայրապետի նախագահությամբ, գումարվում է Գերագույն հոգևոր խորհրդի հերթական նիստը:

Նիստին հրավիրված էր նաև ուխտավորաբար Մայր Աթոռում գտնվող տ. Ներսես եպս. Պողապալյանը:

..

Սեպտեմբերի 25-ին, երեքշաբթի.—Այսօր հոգևոր ճեմարանում տեղի է ունենում դա-

սախտություն, որի համար հրավիրված էր ոխտավորաբար մայր հայրենիքում գտնվող, բելյուսահայ գրող և հասարակական գործիչ Արամ Սեփեթյանը:

Դասախոսության թեման էր «Լիբանանահայ գաղութի դերը սփյուռքի հայ կյանքում և սփյուռքահայ գրականությունը՝ վերջին 80 տարիների ընթացքում»:

Վերջում հարգարժան դասախոսը պատասխանում է ուսանողների տված հարցերին:

.*.*

Հոկտեմբերի 5-ին, ուրբաթ.—Այսօր հոգևոր ճեմարանում տեղի է ունենում դասախոսություն, որի ընթացքում ֆրանսիացի հայագետ Ժան Պիեռ Մահեն խոսում է «Հայագիտությունը Ֆրանսիայում» թեմայի շուրջ:

Վերջում հարգարժան դասախոսը պատասխանում է ուսանողների տված հարցերին:

.*.*

Հոկտեմբերի 7-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում տ. Մովսիս վրդ. Սարգսյանը և «Հայր մեր»-ից առաջ քարոզում «Երանի՜ ողորմածաց, զի անքա ողորմութիւն գտցեն» (Մատթ. Ե 7) բնաբանով:

Հավարտ ս. պատարագի կատարվում է հոգեհանգստյան պաշտոն՝ Հաճնի հերոսամարտում զոհված հայ մարտիկների հիշատակին:

.*.*

Հոկտեմբերի 10-ին, չորեքշաբթի.—Այսօր, ժամը 15.30-ին, ոխտավորաբար Մայր Աթոռում գտնվող Երուսաղեմի հայոց պատրիարքարանի դիվանապետ և Ժառանգավորաց վարժարանի և ընծայարանի վերատեսուչ տ. Ծախե արքեպ. Աճեմյանը հոգևոր ճեմարանում հանդիպում է ունենում ուսանողների հետ, նրանց խոսում Երուսաղեմի հայոց վանքի և դպրոցի մասին, իսկ վերջում մտերմիկ հարցազրույց է ունենում ուսանողների հետ:

.*.*

Նույն օրը, երեկոյան ժամը 19-ին, Երեվանի հայրապետական վիլլայում, Վեհափառ Հայրապետի նախագահությամբ, տե-

ղի է ունենում Գերագույն հոգևոր խորհրդի հերթական նիստը:

Նիստին ներկա էին նաև Գերագույն հոգևոր խորհրդի անդամներ տ. Սերովբե արքեպ. Մանուկյանը և տ. Ծախե արքեպ. Աճեմյանը:

.*.*

Հոկտեմբերի 18-ին, շաբաթ.—Տօն սրբոց Թարգմանչաց վարդապետացն մերոց.

Այսօր Օջականի ս. Մեսրոպ Մաշտոց եկեղեցում ս. պատարագ է մատուցում ոխտավորաբար Մայր Աթոռում գտնվող Տաճն Կիլիկիո Աթոռի միաբան տ. Մեսրոպ եպս. Աջեմյանը և «Հայր մեր»-ից առաջ քարոզում «Նմանեալ Մովսիսի տեղ վարդապետ, բերելով զգիր օրհնաց ի Հայաստան աշխարհ, որով լուսաւորեցան ազգ որդւոց Թորգոմայ» (Թարգմանչաց շարական) բնաբանով:

.*.*

Հոկտեմբերի 14-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում ոխտավորաբար Մայր Աթոռում գտնվող Տաճն Կիլիկիո Աթոռի միաբան տ. Տաթև եպս. Սարգիսյանը:

«Հայր մեր»-ից առաջ քարոզում է Վեհափառ Հայրապետը (Վեհափառ Հայրապետի քարոզը տես «Էջմիածին» ամսագրի սույն համարում, էջ 3):

.*.*

Նույն օրը Ոխտավորաբար Մայր Աթոռ է ժամանում Ռումինիայի և Բուլղարիայի հայոց միացյալ թեմերի առաջնորդ տ. Տիրայր եպս. Մարտիկյանը:

.*.*

Հոկտեմբերի 21-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում տ. Տիրայր եպս. Մարտիկյանը և «Հայր մեր»-ից առաջ քարոզում հավուր պատշաճի:

.*.*

Հոկտեմբերի 24-ին, չորեքշաբթի.—Այսօր, երեկոյան, Վեհաբանում, Վեհափառ Հայրապետի նախագահությամբ, տեղի է ունենում միաբանական հերթական հավաքույթ:

Հոկտեմբերի 28-ին, կիրակի.—Գիտ խա-
շի.


Այսօր Մայր տաճարում, Ավագ խորանի
վրա, ս. պատարագ է մատուցում տ. Ա-
նանիա վրդ. Արսրաջյանը և «Հայր մեր»-
ից առաջ քարոզում «Խաչ քո եղիցի մեզ
սպառնալիք» բնաբանով:

Ս. պատարագին ներկա էր Վեհափառ
Հայրապետը:


Հոկտեմբերի 30-ին, երեքշաբթի.—Այսօր
ճոզկոր ճեմարանի ուսանողները մեկօրյա
շրջապտույտի են մեկնում ս. Գեղարդ վանք
և Գառնի պատմական վայրերը:

Հոկտեմբերի 31-ին, չորեքշաբթի.—Այ-
սօր, երեկոյան, Վեհարանում, Վեհափառ
Հայրապետի նախագահությամբ, տեղի է
ունենում միաբանական հերթական հավա-
քույթ:





ԱՄԵՐԱՅՆ ՀԱՅՈՑ ՎԵՀԱՓԱՌԻ ՀԱՅՐԱՊԵՏՈՒԹՅԱՆ ԽՈՐՀԻ ՀԱՆՔԱՆԻՍՏՈՒԹՅԱՆ ԽՈՐՀԻՆ ԱՌԵՆՔԻՆ ՀԱՅ ԵՎԵՂԵՑՈՒ ԳՈՐԾԵՐԻ ՆՈՐՀԻՆԻ
 ՆՈՐՀԻՆԻՆ ՆԱԽԵՐԵՆԶ Ռ. ՊԱՌԱՄԱՆՅԱՆԸ ՎԵՀԱՐԱՊԵՏԻ ՄԻՈՍՔԻ ԱՌԱՋԻ ՇՐՋԱՊԱՏՎԱՄԵՐ ԳԵՐԱԳՈՒՑՆ ՀՈԳԵՎՈՐ ՄԱՍԻՆԸ



ՓԻԹԵՇԹ ԲԱՂԱՔԻ Ս. ՀՈՎՀԱՆՆԵՍ ՄԿՐՏԻԶ ԵԿԵՂԵՑԻՆ

ԱՍՏՎԱԾԱԾՆՁԱԿԱՆ ՍՈՒՐԲԵՐ*

31. ԱՄՈՎՍ

Թեև Ամովսի գիրքը յոթերորդ տեղը կը գրավե մարգարեական գիրքերու շարքին մեջ, սակայն ժամանակագրական տեսակետէն առաջինն է անոնց մեջ: Որով Ամովսին կ'ստանանք անկապտելի փառքը ռաբի-րան հանդիսանալու գրող մարգարեներու, որոնք իրենց գիրքերուն մեջ Աստուծո թնութեան և կամքի մասին ընդարձակ և խոր տեղեկություններ տված են և բարոյական օրենքներու և սկզբունքներու պարտադրականությունը շեշտած են:

Ամովս ինքզինքը և իր մարգարեական կոչումը առ կարճ և պարզ բառերով կ'ներկայացնէ իր գիրքին մեջ. «Ես ոչ մարգարե էի և ոչ որդի մարգարեի. այլ ՀՈՎԻՎ էի և թութ քաղող. և առավ զիս Տերը հոտեն և ըսավ ինձի. Գնա և մարգարեացիր իմ Իսրայել ժողովուրդիս վրա» (Է 14—15): Գրքին սկիզբը կ'հաստատվի որ մարգարեացած է «Հրեաստանի-Երուսաղեմի-Ողիա թագավորին և Իսրայելի-Սամարիո-Հերոբոսի-Երկրորդի օրով» (այսինքն մ. Ք. 760—750 թվականներուն): Թեև Երուսաղեմի թագավորին սահմաններէն կուգա, բայց կ'մարգարեանա Սամարիո թագավորին սահմաններում մեջ, հատկապէս Բեթելի մեջ, որ հյուսիսային թագավորության կրօնական կենտրոնն էր:

* Ծարուհանված «Էջմիածին» ամսագրի 1977 թվականի № ՆՆ Է—ԺԱ-ից, 1978 թվականի № ՆՆ Ա—Գ-ից և 1979 թվականի № ՆՆ Բ-ից և Դ—Է-ից:

Իր ժամանակին կտիրէ համեմատաբար խաղաղ շրջան մը և նյութական բարգաւաճություն, որուն անխուսափելի հետևանքը կ'ըլլա բարքերու ապականություն և կրօնական աղասերում: Մարդիկ կ'մոռնան ճշմարիտ Աստվածը և կոտորէր կերկր-պագեն. հարստությունը կ'եղորոնանա մեծամեծներուն ձեռքը, որոնք կ'հարստահարեն և գերիի պէս կաշխատացնեն աղքատները:

Ամովս հարստահարության և կոսպաշտության դեմ է որ կ'բարձրացնէ իր ձայնը և պայքար կ'հայտարարէ: Բեթելի քուրմը մարգարեին քարոզությունը օրվան թագավորին նկատառման կ'հանձնէ (Է 10—13). բայց կերևի թէ չկոցան լուցնել մարգարեին, որ կ'շարունակէ իր ընկերային արդարության պատգամները, և իր սպառնալիքները անուղղաներու՝ հանուն Աստուծո:

Գրքին ոճը պարզ և նկարագրել է: Օրի-նակ, իր մարգարեանալու պարտականու-թեան ստիպողականությունը կ'մեկնացնէ առ-յուծի մոնչյունին. «Եթէ առյուծը մոնչէ, ո՞վ չի սարսիւր, եթէ Տերը խոսի՝ ով չի մար-գարեանալ»: Իսրայելի մնացորդացին հա-զիվ հազ ճողոպրիլը թշնամիին ձեռքէն կ'մեկնացնէ հովիվի մը, որ հազիվ երկու ոտք կամ ականջ մը կազատէ առյու-ծի բերնէն, որ խլած է իր ոչխարներէն մե-կը» (Գ 12): Վերջապէս Աստուծո խոսքին նվաղությունը կ'մեկնացնէ սովի (Ը 11—12):

Հավիտենական Աստուծո մեծությունն է, որ ամենէն ավելի շեշտ կ'առնա Ամովսի գրության մեջ: Ամեն ինչ կ'տեսնէ, ըլլա թնության կամ պատմության մեջ, Աստուծո

մեծության լույսին տակ: Աստուծո մեծության դիմաց մարդ փոշիի կվերածվի. հակառակ ասոր սակայն, Աստված կուզե հաղորդակցություն ստեղծել այս պզտիկ արարածին հետ: Իր գործունեությունը և իմաստությունը բաժին կուզե հանել անոր, պայմանով որ անոնք գործածվին համաձայն իր կամքին և ոչ թե վատնվին կամ չարաչար գործածվին եսասիրական նպատակներու: Ամենեւ վեր և ամենեւ ավելի Աստված կուզե որ արդարության օրենքը տիրապետող ըլլա ընկերության մեջ: Անտեսել այս օրենքը կնշանակե գործածել Աստուծո տված կարողությունները եսակեղրոն նպատակներու և ազահության համար, ինչ որ ամենամեծ արքայությունն է: Անոր համար է, որ երբ մարգարեն կշեշտե Աստուծո արդարությունը, զայն կներկայացնե միաժամանակ իբրև քանդող ույժ մը, որ չխնայէր բոլոր անոնց, ըլլան անոնք անհատներ կամ ազգեր, որոնք դեմ կգործեն այդ օրենքին: Ու Աստուծո արդարության այդ կործանարար գործությունը ի հայտ կուգա որքան երկրաշարժներու, մարախներու և այլ բնական քանդիչ երևույթներու մեջ, նույնքան և ավելի կայսրություններու քանակներու կոտորող և հարթող արշավանքներու մեջ: Անոնք գործիքները և գործադրիչներն են իր արդար դատաստանին, «Տիրոջ օրվան», որմե փախուստ չկա ոչ մեկ ազգի կամ արարածի համար, ըլլա երկրի վրա և ըլլա երկինքի մեջ: Եվ մեկ և նույն այդ «Տիրոջ օրը» ոմանց համար անկումի՝ ոմանց համար ալ քարծրացումի օր պիտի ըլլա: Մինչև իսկ ինքը, մարգարեն, գործիքն է աստվածային այդ արդարության, մահ սպառնալով մեղավորներուն, և երջանկություն՝ արդարներուն:

Հուլնք՝ հունիս 15. լատինք՝ մարտ 31:

32. ԱՔԴԻՈՒ

Ոչինչ գիտենք իր մասին բացի անունեն. հայրանունն անգամ չէ հիշված: Իր գիրքը միակ գլուխէ մը քաղկացած՝ կարճագույնն է ամբողջ Հին Կտակարանին: Կրովանդակե ուժգին պատգամ մը ընդդէմ Եդովմի: Իրարու ցեղակից այս երկու ժողովուրդները, Եդովմացիք և Իսրայէլացիք, ամբողջ իրենց պատմության ընթացքին իրարու թշնամի եղած են, մինչև որ Եդովմացիք խառնված և ձուլված են Իսրայէլի և արաբներու մեջ: Մարգարեությունը գրված կնկատվի նախ քան Քրիստոս Ե դարուն, Իսրայէլի գերութենէ հետո, երբ Եդովմացիք մեծ նեղություններ տվին նորադարձ հրեաներու:

Հուլնք և լատինք՝ նոյեմբեր 19:

33. ՀՈՎՆԱՆ

Գրքին սկիզբը հիշված անունով և հայրանունով մարգարե մը կհիշվի արդարեւ Դ. Թագ. ԺԴ 25-ին մեջ: Իսրայէլի Հերոքովամ Բ թագավորը երկրին սահմանները ընդարձակեց «Համաձայն Իսրայէլի Տէր Աստուծո պատգամին, զոր խոսեցաւ իր ծառային Ամաթեի որդի Գեթթոբերացի Հովնան մարգարեին»: Հարց կծագի թե այս մարգարե՞ն է գիրքը գրողը, թե ուրիշ մըն է, որ այս մարգարեին պատմությունը մեզի կներկայացնե: Ոչ մեկ նշան կա որ գրողը Հովնան մարգարեն եղած ըլլալ. այլապէս՝ ինք ըլլալով ժամանակակից Ամովսի—Ոթելյորդ դարու առաջին կեսը մ. Ք.—անոր հետ առաջին գրող մարգարեներն մեկը պիտի լինէր: Առ հասարակ այնպէս կընկատվի որ այս գիրքը գրված է Իսրայէլի գերութենէն հետո, Ե դարուն մ. Ք.:

Տարբեր է այս գիրքը մարգարեական մյուս գիրքերէն անով, որ փոխանակ պատգամներ պարունակելու՝ կպատմե արկածները մարգարեի մը, որուն կհամընկն ամենեւնի հաճո պարտականությունը. այսինքն ապաշխարանք քարոզել Իսրայէլի ամենեւ աստի ժողովուրդի մայրաքաղաքին՝ Նինվեի մեջ:

Հետևաբար զարմանալի չէ, որ Հովնան նախ կփորձե փախչիլ այս պարտականությունէն. բայց ի վերջո կհամակերպի աստվածային հրամանին, այն հույսով որ ամենայն հավանականությամբ Նինվե պիտի չապաշխարեր, և հետևաբար պիտի կործանէր: Բայց առաջին զարմացողը և զայրացողը ինք կըլլա, երբ Նինվեացիներ կանսան իր քարոզության, որ հինգ քառերէ կքաղկանար. «Երեք օրեն Նինվե պիտի կործանի»: Կողջան, կապաշխարեն և դարձի կուգան: Ու աստված կխնայե քաղաքին:

Գիրքին նպատակն է շեշտել թե Աստված այնքան Տէր և հոգածու է հեթանոս ազգերուն՝ որքան Իսրայէլին: Կպատմե մեղքը ուր որ ալ ըլլա, Իսրայէլի կամ հեթանոսներու մեջ: Կխնայե ապաշխարողին, ուր որ ալ պատահի, Իսրայէլի մեջ կամ հեթանոսներու մոտ:

Այս առումով այս առակի ձևով գրված գիրքը — և առակի նպատակ հետապնդող գիրքը — ամենեւնի մոտիկն է Նոր Կտակարանի ուսուցման, որ կհաստատե թե Աստված «իր արեգակը կծագեցնե չարերու և քարիներու վրա. անձրև կքերէ արդարներու և մեղավորներու վրա» (Մատթ. Ե 45):

Մենք, բացի հիշելէ Հովնանը «Երկոտաւան մարգարեից» հետ, կհիշատակենք զայն և ապաշխարանքի իր քարոզությունը

Առաջավորաց Պահքի ուրբաթ օրը: Հույնք
և լատինք՝ սեպտ. 21-ին:

34. ՄԻՔԻԵ

Ժամանակակից է Ամովս, Ովսե և Եսայի
մարգարեներուն, որոնց հետ միասին կը-
կազմեն այն քառյակը, որ ստեղծեց ոսկե-
դարը Հին Կտակարանի գրող մարգարե-
ներու, ութերորդ դարուն նախքան Քրիս-
տոս: Հետաքրքրական է նշել, որ այս չորս-
ը կներկայացնեն գրեթե բոլոր խավերը
ժամանակակից ընկերության: Ամովս լեռ-
նական հովիվ մըն է հարավէն. կներկա-
յացնէ խաշնարած գյուղացիությունը: Ովսե
հողագործ մըն է հյուսիսի բերրի դաշտե-
րէն: Եսայի արիստոկրատ մըն է աճած
արքունիքի մէջ և մշակված միտք մը՝ երկ-
րի մայրաքաղաքին մէջ: Իսկ Միքիե երկրի
արևմտյան սահմանամերձ գյուղէն արհես-
տավոր մըն է. կներկայացնէ աշխատավոր
դասակարգը:

Թէ ինչպէս և ինչ պայմաններու ներքե
տեղի ունեցավ իր կոչումը բացահայտ չէ.
բայց իր գիրքին հետևյալ ակնարկությունը
կրնանք նկատել իբրև սկիզբը և դրդա-
պատճառը իր կոչումին.

«Բայց ես լեցվեցա Տիրոջ Հոգիին գո-
րությունը պատմելու համար Հակոբի տան՝
իր ամբարշտությունը և Իսրայելին՝ իր մեղ-
քերը» (Գ 8): Այս կհաջորդէ իր պատ-
գամներուն խտացումը.

«Լսեցեք ասիկա, Հակոբի տան առաջնորդ-
ներ, և Իսրայելի տան իշխաններ, որ կա-
նարգեք արդարությունը և կծեք զայն իր
ուղիղ ընթացքէն, կշինեք Սիոնը արյունով
և Երուսաղեմը՝ անիրավությամբ: Անոր ա-
ռաջնորդները կաշառքով կդատեն. անոր
քահանաները վարձքով կկատարեն իրենց
պաշտոնը. անոր մարգարեները դրամով
կուտան իրենց գուշակությունը: Այս բոլո-
րով հանդերձ տակալին Տիրոջ կապա-
տանէին ու կըսեն. Չէ՛ որ Տերը մեզի
հետ է, ուստի չարիք պիտի չգա մեր վրա:
Հետևաբար ձեր պատճառով Սիոն հերկ-
ված հող պիտի ըլլա. Երուսաղեմը՝ ավե-
րակույտ մը. և տաճարի բլուրը՝ մայրիի ան-
տառ» (Գ 9—12):

Այն մեղքերը, որոնք հատկապէս հիշված
ու դատապարտված են Միքիայի կողմէ
հետևյալներն են.

Կռապաշտությունը. «Պիտի քանդեմ ա-
նոր բոլոր կոտորելը, զոր հավաքեց Սա-
մարիան իր պոռնկության իբրև կապենք-
վարձք»:

Չար ծրագիրներ. «Վայ անոնց, որոնք
գիշերները չարիք կծրագրեն, և ցերեկին
կգործադրեն զանոնք»:

Ազանություն. «Յանկացան արտերու և
բռնի գրավեցին. իրենց աչքը խաճած տու-
նին տիրացան. կկողոպտեն մարդու տունը
և կտիրանան անոր ժառանգության»:

Կախարդություն. «Պիտի վերցնեմ մեջ-
տեղէն բոլոր կախարդներդ, և այլևս հար-
ցուկներ պիտի չգտնվին քու մեջդ»:

Խարդախություն. «Կրնա՛մ անտեսել
խարդախված ձեր չափերը, կամ կրնա՛մ
հաշվի չառնել ձեր սոստ կշիռները, և թեթև
ծանրոցներու պարկերը»:

Ընդհանուր աղասերում. «Երկյուղած
մարդը կորավ երկրէն. և ուղիղ մարդ չը-
մնաց, ամեն մարդ իր ընկերոջ չարիք կը-
մտածէ: Մի վստահիր դրացիիդ, մի հա-
վատար մոտիկ բարեկամիդ. անկողինակի-
ցեդ զգույշ եղիր, արտիդ գաղտնիքը մի
հայտներ անոր: Որդիներ իրենց հոր դէմ
կելլեն. աղջիկներ իրենց մոր դէմ կապըս-
տամբին. հարսներ՝ իրենց կեսորներուն
դէմ»:

Կարծես մեր ժամանակները կնկարագրեն
մարգարեն երկու հազար յոթ հարյուր հի-
սուն տարիներ առաջ:

Սակայն մարգարեն միայն մեղքեր դա-
տապարտելով չի գոհանար. ապագայի
հույսի դռներն ալ կբանա.

«Ազգեր պիտի ըսեն. եկեք Տիրոջ լեռը
եղլենք, թող ցույց տա Ան մեզի իր ճամ-
բաները, որպէսզի քալենք իր շափողէն...
Պիտի գա ժամանակ երբ ազգեր պիտի
կոտրեն իրենց սուրբերը խոփ շինելու հա-
մար, և իրենց գեղադրները՝ մանգաղ շինե-
լու համար. ազգ ազգի վրա սուր պիտի
չբարձրացնէ. այլևս պատերազմ ընելու
դաս պիտի չառնեն. ամեն մարդ հանգիստ
պիտի ապրի իր որթատունկի և թզնիի
շուքին ներքև ու ոչ ոք պիտի զարհուրեցնէ
զայն...» (Դ 2—4):

Եվ տակալին ամբողջ Դ գլուխը լեցուն
է հուսադրիչ և երջանիկ պատգամներով:

Միքիե այն մարգարեն է, որ նախագո-
շակած է ոչ միայն Մեսիայի գալուստը այլ
նաև անոր ծննդան տեղը. «Եվ դուն Բեթ-
լեհեմ, տուն Եփրայի, թեև կրտսեր ես
Հուդայի քաղաքներուն մէջ, բայց քեզմէ
պիտի ելլէ Իսրայելի իշխան մը, որուն ծա-
գումը կերթա մինչև հապիտեանկանության
հին օրերը» (Ե 2 բող. Մատթ. Բ 5—6):

Կրնանք ըսել թէ Միքիայի գիրքը խոսա-
ցումը և միջինն է իր ժամանակակից երեք
մարգարեական գիրքերուն. ամ իր բարձ-
րագույն գագաթին կհասնի երբ կսահմանէ
ճշմարիտ կրոնքը հետևյալ բառերով.

«Պատմվեցավ քեզի, ով մարդ, թէ ի՞նչ
է բարին, և թէ՛ ինչ կուգէ Տերը քեզմէ.
արդարություն գործել. սիրել ողորմությու-

ըն, և պատրաստակամ ըլլալ խոնարհութեամբ քաղելու քու Աստուծոյդ հետ» (Զ 8): Հոյնք՝ օգոստ. 14. լատինք՝ հնվր. 15:

35. ՆԱՎՈՒՄ

Իր մասին ալ գրեթէ ոչինչ գիտենք: Իր գրքույկը, որ կրադկանա երեք փոքր գլուխներէ, պատգամ մըն է ընդդէմ Նիմփէի: Մակեդոնային ընթերցումն մը հետո՝ Նավումի գիրքը կրնա նկատուիլ ոչ մեծարժէք գործ մը, և Աստվածաշունչը ոչինչ պիտի կորսնցնէր եթէ պարունակած չըլլար զայն: Ոչ Աստուծո մասին մեծ ուսուցում կա, ոչ ապագայի հույսով ոգևորություն, ոչ ալ Մեսիայի մասին նախատեսություն: Ատելություն և վրեժ կրուրէ ծայրէ ծայր: Թե՛ բարոյական գետնի վրա և թե՛ աստվածաբանորեն թերի գիրք մը կրնա նկատուիլ, քանի որ Աստուծո բնության կամ մարդերու իրարու հետ հարաբերության մասին հատուկ ուսուցում չունի. այսուհանդերձ գիրքը գուրկ չէ արժեք և պատգամէ՝ թէ իր ժամանակակից մարդոց, թէ ներկա ժամանակներու և թէ գալիք սերունդներուն համար:

Նախ համամարդկային գրականության մեջ դասական դատապարտություն մըն է այս գիրքը զինու գրողության, միջազգայնացած բառով մը «միլիթարիզմ»-ի: Քրիստոսի կողմէ ըսված «Որ սուր առցե՝ սուրով անկցի» սկզբունքին ընդլայնումը և իրագործումն է Նավումի մարգարեական գիրքը:

Անցյալի բոլոր կայսրություններն գրեթէ ամենն անագործույն եղած է Ասորականը, ինչպէս կհաստատուի նաև իր արձանագրություններն: Սակայն պատմությունը միշտ հաստատած է, որ բռնակալությունը ինքնակործան քաղաքականություն մըն է: Բոլոր բռնակալները՝ եթէ ինկած ալ չըլլան անմիջապէս՝ միշտ դատապարտելի նկատված են, ըլլա իրենց ժամանակակիցներն, ըլլա պատմութենէն: Ուշի բռնակալության վրա հաստատված դրություններ անխուսափելիորեն պիտի ալլասերին շվայտությամբ, արբեցությամբ և հարստահարությամբ և ի վերջո պիտի տկարանան ու կործանին: Այս ճշմարտությունը կհաստատեն Նավում մեզմէ երկու հազար հինգ հարյուր տարիներ առաջ, Նիմփի կործանումը նախատեսելով և բանաստեղծորեն նկարագրելով:

Երկրորդ, մարգարեն բացահայտորեն կհայտարարեն, որ Աստուծո գործնական մատր կա Նիմփի կործանումին մէջ:

«Քեզի դեմ եմ, կըսեն Ամենակալ Տերը.

Եվ ծովսով պիտի այրեմ քու բազմությունդ,

Սուրը պիտի ուտեն ապուսներդ
Եվ որսդ պիտի վերցնեն երկրի վրայէն.
Քու գործերդ ալլա պիտի չհիշվին»

(Բ 13):

«Քանզի որո՞ւ վրա զգալի չեղալ քու չարությունդ» (Գ 19):

Որեմն Նիմփի գործած անիրավությունները, Աստուծո հրամանով, գրգռեցին Նավումի արդար զայրույթը, որ կարէ բանաստեղծական այս կտորը իբրեւ դասական նմուշը բռնակալներու վերապահված ճակատագրին:

Հոյնք՝ և լատինք՝ դեկտ. 1:

36. ՀԱՄԱԿՈՒՄ

Այս մարգարեին գրությունն ալ նախորդին պէս երեք գլուխներէ բաղկացած գրքույկ մըն է, հավանաբար գրված յոթերորդ դարու վերջերը մ. Ք.:

Գիրքը կրացվի տրամագին հարցումով, մարգարեին, թէ ինչո՞ւ չարը տիրապետող է երկրի վրա: Հարցումին կհաջորդեն երկխոսություն մը Աստուծո և մարգարեի միջև չարիքի հարցի մասին. (Ա և Բ գլուխներ): Զարիք գործողները, եթէ երևութապէս բարգաւաճին անգամ, ի վերջո իրենց պատիժը պիտի գտնեն: Քանզի և հարթիչ բանակները կայսրությանց, Աստուծո պատժական մտրակներն են, որոնք կիյնան չարագործ, կուսպաշտ, անարդար և ալլասերած ազգերու վրա: Սակայն «Արդարը պիտի ապրի իր հավատքով» (Բ 4): Այս է կեղրոնական գաղափարը գիրքին, որ թէև չարիքի հարցը չի լուծեր, սակայն կհայթայթէ լավագույն միջոցը չարիքէն վերապրելու: Ամուր կենալ. չերկմտիլ. կտռիլ հավատքին, ըլլալ հավատարիմ մինչև վերջը, հոգ չէ թէ մարդ չարիքի կամ չարիքի մեջէն կանցնի, իրական նշաններն են «արդար» մարդուն:

«Արդարը իր հավատքով պիտի փրկվի», (Բ 4) գրքին կեղրոնական այս հավաստումը կարևոր դեր կատարած է Քրիստոնեական մտածումին մէջ. հիշված է այն իբրև կեղրոնական գաղափարներն մեկը Պողոս առաքյալի. (Հռոմ. Ա 17, Գղա. Գ 11, Եբր. ԺԱ 38): Բողոքական շարժումին իբրև լրժակ ծառայած է այս խոսքը:

Այս փոքրիկ գրքույկը եզրակացության կրեքվի հոշակապ աղոթքով մը, ավելի շիտակ գոհաբանական սաղմոսով մը, ուր մարգարեն կհայտնէ իր գոհությունը և ուրախությունը, հավատքը և վստահությունը Աստուծո վրա (Գլուխ Գ):

Հոյնք՝ դեկտ. 2. լատինք՝ հնվր. 15:

37. ՍՈՓՈՆԻԱ

Արքայական ցեղե կսերի Սոփոնիա, ըլլալով թոռան թոռը Եզեկիա բարեպաշտ թագավորին: Ապրած է Հրեաստանի Հովսիա բարեկարգիչ թագավորի օրով (638—608 Վ. Ք.), Երուսաղեմի մեջ: Մարգարեացած է Վ. Ք. 625-ական թվականներում, և հավանաբար մասնակցած է Հովսիա թագավորի բարեկարգական ձեռնարկներում, Ոգոս մարգարեությանի և Երեմիայի հետ Վ. Ք. 621 թվականին:

Սոփոնիայի գիրքն ալ կբաղկանա երեք գլուխներ, որոնցմով կհայտարարեն «Տիրոջ օր»-վան մոտենալը: Զրհեղելի մաքրագործումը հիշեցնող սպառնալիքով կլսկըսի իր պատգամներում շարքը:

«Եւ սպառ պիտի փնացնեմ ամեն ինչ, կըսե Տերը. պիտի կորսնցնեմ մարդը և անասունը, երկինքի թռչունները և ծովի ձուկերը. ու այդ բոլորին հետ պիտի վերցնեմ աշխարհէն գայթակղությունները, զանոնք գործողներով միասին»:

Ու մոռալ գույներով կպատկերացնեն «Տիրոջ օրը» իբրև՝ «Օր բարկության, օր անդության և վտանգի, օր թշվառության և ապականության, օր խավարի և մեզի, օր ամպի և մառախուղի, օր փողի և մարտական աղաղակի... որովհետև Տիրոջ դեմ մեղք գործեցին, և Անոր անունը սնոտիքներու վրա դրին. (այսինքն ճշմարիտ Աստուծո միայն վերապահյալ անունով կոչեցին կուտքարը), որոնք ոչ մեկ օգնություն կըցան տալ իրենց...: Տիրոջ բարկության օրը՝ ոչ անոնց արծաթը և ոչ ալ ոսկին պիտի փրկեն զանոնք. որովհետև տազնապալի վախճան մը պիտի գա երկրի բոլոր բնակիչներուն վրա» (Ա. գլուխ):

Սակայն այս մոռալ պատկերին մեջ հանկարծ լույս կծագի և գիրքը վերջավորության կրեքվի ավելի հուսալից մթնոլորտի մը մեջ, երբ մարգարեն կնախատեսեն «մնացորդացի» փրկությունը:

«Պիտի ազատեմ քեզ քու ամբարտաւանութենէդ և այլևս մեծաբանություն պիտի չընես իմ սուրբ լերանս վրա. քեզ պիտի վերածեմ հեզ, խոնարհ և երկյուղած ժողովուրդի մը: Իսրայելի մնացորդացը այլևս անհրաժեշտություն պիտի չընեն, սնոտի բաներ պիտի չխոսի, և ոչ ալ անոր բերքին մեջ անգաւոր լեզու պիտի ըլլա. պիտի ապրին խաղաղ և ոչ ոք պիտի զարհուրեցնեն զանոնք»:

«Խրախուսվե Իսրայել, ուրախ եղիր և գվարճացիր ամբողջ սրտովդ, դուստր Երուսաղեմի, Տերը փրկած է քեզ քու թշնամիներէդ: Տերը այլևս քու մեջդ է, իբրև քու թագավորդ, ով Իսրայել. այլևս երբեք

չարիք պիտի չտեսնես դուն» (Գ. 14—15): Հույճը և լատինք՝ դեկտ. 3:

38. ԱՆԳԵ

Կկարծվի որ ծնած է Իսրայելի յոթանասնամյա (586—516) գերության ընթացքին Բաբելոնի մեջ, և Երուսաղեմ վերադարձած Վ. Ք. 580-ական թվականներում, գերեզարդներու առաջին կարավանին հետ, գլխավորությամբ Զորաբաբելի, որ երկրին կառավարիչ նշանակված էր Պարսից թագավորեն, որուն գերիշխանության ներքև կգտնվեր Հրեաստան: Իր մարգարեական գործունեությունը կապված է տաճարի վերաշինության սրբազան գործին հետ:

Գերադարձները թեև տաճարի շինության սկսած էին, բայց գործը ընդհատված էր հատկապես Սամարացիներու միջամտությամբ: Ընդհատումն հետո վերադարձողները այնքան զբաղած էին իրենց սեփական տուններու կառուցման գործով, որ գրեթե մոռցած էին Աստուծո Տան շինությունը: Անգեն հրապարակ կիջնեն և կծու կերպով կդատապարտեն Աոր Երուսաղեմացիներու այս անհոգությունը: Երկրին մեջ տիրոջ սովը և երաշտը կվերազրեն Աստուծո բարկության, իրենց այս անտարբերության համար:

Իր մարգարեական գործունեությունը տեված է հագիվ չորս ամիսներ, պարսից Դարեհ թագավորի երկրորդ տարին, 520 Վ. Ք.: Իր գրությունը Հին Կտակարանի երկրորդ կարճագույն գիրքն է, բաղկացած երկու գլուխներ, որոնք ինքնին պատգամներ ըլլալն ավելի մարգարեին պատգամներուն տեղեկագիրը կամ համադրությունն է, ուղղված Զորաբաբելի և օրվան քահանայապետ Հեսուի: Թեև, կըսեն մարգարեն, Նոր տաճարը ավելի անշուք պիտի ըլլա բաղդատմամբ հինին, բայց «այս Տան փառքը ավելի մեծ պիտի ըլլա քան առաջինինը, որովհետև այս տան մեջ ձեզի խաղաղություն պիտի տամ»: Հավանաբար ակնարկելով Մեսիայի գալստյան: Արդարև այն տաճարը որուն ընծայվեցալ Հիսուս, այն տաճարը գոր երկիցս մաքրագործեց, և որուն մեջ բազմիցս քարոզեց՝ Զորաբաբելի շինել տված տաճարն էր, կարևոր նորոգություն կրած՝ Հերովդեսի կողմէ:

Հույճը՝ դեկտ. 16. լատինք՝ հյւ. 4:

39. ԶԱԲԱՐԻԱ

Զաբարիա ժամանակակից է Անգեի, ինչպես կհաստատեն երկուքին հիշած թվականները և Եզրի գիրքը:

«Անգեաս և Ադդովյան Զաբարիա կմարգարեանային (այսինքն կխրախուսենին հանուն Աստուծո) Հրեաստանի և Երու-

սաղեմի Հրեից վրա: Այն ատեն Սաղաթիելի որդի Ջորաբաբել և Հովսեփի որդի Հեսու սկսան շինել Աստուծո տունը Երուսաղեմի մեջ. և Աստուծո մարգարեները անոնց հետ էին և զորավիգ էին անոնց» (Եզր. Ե 1—2):

Անգեի պես ինք ալ տեսալ կրոնական անտարբերությունը իր ժողովուրդին, և զանոնք շարժման մեջ դնող խրախուսիչ հորդորներ տվալ, որոնք մեծապես նպաստեցին տաճարի վերաշինության:

Երկուքն ալեի երեցը Անգեն է. իսկ Ջաբարիա՝ ալեի երիտասարդ (Ջաբ. Բ 4): Հավանաբար Ջաբարիան ալ ծնած է Բաբելոն և վերադարձող կարավաններն մեկին հետ Երուսաղեմ եկած էր: Իր մարգարեությունը տեսած է երկու տարի 519—517 թ. Բ.:

Ջաբարիայի գիրքը բաղկացած է 14 գլուխներե, և մեծագույնն է փոքր մարգարեներու գրքերուն: Նախերգանք հորդորականն մը վերջ (Ա 1—6) սուսջին վեց գլուխներուն մեջ կներկայացվին ութ խորհրդավոր տեսիլքներ, որոնց բացատրություններն ալ կտրվին:

Հաջորդ 7—8 գլուխները պատասխան են Բեթելեն եկած պատգամավորության մը, որոնք պահեցողության մասին հարցում քրած էին մարգարեին, որ ըստ հետևյալի կպատասխանե անոնց հանուն Աստուծո.

«Երբ պահք կպահեիք ինձի՝ համար կընեիք. չէ՞ որ ձեզի համար կընեիք: Արդ այսպես կըսե Ամենակալ Տերը. արդար դատաստան ըրեք. ողորմություն և գթություն ցույց տվեք հանդեպ ձեր նմաններուն. աչրին, որքը, պանդուխտը և աղքատը մի հարստաճարեք: Ոխ մի պահեք իրարու հանդեպ ձեր սիրտերուն մեջ» (Լ 9—10):

Սակայն Ջաբարիայի տեսողության շրջանակը շատ ավելի լայն է: Ան թափանցեց նաև գալիք դարերու միգամածին և անոր՝ մեջեն տեսալ Մեսիայի գալուստը, և ալեի պայծառ ապագայի մը հեռանկարը: Ըստ այսմ 9—14 գլուխները կպարունակեն զանազան պատգամներ, զորս քիչ մը դժվար է հասկնալ, բայց որոնց բոլորին նպատակն է հաստատել, թե Աստուծո թագավորությունը ի վերջո պիտի հաղթանակե: Այս բաժնին մեջ կան բազմաթիվ նախագուշակություններ Քրիստոսի զանազան տնտեսությանց մասին. օրինակ իր հաղթական մուտքին Երուսաղեմ:

«Ուրախ եղիք դուստր Սիոնի, ցնձա դուստր Երուսաղեմի, ահա քու թագավորդ կուգա քեզի, արդար և փրկիչ, հեզ ու խնայարհ, հեծած էջի և նոր ավանակի վրա... Պիտի խորտակե աղեղը պատերազմին և խաղաղություն պիտի խոսի բոլոր ազգերու. ու անոր իշխանությունը ծովե ծով պիտի տարածվի և գետերն մինչև աշխարհի ծայրերը» (Թ 9—10):

Կնախատեսե Հիսուսի լսաշկությունը և գեղարդով խոցվիլը (ԺԲ 10) և երեսուն արծաթի ծախվիլը (ԺԱ 12) և իր աշակերտներն լքվիլը (ԺԳ 7):

Մարգարեն կուտա նաև գաղտնիքը հոգևոր ձեռնարկներու հաջողության.

«Ոչ զորությամբ և ոչ ուժգնությամբ այլ իմ հոգիովս, կըսե Տեր Ամենակալ» (Դ 6):

Ըստ Ավետարանի տվյալներու Ջաբարիա սպանված է տաճարի մեջ: (Մատթ. ԻԳ 35):

Հույնք՝ սեպտ. 5. լատինք՝ սեպտ. 6:
(Ծարունակելի)

(«Աստվածաշնչական սուրբեր», Իսթանպուլ, 1977, էջ 108—119)



ՍՈՒՐԱ ԳՐԱԿԱՆ

ԾԻՊՊՈՒԵԹԻ ԱՌԵՂԾՎԱԾԸ

Աստվածաշունչի Դատավորաց գրքի ԺԲ գլխու 1—6 համարներում մեջ առեղծված մը կա, զոր Աստվածաշունչի հայերեն թարգմանությամբ կարելի չէ լուծել, որովհետև հունարեն **Յորթանասնից** թարգմանության խողովակով՝ սխալ բառ մը դրված է երբայցներեն **Ծիպպուլեթ** բառին տեղ։ Առեղծվածի բանալին, մույն ինքն **Ծիպպուլեթ** բառն է, որ հասկ հասկ թարգմանված է հայերեն Աստվածաշունչին մեջ՝ **Յորթանասնիցի միջոցով**։ Մինչդեռ անիկա **անց-բառ** մըն է (pass-wore), որ երկու իմաստ ունի, Ա. **ցորենի հասկ**, Բ. **Գետի անցք**։ Ահա այդ համարը. «Եւ կարա Գաղատի գլիրն Յորթանանու զԵփրեմի, և եղև իբրև ասացին ապրեալքն Եփրեմայ, թէ թող անցցուք, ասեն ցնոսա, տուք մեզ **նշան ինչ**, և ասացէք **հասկ հասկ**, և ոչ յաջողեցան խօսիլ այնպէս, և կալան և կոտորեցին զնոսա յանցան Յորթանանու, և անկան ի ժամանակին յայնմիկ յԵփրեմէ քառասուն և երկու հազար» (ԺԲ 5—6)։

Այս նախադասության մեջ «Մեզի նշան մը տվէք (անց-բառը արտասանեցէք), և ըսէք **հասկ հասկ**, և անոնք չհաջողեցան խօսիլ այնպէս» բառերը իմաստ չունին, որովհետև **Ծիպպուլեթ** և **Միպպուլեթ** բառերը

հասկ հասկ թարգմանված են հունարենի միջոցով, և չեն տար առեղծվածին գաղտնիքը։

Անգղերեն վերջին և լավագույն թարգմանությունը, որ հրատարակվեցավ Ամերիկայի մեջ, 1952-ին, ի Նյու Յորք (Revised standard version), հետևյալ կերպով կը թարգմանէ այդ հատվածը. «Եվ գաղատացիները բռնեցին Հորդանանի անցքերը ընդդէմ եփրեմյաններուն։ Եվ երբ եփրեմյան փախստականներն մեկը ըսէր. «Թող որ անցնիմ»,—Գաղատի մարդիկ կըսէին անոր. «Եփրեմյան ես դուն», ու երբ ան կըսէր «ոչ», անոնք կըսէին անոր, այն ատեն ըսէ **«Ծիպպուլեթ»**, և ան կըսէր **Միպպուլեթ**, որովհետև ան չէր կրնար ճիշտ արտասանել, այն ատեն անոնք կըսէին զայն և «կսպանեին Հորդանանի անցքերուն մեջ, և հոն ինկան այն ժամանակ, 42,000 եփրեմյաններն»։

Արդ, ի՞նչ է պատմությունը.—Ահա իրականությունը. Եփրեմի մարդիկ զենքի կանչվեցան, ու եկան Զափոն (Մեփինա) և ըսին Հեփթայեին թե ինչու Ամմոնացիներուն վրա պատերազմի գացիր առանց մեզի, աւտոր համար տունդ կրակով պիտի այրենք։

Հեփթայե պատասխանեց անոնց, թե Ամ-
մոնացիներու հետ մեծ վեճ ունեինք, անոնք
մեզ կանդեին, և բողոք քրի ձեզի, ու դուք
գիս չազատեցիք անոնց ձեռքեն, ուստի, ես
ալ անոնց վրա հարձակեցաւ և Տերը զա-
նոնք իմ ձեռքս մատուցեց: Արդ ինչո՞ւ եկած
եք այսօր, իմ վրաս կոպելու համար: Այն
ատեն Հեփթայե հավաքեց Գաղատայի բո-
լոր ժողովուրդը և պատերազմեցաւ Եփրե-
մի դէմ: Եվ գաղատացիները բռնեցին
Հորդանան գետի անցքերը Եփրեմի մար-
դոց դէմ, ու երբ Եփրեմի մարդոցմէ մեկը
փախչէր՝ ճամփա չէին տար, մինչև որ Եփ-
րայեքեն **Ծիպպոլէթ** բառը չարտասանէր:

Եվ որովհետև Եփրեմի ցեղի մարդիկը
իրենց բարբառին մեջ **Ծ** հնչյունը չունեին—
և **Ս** կհնչէին, արտասանելով **Սիպպոլէթ**,
փոխանակ **Ծիպպոլէթի**, թշնամի ըլլալը կը-
հասկցվէր ու սուրե կանցընէին:

Եփրայեքենի **Ծ** գիրով սկսվող անուննե-
րեն շատեր հունարեն Յոթանասնից թարգ-
մանության մեջ **Ս** գիրով տառադարձված
են, վասնզի, հունարեն այբուբենին մեջ **Ծ**
գիրը կպակսի:

Յոթանասնից թարգմանության մեջ, **Ծիպ-
պոլէթ** բառը հասկ թարգմանված է, ինչ որ
սխալ է, վերոհիշյալ պատմության մեջ, ու
պետք է թարգմանվէր **անցք**, ու անկէ ալ
անցեր է հայերեն թարգմանության մեջ՝
հասկ հասկ ըլլալով, մինչդէտ **Ծիպպոլէթ**
պետք էր ըլլար և իմաստը **անցք**: Հունա-
կան թարգմանության պատճառով, **Ծ**-ի և
Ս-ի որոշիչ դերը խանգարված ըլլալով՝
բուն իրողությունը անհասկնալի դարձած
է նաև մերինին մեջ ու իր իմաստը կոր-
սնցուցեր է:

Մինչև ցայսօր, Սյուքեմի (Նապլուսի)
քնիկներ, հին սամարացիները, արևին սեմս
կրսեին, փոխանակ շեմշ ըսելու: Թեև տար-
օրինակ է, որ Իսրայելի երկու դրացի ցե-
ղերը՝ Եփրեմի և Հեփթայեի, այն ժամա-
նակ տարբեր արտասանություն ունեւային,
ինչպես դիտել կուտան ս. Գրոց քննադատ-

ներեն ոմանք (Prof. N. O. E. Oesterley, the
Arligdon Bible Commentary).

Ե և **Ս** գիրերը հայերենի մեջ ալ (սառ-
ջինը չշող, երկրորդը սուլող) փոխանակ-
ված կգտնենք, զոր օրինակ. աստիճան=

աշտիճան, աստուճ=աշտուճ (հաց):
Ծտապել=ստիպել, շեշտ=սատտ,
շարժել=սարսել, շոինչ=սոինչ,
սարփուշ (պրակ.)=շարփուշ (գլխու ծած-
կոց),

շրտնոճ=սարտնոճ, փշուր=ոմկ. փտուր:
Եփրայեցի հատուկ անուններու **Ծ** գիրը,
որ ասորական ալ է, միշտ **Ս**-ով փոխա-
նակված կգտնենք Աստվածաշունչի հունա-
րեն Յոթանասնից թարգմանության մեջ, ո-
րովհետև հույնը **Ծ** գիրը չունի, ըստ այսմ
և մեր թարգմանիչները **Ս**-ով կգրեն այդ
անունները: Իսկ ասորեքենե եղած մեր հին
թարգմանություններուն մեջ, միևնույն ա-
նունները **Ծ** գիրով կտեսնինք, իրենց տար-
բեր ձևերովը.

Օրինակներ՝	
ըստ հունականին	ըստ ասորականին
Սիմեոն	Շմալոն
Սամարացի	Շամրուացի
Սիդանու	Շիդա
Հեսու	Հեշու կամ Իշուլ
Սալուդ	Շալուդ
Եղիսե	Եղիշե կամ Եղիշա

(Սյուքեմը հայերեն քանասիրության,
էջ 48. Եղիշե արքեպ. Դուրյան)

Ծիպպոլէթ բառը ալլաքանական իմաստ
մը ունի այժմ, տեսակ մը սիմպոլիկ նշա-
նակություն մը: Այսօր, **ռամկավարություն**,
ժողովրդավարություն, **ազատություն** և ար-
դարություն բառերը **Ծիպպոլէթ** եղած են
շատերուն համար: Մարդիկ զանոնք կար-
տասանեն, անոնց անունով կերդնուն ու
կպաքարեն, սակայն տարբեր գաղափար
և ըմբռնում ունին այդ բառերու ճշգրիտ ի-
մաստի մասին:

Ս. Ա. Մ.



ԹԵՄԱԿԱՆ ԿՅԱՆՔ

ՀԱՅԱՍՏԱՆՅԱՅՑ ԵԿԵՂԵՑՈՒ ՀՅՈՒՄՆԱՅԻՆ ԱՄԵՐԻԿԱՅԻ ԱՐԵՎՄՏՅԱՆ ԹԵՄԻ 52-ՐԴ ԹԵՄԱԿԱՆ ՊԱՏԳԱՄԱՎՈՐԱԿԱՆ ԺՈՂՈՎՐ

ԵԶՐԱՓԱԿՈՒՄ

1979 թվականի մայիսի 4 և 5 օրերին Ռիտլի քաղաքի (Կալիֆոռնիա) ա. Սահակ-Մեսրոպ եկեղեցում գումարվել է Հյուսիսային Ամերիկայի արևմտյան թեմի 52-րդ թեմական պատգամավորական ժողովը՝ նախագահությամբ թեմակալ առաջնորդ տ. Վաչե արքեպ. Հովսեփյանի:

Թեմական պատգամավորական ժողովի օրակարգի վրա եղել են հետևյալ հարցերը. թեմական խորհուրդ, շրջանային ժողովներ, առաջնորդարանի ձեռնարկներ, թղթակցություն Մայր Աթոռի հետ, հոգևորականության պատրաստվող ուսանողներ, թեմական կալվածների, նոր գնումների և շինությունների ծավալում, թեմական կազմակերպություններ, կիրակնօրյա դպրոց, հայ լեզվի ամենօրյա դպրոց, առաջնորդարանի հանձնաժողովներ, Մայր եկեղեցու հրատարակություն (1979 թվականի հունվարից սկսած հրատարակվում է թեմի պաշտոնաթերթ «Մայր եկեղեցին» ամսագիրը), այցելություններ Կալիֆոռնիայի թեմին: Օրակարգի վրա դրված հարցերի շուրջ ժողովը ընդունել է համապատասխան որոշումներ:

Այսօր Կալիֆոռնիայի հայոց թեմում կան 16 եկեղեցիներ կամ եկեղեցական ծխեր՝ իրենց հոգևոր հովիվներով և այցելու եկեղեցականներով:

Թեմական պատգամավորական ժողովը իր աշխատանքները ավարտելուց հետո ժողովի իր ատենագրության մեջ արձանագրել է որպես «Եզրափակում» հետևյալը.

Ն. Ս. Օ. Տ. Տ. Վազգեն Ա Ամենայն Հայոց Սրբազնագույն Հայրապետը անցնող 23 տարիներու ընթացքին որպես Հովհաննես առաջնորդեց Հայց. եկեղեցին: Իր խղճամիտ ու նվիրյալ առաջնորդության ներքև Մայր Աթոռ ա. Էջմիածինը ամբողջությամբ նորոգվելով պայծառացավ: Ներկայիս ավելի քան 50 երիտասարդներ կուսանին հոգևոր ճանապարհին մեջ, և բազմաթիվ կրոնական գիրքեր հրատարակվեցան Վեհափառի օրով:

Վեհափառ Հայրապետի ծննդյան յոթանասունամյակի առթիվ կհայտնենք թեմական ժողովի սերն ու հավատարմությունը ու նաև համայն ժողովուրդին: Թող ամենակալն Աստված պարգևե Հայոց Հայրապետին առողջություն հովվելու Իր հոտը ու նաև իրականացնելու աստվածահաճու Իր ծրագիրները:

Ի դիմաց թեմական խորհուրդի՝

ՎԱՍԶԵ ԱՐՔԵՊԻՍԿՈՊՈՍ ՀՈՎՍԵՓՅԱՆ
Առաջնորդ և նախագահ թեմական
խորհուրդի

ՀԱԿՈԲ ՂԱԶԱՆԾՅԱՆ
Ատենապետ

ՀՈԳԾ. Տ. ՄՈՒԾԵՂ ՎՐԴ. ԹԱԾԾՅԱՆ
Ատենադպիր

ՓԻԹԵՇԹԻ (ՌՈՒՄԻՆԻԱ) ՀԱՅՈՑ Ս. ՀՈՎՀԱՆՆԵՍ ՄԿՐՏԻՉ
ԵԿԵՂԵՑՈՒ ՀԻՄՆԱԴՐՈՒԹՅԱՆ 150-ԱՄՅԱԿԸ



Առաջնորդ սրբազանը հավատացյալների հետ

Բուխարեստի հայոց եկեղեցու թեմական խորհուրդը Վեհափառ Հայրապետին հասցեագրած իր սեպտեմբեր 5 թվակիր պաշտոնական գրությամբ հայտնում է, որ Նորին Սրբության օրհնությամբ շարունակում է իր «ազգօգուտ աշխատանքը՝ վերին դեկավարությամբ թեմիս քարեջան առաջնորդ տ. Տիրայր եպս. Մարտիկյանի»:

Թեմական խորհրդի տեղեկագրով նշվում է, որ «հայերեն լեզվի դասընթացքը, նախաձեռնված 1978 տարվա վերջավորության, շարունակվեցավ լավագույն կազմակերպությամբ: Բազմաթիվ է նաև սովորողներու թիվը»:

Հունիս ամսվա ընթացքում կազմակերպվել է նախկին «Տուտյան» մշակութային տան սրահի մեջ՝ նախագահությամբ թեմական առաջնորդի, գեղարվեստական երեկո՝ նվիրված հայ բանաստեղծության: Այս առթիվ ելույթ են ունենում «Նոր կյանք» թերթի խմբագիր Սարգիս Սեդյանն ու Բուխարեստի «Մյուլեշ» թատրոնի դերասանուհի Լուիզա Տերտեյանը, «Բ. Նոթարա» թատրոնի դերասանուհիներ Լիա Ծահիկյանն ու Թոնի Զաքարյանը, որոնք «հայ և ռումաներեն լեզվով արտադրություններ ըրին» մի շարք հայ դասական բանաստեղծների գործերից:


Նույն ամսվա մեջ արվեստի պատմաբան, քերականաբան օրիորդ Սիլվա Աճեմյանը Բուխարեստի համալսարանի պատմության և փիլիսոփայության ֆակուլտետի սրահում դասախոսություն է կարդացել «Հայկական միջնադարյան արվեստի ձեռագրեր Ռումանիո հավաքածուներում մեջ» դոկտորական իր աշխատության մասին:

Նույն ամսվա վերջերին Փիթեշթ քաղաքի հայոց սուրբ Հովհաննես Մկրտիչ եկեղեցու հիմնադրության 150-ամյակի առթիվ թեմական առաջնորդ տ. Տիրայր եպս. Մարտիկյանի ղեկավարությամբ և թեմական խորհրդի նախաձեռնությամբ ուխտագնացություն է կատարվել դեպի այդ եկեղեցին՝ մասնակցությամբ հավատացյալների հոծ բազմության:

Փիթեշթի հայոց եկեղեցու օծումը անցյալում կատարել է Կ. Պոլսից հրավիրված Խորեն եպս. Նարայելը: Սույն եկեղեցու հիմնական նորոգությունը կատարվել է 1966 թվականին: 1967 թվականին վերանորոգված եկեղեցում պատարագել և քարոզել է տ. Տիրայր եպս. Մարտիկյանը:

Ուխտագնացության մասնակցողները Բուխարեստ վերադարձին այցելել են նաև Բուրթենա դե Արմեշ վանք:

ՄՈՆԻՏԵԱԼԻ ՀԱՅՈՑ Ս. ԳՐԻԳՈՐ ԼՈՒՍԱՎՈՐԻՉ ԵԿԵՂԵՑՈՒ
ՇԱԲԱԹՕՐՅԱ ԴՊՐՈՑԻ ՈՒՍՈՒՄՆԱԿԱՆ ՎԵՐԱՄՈՒՏԸ



Մոնրեալի ս. Գրիգոր Լուսավորիչ եկեղեցուն առընթեր շաբաթօրյա դպրոցի աշակերտությունը

1979 թվականի սեպտեմբերի 15-ին, շաբաթ օրը, Մոնրեալում խանդավառ մթնոլորտում վերաբացվել է ս. Գրիգոր Լուսավորիչ եկեղեցու Հ. Բ. Ը. Միության Ալեքս Մանուկյան շաբաթօրյա վարժարանը, «Արմեն-Քեպեկ» հոյակերտ վարժարանի մեջ, ի ներկայության տեղի հոգևոր հովիվ տ. Պարետ վրդ. Երեցյանի, ծխական խորհրդի և խնամակալ մարմնի պատվարժան անդամների, տեսչական-ուսուցչական կազմի և ծնողների հոծ բազմության:

Դպրոցի տեսուչն է պրն. Օ. Գալստյան: Ուսուցչական կազմում ընդգրկվել են գաղութի լավագույն մանկավարժները, այդ թվում՝ տիկին Ա. Ծաքարյան, օր. Ն. Ծերունյան, տիկին Ծ. Գրիգորյան, պրն. Լ. Միմնեթյան, տիկին Ա. Զազըճյան և տիկին Տ. Տրդատյան:


Դպրոցի խնամակալ մարմնում իրենց օգտակար և շինարար օժանդակությունը բերում են տ. Պարետ վրդ. Երեցյանը (նախագահ), պրոֆ. Հ. Խաչիկյանը (ատենապետ), տիկին Է. Ագիպրիթյանը (փոխա-

տենապետուհի), պրն. Վ. Քերեսթեճյանը (գանձապահ), դոկտ. Հ. Էսեկյուլյանը, օր. Հ. Մանկասարյանը, տիկին Վ. Ազնավուրը և պրն. Հ. Անկալաթյանը (խորհրդականներ):

Ուսուցչական կազմի կողքին աշխատում է «կամավոր և սիրահոծար» կերպով նաև «արվեստագետ ուսուցիչներու» խումբը, օր. Նորա Յագուպյան՝ պարուսույց, պրն. Գրիգոր Միմնեթյան՝ պարուսույց, տիկին Փերուզ Թեմթյունյան՝ դաշնակ:

«Էջմիածին» ամսագրի խմբագրությունը, հանուն Վեհափառ Հայրապետի, շնորհավորում է Մոնրեալի հայոց ս. Գրիգոր Լուսավորիչ եկեղեցու շաբաթօրյա հայ դպրոցի խնամակալ մարմնի, ուսուցչական կազմի «հարգամեծար և պատվարժան» անդամներին և մաղթում բոլորին քաջատոկություն և բեղմնավոր գործունեություն, 1979—1980 ուսումնական տարվա առիթով:

Սույն տեղեկությունները խմբագրությանն հաղորդել է Մոնրեալից մեր թղթակից Օնգիկ Գալստյանը:



ԷԿԵՐՄԵՆԻԿ

ԿՅԱՆՔ

ՄԻԶԱԶԳԱՅԻՆ ԾԻՍԱԳԻՏԱԿԱՆ ԸՆԿԵՐԱԿՑՈՒԹՅԱՆ 7-ԻՒ
ՀԱՄԱԳՈՒՄԱՐԸ

Սույն թվականի օգոստոսի 13—18 օրերին Վաշինգտոնի հոռմեական կաթոլիկ Մայր տաճարում տեղի է ունեցել Միջազգային ծիսագիտական ընկերակցության (Societas Liturgica) հերթական՝ 7-րդ համագումարը, որի գլխավոր թեման է եղել «Հովվական ասպարեզը»: Համագումարին մասնակցել են Ամերիկայի Միացյալ նահանգների տարբեր քաղաքներից, Ճապոնիայից, Արևմտյան Եվրոպայի և Լատինական Ամերիկայի բազմաթիվ երկրներից ժամանած քրիստոնեական զանազան դավանությունների պատկանող եկեղեցիների շուրջ 170 ներկայացուցիչներ:

Համագումարի աշխատանքներին իր մասնակցությունն է քերել նաև տ. Բաբկեն Էպիսկոպոս Վարժապետյանը, որը համագումարում հանդես է եկել «Առաքելական հաջորդությունը և ձեռնադրության խորհուրդը Հայաստանյայց առաքելական եկեղեցում» նյութերի շուրջ ընդարձակ մի գեկուցումով:

Միջազգային ծիսագիտական ընկերակցությունը հիմնադրվել է 1976 թվականին հոլանդացի գիտնական, պատուր, դոկտ. Վիրբ Վոսի կողմից, որը նույն թվականին

մի խումբ աստվածաբան գիտնականների հետ նախաձեռնել և կազմակերպել է ընկերակցության առաջին համագումարը Հոլանդիայի Դրիբերգեն քաղաքում: Այնուհետև երկու տարին մեկ անգամ, կանոնավոր կերպով տեղի են ունեցել ընկերակցության հետագա համագումարները Անգլիայում, Իսպանիայում, Իռլանդիայում, Ֆրանսիայում և Ծվեդիայում:

Ծիսագիտական ընկերակցության նպատակն է՝ առաջացնել քրիստոնեական պաշտամունքի մասին Էկումենիկ դիալոգ՝ հիմնված գիտական լուրջ ուսումնասիրության վրա:

Սույն ընկերակցությունը, որը գործում է «Վերանորոգում և միություն» ընդհանուր նշանաբանով, իր հերթական համաժողովների ընթացքում գիտական բարեխիղճ մոտեցումով ցարդ ուսումնասիրել և համապատասխան թղթեր է հրապարակել ս. պատարագի և այլ խորհուրդների ծագման, կազմավորման, նրանց զարգացման, իմաստի և լեզվի մասին՝ միաժամանակ տալով իր պատգամը քրիստոնեյա աշխարհին և արդի մարդկությանը:

ՀՆԴԿԱԿԱՆ ՄԱԼԱԲԱՐ ԵԿԵՂԵՑՈՒ ՊԵՏԸ ԱՄՆ-ՈՒՄ

Հնդկական մալաբար եկեղեցու կաթողիկոս տ. Բասիլիոս Մար Թոմա Մատթեոս Առաջինը սույն թվականի օգոստոսի 1—3-ը պաշտոնական այցով եղել է Վաշինգտոնում, ուր նրա պատվին տեղի են ունեցել եկեղեցական արարողություններ և ընդունություններ: Համդիսություններին ներկա

է եղել նաև տ. Բաբկեն եպիսկոպոս Վարժապետյանը, որը, համուն հայ եկեղեցու և ամերիկահայ համայնքի, ողջույնի ջերմ խոսքեր և բարեմաղթություններ է արել հնդկական եկեղեցու հոգևոր պետին՝ այդ առթիվ նրան տալով պատշաճ մի հուշանդվեր:

ԵԿԵՂԵՑԻՆԵՐԻ ՀԱՄԱԾԻՍԱՐԿԱՅԻՆ ԽՈՐՀՐԴԻ ԺՈՂՈՎԸ ԲՈՍՏՈՆՈՒՄ

Եկեղեցիների համաշխարհային խորհրդի «Եկեղեցի և հասարակություն» բաժանմունքի նախաձեռնությամբ սույն թվականի հուլիսի 12—24-ը Բոստոնում, Մասաչուսեթսի տեխնոլոգիական ինստիտուտում, տեղի է ունեցել համաշխարհային կոնֆերանս՝ «Հավատք, գիտություն և ապագա» թեմայով:

Իր երեսնամյա գոյության ընթացքում ԵՀԽ-ն առաջին անգամ լինելով կազմակերպում է նման մի կոնֆերանս, որն իր թեմայով և առաջադրած հարցերի կարևորությամբ մասամբ հիշեցնում է 1966 թվականին Ժնևում նույն բաժանմունքի նախաձեռնությամբ գումարված կոնֆերանսը, այն տարբերությամբ սակայն, որ մինչ Ժնևի ժողովին մասնակցում էին բացառապես աստվածաբաններ և եկեղեցականներ, Բոստոնի սույն կոնֆերանսը համախմբել էր գիտության տարբեր բնագավառներում աշխատող անվանի գիտնականներ, աստվածաբաններ, եկեղեցական պատասխանատու գործիչներ, փիլիսոփաներ, տնտեսագետներ, քաղաքագետներ, գիտության տարբեր ճյուղերի ուսանողներ, բազմաթիվ տեխնոլոգներ, ինչպես նաև էթիկայի մասնագետներ, թվով շուրջ 500 հոգի, եկած աշխարհի բոլոր ցամաքամասերից՝ մրտքեր փոխանակելու և քննարկելու համար տնտեսական, քաղաքական, գիտական, սոցիալական, էթիկական բնույթի բազմաթիվ հրատապ և անմիջական լուծում պահանջող հարցեր, որոնք դրված են այսօր մարդկության առաջ թե՛ արդյունաբերական տեսակետից զարգացած և թե՛ թույլ զարգացած ու հետամնաց երկրներում:

Կոնֆերանսի առաջին օրերին շուրջ 40 հոնետորներ հանդես են եկել գլխավոր թեմայի տարբեր երեսները շոշափող առանձին զեկուցումներով, ինչպես՝ «Գիտությունը, տեխնիկան և եկեղեցիները» (զեկուցող՝ ԵՀԽ-ի գլխավոր քարտուղար դոկտ. Ֆիլիպ Փոթթըր), «Գիտությունը և հավատքը յուե-

րիմ թշնամիներ չեն» (զեկուցող՝ Սիդնեյի համալսարանի աստղագիտության բաժանմունքի վարիչ պրոֆ. Ռոբերտ Հենթրի Բրաուն), «Քրիստոնեական հեռանկարներ տիեզերքի ողջ ստեղծագործության մասին» (զեկուցողներ՝ փիլոգիայի դասախոս պրոֆ. Ծառլ Բիրչ (Ավստրալիա), աստվածաբանության դոկտոր Գերհարդ Լյեդկե (ԳՖՀ), «Գիտություն և տեխնիկա—խոստում և սպառնալիք» (զեկուցող՝ փիլիսոփայական գիտությունների դոկտոր Ժերոմ Ռավեց (Մեծ Բրիտանիա), «Տեխնոլոգիան արդյոք հարգո՞ւմ է մարդկայինը» (զեկուցող՝ Նյոշաունդի համալսարանի ֆիզիկայի ամբիոնի վարիչ պրոֆ. Ժան Ռոսել, Շվեյցարիա) և այլն:

Հիշյալ զեկուցումներն այնուհետև քննարկվել են 10 աշխատանքային խմբերում, որտեղ կազմվել և մշակվել են համապատասխան փաստաթղթեր, որոնց հիման վրա կոնֆերանսը ընդունել է մի շարք որոշումներ, բանաձևեր և հանձնարարականներ՝ դրանք հանձնելով աշխարհի բոլոր եկեղեցիների, կրոնական, գիտական, հասարակական կազմակերպությունների ու հաստատությունների, ինչպես նաև պետությունների և կառավարությունների նկատմամբ:

Կոնֆերանսի հիմնական նպատակն է եղել նպաստել համաշխարհային արդար մի հասարակության կառուցմանը՝ հիմնված ժողովրդական լայն խավերի մասնակցության վրա, հասարակություն, որտեղ բոլոր մարդիկ կարողանան ապրել ազատ, խաղաղ ու երջանիկ:

«Համաշխարհային արդար մի հասարակության հասնելու միջազգային բանալին ժողովրդի մասնակցությունն է այդ հասարակության կառուցմանը, մասնակցություն, որը թույլ տալ մարդկանց ասելու իրենց խոսքը իրենց երկրի տնտեսական քաղաքականության «ինչպես»-ի և «ինչքան»-ի

մասին, նշված է կոնֆերանսի փաստաթղթերից մեկում:

Մի այլ փաստաթուղթում, որը վերաբերում է ժամանակակից աստվածաբանությանն ու գիտությանը, ընդգծված է. «Մեր աստվածաբանությունը պետք է շեշտը դնի բնության, Աստուծո ստեղծագործության նկատմամբ մեր ունեցած պատասխանատվության վրա»:

Ինչ վերաբերում է գիտությանը, փաստաթղթում նշվում է, որ կոնֆերանսի հիմնական խնդիրներից մեկն է եղել գիտության բնագավառի աշխատողներին հատ-

կապես հասկացնել տալ այն համոզումը, ըստ որի գիտությունը կոսմոսի իր իսկ կոչմանը, եթե այն չի ծառայում մարդկությանն նկատմամբ սիրո նպատակին»:

Բոստոնի կոնֆերանսի մասնակիցները այն ցանկությունն են հայտնել, որ սույն միջազգային կոնֆերանսին հաջորդեն այլ խորհրդակցական ժողովներ և հանդիպումներ, որոնց առանցքը կազմեն քրիստոնեական հավատքի և ժամանակակից գիտության հարաբերություններին վերաբերող հարցերը:

ԱՅՑԵԼՈՒԹՅՈՒՆ ԱԹԵՆՔԻ ԵՎ ՀԱՄԱՅՆ ՀԵԼԼԱԴԱՅԻ Տ. ՍԵՐԱՖԻՄ ՄԻՏՐՈՊՈԼԻՏԻՆ

Հոկտեմբերի 11-ին Հյուսիսային Ամերիկայի հայոց արևելյան թեմի առաջնորդ տ. Թորգոմ արքեպ. Մանուկյանը, Մայր Աթոռից դեպի իր թեմ վերադարձի ճանապարհին, այցելում է Հունաստանի հայոց թեմ և հյուրն է լինում մի քանի օրով թեմական խորհրդին և հոգևոր հովիվ տ. Հակոբ քհն. Ռուստեմյանին:

Հոկտեմբերի 12-ին տ. Թորգոմ արքեպիսկոպոսը, ընկերակցությամբ Հունաստանի հայոց թեմական խորհրդի ատենապետ տիար Ստեփան Ֆեսնյանի, տեղի հոգևոր հովիվ տ. Հակոբ քհն. Ռուստեմյանի և Հ. Բ. Ը. Միության Ա. Գալքակյան վարժարանի տեսուչ պրն. Զ. Գրիգորյանի, քաղաքավարական այցելություն է տալիս Ա-

թենքի և Համայն Հելլադայի տ. Սերաֆիմ միտրոպոլիտին:

Տ. Թորգոմ արքեպիսկոպոսը Հայոց Հայրապետի ողջույններն է հաղորդում տ. Սերաֆիմ միտրոպոլիտին:

Այնուհետև տեղի է ունենում ջերմ զրույց երկու բարձրաստիճան հոգևորականների միջև, հայ և Հունաստանի հույն օրթոդոքս եկեղեցիների հետագա հարաբերությունների մասին՝ էկումենիկ ոգով:

Զրույցի ավարտին տ. Սերաֆիմ միտրոպոլիտը խնդրում է տ. Թորգոմ արքեպիսկոպոսին իր «խորին հարգանքներն ու լավագույն մաղթանքները» ներկայացնել Ամենայն Հայոց Հայրապետին:

ՄԱՐՍԵԼԻ ԱՐՔԵՊԻՍԿՈՊՈՍ ԿԱՐԴԻՆԱԼ ՌՈԺԵ ԷԶԵԳԱՐԱՅԻ ԱՅՑԵԼՈՒԹՅՈՒՆԸ ՍՈՒՐԲ ՍԱՀԱԿ-ՄԵՍՐՈՊ ՄԱՅՐ ԵԿԵՂԵՑԻ

Ս/թ. հոկտեմբերի 11-ին, հինգշաբթի օրը, Մարսելի ս. Սահակ-Մեսրոպ Մայր եկեղեցու կրոնական ընկերակցության վարչությունը կազմակերպել էր շնորհավորական ընդունելություն՝ ի պատիվ Մարսելի նորընտիր կարդինալ արքեպիսկոպոս Էջեգարայի:

Ընդունելությանը ներկա էին պետական բարձրաստիճան անձնավորություններ, թղթակիցներ, հոգևորականաց դասը, հայ կաթողիկե և ավետարանական համայնքների հովիվները, հայ և ֆրանսիացի հավատացյալների հոծ բազմությունը:

Երեկոյան ժամը 19-ին, երբ Մայր տաճարը և եկեղեցու շրջապատը ողողված էր լույսերով, կոչմաների դողաճի ներքո, Հարավային Ֆրանսիայի հայրապետական պատվիրակի փոխանորդ տ. Հակոբ եպս.

Վարդանյանի ընկերակցությամբ, «Հրաշափառ»-ով Մայր տաճար է առաջնորդվում Մարսելի արքեպիսկոպոս կարդինալ Ռոժե Էջեգարայը:

Ընդունելության բացումը Մակար Եկմալյանի «Սուրբ սուրբ» շարականի երգեցողությամբ կատարում է ս. Սահակ-Մեսրոպ երգչախումբը, որից հետո կատարվում են ս. գրական համապատասխան ընթերցվածներ:

Երկու բարձրաստիճան հոգևորականների ողջագործվելու պահին երգչախումբը կատարում է «Քրիստոս ի մէջ մեր յաշտնեցաւ» խմբերգը, որից հետո խոսք է առնում նորընտիր Մարսելի կարդինալը, որը բարձր տրամադրությամբ շնորհակալություն է հայտնում այս ջերմ ընդունելության համար, այնուհետև իր խոսքի մեջ անդրա-

դառնում է հայ ժողովրդի մասին, որպես քրիստոնեության պատմության մեջ նոր կրոնը առաջինը պետականորեն ընդունող ժողովուրդ:

Այնուհետև կարդինալ Էջեգարայը կարեւորությամբ նշում է 1979 թվականի հունիսին Հայոց Հայրապետի այցելությունը Մարսել և իր հանդիպումներն ու տեսակցությունները Նորին Սրբության հետ թե՛ հայոց եկեղեցում և թե՛ Մարսելի կաթոլիկ արքեպիսկոպոսարանում:

Հոգևոր հանդեսը ավարտվում է խմբովին երգված «Տէր ողորմես»-ով:


Հանդեսից հետո մշակութային կենտրոնի Զրբաշյան ընդարձակ սրահում, ի պատիվ

Մարսելի նորընտիր կարդինալ Ռոմե Էջեգարայի, կատարվում է ճոխ հյուրասիրություն:

Գերաշնորհ կարդինալը լավագույն տպավորություններով հրաժեշտ է տալիս տ. Հակոբ եպս. Վարդանյանին, Մարսելի Կրոնական Ընկերակցության անդամներին, հայ ու ֆրանսիացի ներկա հավատացյալներին և մեկնում՝ լավագույն տպավորություններով:


Կարդինալ Էջեգարայի հայոց ս. Սահակ Մեսրոպ եկեղեցի այցելության մասին մեզ տեղեկություն է հաղորդել Մարսելից թղթակից Հովհաննես Վարժապետյանը:





ԲՈՎԱՆԴԱԿՈՒԹՅՈՒՆ

Վեհափառ Հայրապետի քարոզը Մայր տաճարում	3
ՎԵՀԱՓԱՌ ՀԱՅՐԱՊԵՏԻ կոնդակը եզիպտոսի հայոց թեմի առաջնորդ տ. Զավեն Խայկուպու Չինչինյանին արքայության պատիվ շնորհելու առթիվ	7
ՎԵՀԱՓԱՌ ՀԱՅՐԱՊԵՏԻ օրհնության կոնդակը Փարիզի «Դպրոցաւեր տիկնանց վարժարան»-ի տնօրենությանը, խնամակալ մարմնին, դասախոսական կազ- մին, պաշտոնությանը և աշակերտությանը	9
ՎԵՀԱՓԱՌ ՀԱՅՐԱՊԵՏԻ կոնդակը ականավոր նկարիչ Գառուին (Գառնիկ Զու- լումյան) «Ս. Սահակ—ս. Մարուպ» շքանշանով պարգևատրելու առթիվ	11
Վեհափառ Հայրապետի գահակալության 24-րդ տարեդարձի հանդիսությունը Մայր Աթոռում	13
Հաղորդագրություն	17
Մեծի Տանն Կիլիկիո կաթողիկոսության պատվիրակությունը ա. Էջմիածնում	20
Հաղորդագրություն	23
ԱՆԱՆԻԱ ՎԱՐԴԱՊԵՏ ԱՐԱՔԱԶՅԱՆ—Հովվապետական այցելություն Ադրբեջանի հայոց տիրախմամ թեմին	25
Սուրբ պատարագ, քարոզ և հանդիսություն ա. Հոփսիմն վանքում	35
ՎԱԶԱԳԱՆ ՍԱՐԿԱՎԱԳ ԱՎԵՏԻՔՅԱՆ—Հոգևոր ճեմարանի վերաբացումը	39
ՄԱՅՐ ԱԹՈՌՈՒՄ—Եկեղեցական բեմ. լուրեր	43
ԸՆՈՐՀՔ ԱՐՔԵՊԻՍԿՈՊՈՍ ԳԱՆՈՒՍՏՅԱՆ—Աստվածաշնչական սուրբեր	49
Ս. Ա. Մ.—Ծիպպոլեթի առեղծվածը	55
Հայաստանյայց եկեղեցու Հյուսիսային Ամերիկայի արևմտյան թեմի 52-րդ թեմական պատգամավորական ժողովը	57
Փիթեթի (Ռումինիա) հայոց ա. Հովհաննես Մկրտիչ եկեղեցու հիմնադրության 150-ամյակը	58
Մոնրեալի հայոց ա. Գրիգոր Լուսավորիչ եկեղեցու շարաթոյա դպրոցի ուսումնա- կան վերամուտը	59
Միջազգային ծիսագիտական ընկերակցության 7-րդ համագումարը	60
Հնդկական մալարար եկեղեցու պետը ԱՄՆ-ում	61
Եկեղեցիների համաշխարհային խորհրդի ժողովը Բուստոնում	61
Այցելություն Աթենքի և Համայն Հեղափոխության Ս. Սերաֆիմ միտրոպոլիտին	62
Մարտի արքեպիսկոպոս կարդինալ Ռոմե Լեզարայի այցելությունը սուրբ Սահակ- Մարուպ Մայր եկեղեցի	62



ԽՄԲԱԳՐՈՒԹՅԱՆ ՀԱՍՑԵՆ

ՀԱՅԿԱԿԱՆ ՍՍՀ, ԷՋՄԻԱՇԵՐԻ

«ԷՋՄԻԱՇԵՐԻ» ԱՄՍԱԳՐԻ ԽՄԲԱԳՐՈՒԹՅՈՒՆ

Армянская ССР, Эчмиадзин, Редакция журнала «Эчмиадзин».

Rédaction de la revue «Etchmiadzine», Etchmiadzine. Arménie, URSS

Հանձնված է արտադրության 11.10.1979 թ.: Ստորագրված է տպագրության 3.12.1979 թ.:

Տպագրական 4 մամուլ + 10 ներդիր, թուղթ 60×84¹/₈, պատվեր 846

Մայր Աթոռ ա. Էջմիածնի տպարան, 1979 թ.